

# WANTOK

Niuspepa bilong Papua Niugini stret

- 25 yia nau

40 pes

Namba 1094

Wik i stat long Fonde, Jun15, 1995

50 toea

## BRA komanda rausim meri pikinini bilong Sam Kauona long Fil haus sik ... Sekyuriti fos no amamas long dispela

OL SEKYURITI fos long Arawa i no amamas tumas long pasin we wanpela biknem Bogenvil Revolusinari Ami komanda i mekim long kisim nating meri na pikinini bilong bos bilong BRA, Sam Kauona wantaim nogat toksave long Arawa Fil haus sik.

Dispela samting i bin kamap long tupela wik i go pinis. Pikinini bilong Mista Kauona husat i gat 6-pela krismas i bin kisim sik TB. Olsem na mama

bilong em, Josephine Kauona i karim em i go long Arawa Fil haus sik long kisim marasin.

Em i no pinisim yet ol marasin na Isamael Toroama, wanpela BRA komanda i kam kisim mama wantaim pikinini i go bek long Roreinang, ples we ol i stap long em nau.

Ripot i kam long Bogenvil i tok ol sekyuriti fos long hap i lukautim meri na pikinini bilong Mista Kauona gut. Ol no

mekim nabaut long ol olsem askim ol kain kain kwesten.

Sekyuriti fos i givim mama na pikinini wanpela rum long Fil haus sik long stap long en. Na ol i no amamas long taim Ismael i kam kisim ol i go bek long bus wantaim nogat toksave i go long ol. Bikos bikpela samting em pikinini i no pinisim gut marasin, na ol i kisim em i go bek long bus.

- VERONICA HATUTASI i raitim.



□ Lapun Kongap winim 90 krismas nau.

Lapun Jimbe Kongap i bilong Kotken long Ogeranang, Morobe provins. Na i gat 90 krismas nau, tasol emi stap laip yet. Mama i bin karim em long 1905 taim Wol Woa 1 i kam. Long Wol Woa 2, em i bin wanpela yangpela man. Em i joinim ol soldia bilong Australia na pait inap woa in pinis long 1945. Em i stap laip yet inap i lam nau. Poto i kam long Sam E. Kongap, tumbuna bilong Jimbe Kongap.

# Politikel presa pusim PNGFA long oraitim Turama projek

LONG Me 30, Bod bilong Papua Niugini Fores Atoriti (PNGFA) paitim toktok na tokorait long wanpela Projek Agrimen. Na i tokorait long Fores minista long givim wanpela Timba Permit i go long Turama Forest Industries (TFI).

Bihainim disisen bilong Bod bilong PNGFA, long Fonde, Jun 1, Ekting Fores minista, Titus Philemon, menesing dairekta bilong PNGFA, Jean Kekedo, Galp primia Riddler Kimave na ol opisal bilong TFI sainim ol pepa bilong dispela Timba Permit.

Dispela Timba Permit

## GODFRIED YASSAFAR i raitim

i karamapin Turama, Kikori na Baimuru eria. Na i karamapim samting olsem 266,000 hekta graun. Long Mandé, Jun 5, i gat wanpela ripot i kamap long Post Courier olsem wanpela papagraun kampani long Baimuru i egens long TFI long katim timba long dispela eria (Baimuru). Dispela Post Courier ripot i tok papagraun kampani ya, Purari Resources Pty Ltd i no amamas long TFI kisim Timba Permit long katim timba long Baimuru. Siaman bilong Purari Resources, Kuripi

Beniamina i tok ol pipel bilong em i no amamas long TFI kisim dispela nupela permit long katim timba long eria bilong ol. Mista Beniamina i tokaut tu olsem ol pipel bilong em i no amamas long namba tu Praim Minista na Galp rijonol memba, Chris Haiveta i no lukluk long askim bilong ol long operesen bilong ol foren (ovasis) timba kampani long eria bilong ol.

Tasol Mista Haiveta i kirap na tokorait long wanpela foren (TFI) long katim timba long eria bilong ol.

Long Fonde, Jun 8,

wanpela arapela ripot ken i kamap long Post Courier. Dispela ripot i tok dispela Timba Permit Ekting Fores minista, Mista Philemon i sainim long Jun 1 i no bihainim lo.

Ripot ya i tok dispela permit i no kam aninit long ol polisi bilong nupela Forestri Ekt.

Na tu PNGFA i no bin edvataisim dispela timba eria (konsesen) we nupela Forestri Ekt i tok i mas kamap. Long Sarere, Jun 10, nupela niuspepa bilong Wod Pablisng kampani, The Saturday Independent, i tokaut olsem Turama Timba Permit i no bihainim Forestri Ekt.

Long dispela nius ripot, The Saturday Independent i tok Nesanel Alains bilong ol Non Gavman Oganaisesen (NANGO) i laikim olsem Ombudsmen Komisn i mas sekap long rot PNGFA i givim dispela timba permit i go long TFI.

Bikos NANGO i gat bilip olsem i gat politikel presa long Nesanel Fores Atoriti na Bod bilong em long givim permit i go long TFI. Ol hait ripot Wantok niuspepa i kisim long sampela opisal bilong PNGFA na tu long praivet fores sekta i strongim bilip na toktok bilong

NANGO long politikel presa na wok politik i mekim na PNGFA i givim permit i go long TFI.

Wanpela arapela hait ripot Wantok i kisim i tok olsem long Novemba 15, 1994, namba tu Praim Minista na Fainens na Plening minista, Chris Haiveta i raitim na salim wanpela pas i go long Fores minista Andrew Posai. Mista Posai long nau yet i stap long saspensen. Na Fiseris na Marin Risoses minista, Titus Philemon i kisim ples bilong Mista Posai olsem ekting Fores minista.

Long dispela pas

bilong em, Mista Haiveta i askim Mista Posai (taim em i stap yet olsem Fores minista) long mekim tripela samting. Dispela tripela samting em: (1) givim Turama Forest Industries ekstensen long karamapim ol eria long Galp/Westen boda bihainim apikesen bilong en; (2) givim tokorait long Is Kikori TRP long katim na salim diwai (logs) aninit long operesen bilong en long lukim olsem kampani kamapim ol samting we kampani tok long kamapim aninit long kontrak.

I go long pes 2



# DELTA



## BIKPELA KEBIN SPEIS

STRONGPELA TRU NA INOPILAI NABAUT TRAK...  
DSEPELA TRAK IGAT BIKPELA SPEIS LONG KEBIN  
NA TU IGAT BIKPELA SPEIS ARASAIT BILONG  
KARIM PLANTI KAGO NA OL MANMERI  
NABAUT. DELTA. ISTAP NAU LONG  
ELA MOTORS BRANS KLOS  
TU LONG PLES BILONG YU!

PORT MORESBY 229400 - LAE 422322 - KOKOPO 927983 - MADANG 822188  
GOROKA 721844 - MT HAGEN 521888 - WEWAK 862255 - KAVIENG 942132  
KIMBE 935155 - TABUBIL 589060 - VANIMO 871254 - PORGERA 579367  
ALOTAU: WALTERS WORKSHOP 611174 - ORO MOTORS 297002

**Ela Motors**  
OLGETA HAP LONG  
PAPUA NIUGINI

EM5138

## Plis ripot

### HAGEN, Westen Hailans:

Tripela pikinini ibin kisim bikpela bagarap long wanpela birua we ol i sut wantaim gan. Na bikpela stoa long hailans ol i kolim liong Bromly na Menton i bin lusim K39 tausen long han bilong ol stil man long Kwins betde las wiken.

Plis long hailans i tok sampela lain ibin go klostu stret na sutim tripela pikinini ya long ples ol i kolim long Baiyer. Nau ol pikinini i slip istap long Hagen haus sik wantaim bikpela bagarap long ol. Kondisen o stap bilong ol ino gutpela.

Provinsal Plis Komanda John Wakon i tok ol manki ibin sindaun long baksait bilong ka we papa bilong ol i draivim taim foapela man i sut i go long ol wantaim gan. Dispela em long Kombolomba Hai skol.

Em i tok tu olsem birua ya i kamap long kros pait bilong wanpisen yet.

### ENGA:

Plis long Enga i tok sikpela man wantaim ol gan ibin brukim stoa bilong Bromli na Menton long Wabag na ranawe wantaim K24 tausen kes mani na ol arapela samting moa bilong stoa.

Plis komanda Allan Kundi i tok long dispela taim Wabag taun ibin gat pawa blekaut na ol stil man i yusim dispela long go hetim stil pasin. Na tu stenbai pawa jenereta bilong stoa ino bin on na olsem ol sekyuriti gat ino lukim ol stil lain i kam insait long stoa long sait bilong ruf.

Plis long Enga i ripotim tu olsem wanpela sutaut ibin kamap namel long plis na wanpela grup long Laiagam we wanpela trabel man ibin kisim bagarap.

Mista Kundi i tok plis ino putim yunifom na go long ples Lakris we trabel ibin kamap long em na painim grup ya i mekim nabaut na long wanpela sutaut, lida bilong grup ya i kisim bagarap taim plis i sutim em long lek.

### WESTEN HAILANS:

Wanpela man i bin lusim K200 na ka bilong em long han bilong ol trabel man klostu long Hagen kopi fektri long wiken.

Birua ya i kamap long taim draiva i pulaut i kam long kopi fektri. Ol man i pasim maus bilong em, putim em long baksait bilong ka, dampim em long ples Warakum na ol bin ranawe wantaim ka bilong em.

### NESENEL KAPITEL:

Wanpela plisman long Mosbi i stap nau long haus sik bihain long sampela raskel i bin sutim em long maus wantaim gan las wiken. Dispela em taim plis i ronim ol taim ol raskel ya i stilim wanpela ka.

NCD metropoliten plis komanda Philip Taku i tok plis ibin sutim dai wanpela long ol foapela raskel husat ol bin ronim ol ful spit long ka.

Plisman husat i kisim bagarap em Konstebel Heure.

Mista Taku i tok longpela wiken long Mosbi ibin bisu na kwait.

I bin gat wanpela ripot long kilim dai man na ol stil pasin insait long ol setelmen. Wanpela meri ibin dai long haus sik bihain long pait wantaim man bilong em. Plis i kwestenim man bilong em na wet long sasim em, Mista taku i tok.

### 4-pela PNG ekt long:

# Muvi bilong soim Australia pasim long koloniel taim

TUPELA eria insait long. Is Sepik Provins, Angoram taun na Tambunum ples, bai stap insait long wanpela muvi we bai kisim taitel olsem The small Man (Liklik Man).

Foapela (4-pela) Papua Niugini man bai ekt insait long dispela muvi. Dispela 4-pela man, tripela i bilong Is Sepik Provins na wanpela i stap long Isten Hailans Provins.

Dispela tripela man long Is Sepik Provins em John Parinjo bilong Boiken eria, Robert Kunga bilong Sambri Leks na wanpela memba bilong Raun Isi Tiata, Larry Lavai. Dispela man long Isten Hailans em i wanpela memba bilong Raun Raun Tiata.

Dispela muvi, wanpela man na meri bilong Australia i raitim. Nem bilong tupela ya em John Hillcoat na Lynn Ruthvan.

John Hillcoat em i wanpela biknem man husat i save raitim ol story bilong ektim muvi. Na Lynn Ruthvan em i wanpela konsalten bilong wanpela kampani long Melben

### GODFRIED YASSAFAR i raitim

long Australia ol i kolim World Casting Consultant.

Bihain long Hillcoat na Ruthvan i raitim stori bilong The Small Man na pinisim, tupela i kam raun long Papua Niugini long Oktoba las yia. Astingting em long painim ol ples Papua Niugini long ektim sampela pat bilong dispela muvi. Bikos dispela muvi toktok na stori long Papua Niugini.

Tupela i kam raun lukluk na i go long Is Sepik Provins. Long Is Sepik, tupela i raun long Sepik wara eria na makim Angoram taun na Tambunum ples.

Long Mas dispela yia (1995), tupela i kam bek long Papua Niugini. Dispela em long painim ol Papua Niugini man long ekt insait long muvi.

Tupela i kam na go long ol taun olsem Mosbi, Goroka, Lae, Madang na Wewak. Dispela em long sekim ol memba bilong ol tiata grup

insait long ol dispela taun husat inap ekt long The Small Man.

Tupela i sekim Nesenel Tiata Kampani long Mosbi, Duadua Tiata long Lae, Raun Raun Tiata long Goroka, Tumbuna Tiata long Madang na Raun Isi Tiata long Wewak. Tupela i kisim wanpela memba bilong Raun Raun Tiata. Tasol tupela i no painim sampela long Nesenel Tiata Kampani, Dua Dua na Tumbuna Tiata.

Long Wewak, tupela i kisim wanpela memba bilong Raun Isi-Larry Lavai. Na long ektim pat bilong lapun man insait long muvi, aninit long helpim bilong wanpela gavman opisa long Wewak, Anton Sakarai, tupela i kisim John Parinjo bilong Boiken. Na long ektim pat bilong "Yangpela Boi" nem bilong em Luther, tupela i kisim Robert Kunga-wanpela yangpela boi bilong Sambri Leks. Mista Sakarai tokim Wantok olsem ol lain bilong wokim dispela muvi bai lusim Australia long tude Fonde, June 15 na kamap long

Wewak. Na ol bai go long Angoram na Tambunum long katim sampela hap bilong muvi. Dispela wok bai pinis long arapela-wik Trinde. Na ol bai go bek long Australia.

Long June 24, Larry Lavai, John Parinjo, Robert Kunga na dispela memba bilong Raun Raun Tiata bai go long Australia long ektim ol arapela pat bilong muvi.

Mista Sakarai tok taim olgeta wok bilong wokim The Small Man muvi pinis, muvi ya bai soim pasin na we bilong ol Australia pipel insait long Papua Niugini long ol koloniel de.

"Dispela muvi bai soim pasin na we ol Australia i kisim i kam long PNG long ol koloniel de. Na pusim ol pipel bilong PNG long kisim na yusim. Ol i ting lus olsem ol i stap long wanpela ples we ol pipel i gat narakain kastom na kalsa. Tasol ol i go het na pusim ol pipel long kisim na holimpas pasin na kalsa bilong ol (Australia)," Mista Sakarai tok.

## Politikal presa pusim PNGFA long oraitim Turama projek

### I kam long pes 1

Na (3) pinisim Shisei (wanpela arapela timba kampani) olsem opereta bilong Vailala TRP bikos kampani no bihainim loging praktis, i no bihainim Envairomen Ekt, i no baim royalti mani go long ol papagraun na Galp provinsal gavman na tu putim aut dispela TRP aninit long wanpela pablik tenda long ol kampani aplai na winim.

Bihainim dispela pas bilong Mista Haiveta na tu pastaim long ektim Fores ministra, Mista Philemon i sainim dispela ekstensen permit bilong TFI, Wantok long Mei 31, 1995, i askim PNGFA menesa, Keith Dolman: (1) Sapos PNGFA i givim ekstensen permit pinis long TFI; (2) Sapos Kikori TRP i kisim tokorait long katim na salim diwai; (3) Sapos PNGFA i pinisim Shisei olsem opereta bilong Vailala TRP; (4) I bin i gat politikel presa long askim bilong pinisim Shisei olsem opereta bilong Vailala TRP; (5) Sapos i tru olsem Shisei no bihainim (brukim) loging praktis; (6) Sapos Shisei no baim royalti mani long ol papagraun na Galp provinsal gavman na (7) Sapos PNGFA i gat save long wanpela pas Mista Haiveta i raitim na salim i go long Mista Posai.

Menesing dairekta bilong PNGFA, Jean Kekedo i bekim ol dispela askim na tokaut olsem: (1) Bod bilong PNGFA i bung long Mei 30 na tokorait long wanpela Projek Agrimen. Na long wankain taim tokorait long givim wanpela


Timba Permit i go long TFI; (2) Kikori bai go het yet long katim na salim diwai; (3) PNGFA i no pinisim Shisei olsem opereta bilong Vailala TRP; (4) I nogat politikel presa long pinisim Shisei; (5) Shisei no brukim loging praktis; (6) Em (Kekedo) i no save sapos i gat royalti man; we Shisei mas baim i go long ol papagraun na Galp provinsal gavman na (7) Long las yia na i go, ol (PNGFA) i bin kisim planti toktok na dairek-sen i kam long planti sampela politikel opis. Em (Kekedo) i tokaut olsem namba tu praim min-ista i bin givim helpim i go long ol (PNGFA).

Ol ripot Wantok i kisim i tok olsem politikel presa i winim wok bilong PNGFA. Olsem na tokorait i bin kamap long givim dispela permit i go long TFI.

Bikos i gat bikpela politikel na pesenel interes long TFI i mas kisim permit long katim diwai long Baimuru na Kikori eria.

Wanpela fores opisal long praivet sekta i askim: Sapos Bod bilong PNGFA i luksave olsem i nogat Nesenel Fores Developmen Program na Provinsal Fores Program aninit long dispela projek, watpo na ol i go het na wokim disisen long givim permit i go long TFI?

Dispela i soim ples klia olsem, opisal ya i tok, bikpela politikel presa i pusim PNGFA long givim tokorait. Na tu i gat politikel na pesenel interes long dispela projek.



### Stail bilong Mosbi

● Yangpela boi ya i penim em yet gut long blakpela pen na mekimsave stret long Mosbi so las wiken. Em i mekim gutpela wok tru. Bikos kain boi olsem em bai save long ol tumbuna danis na kastom, na lainim ol pikinini bilong bihain taim.

All departments Phone: 25-2500 Fax: 25-2579	<b>WANTOK</b> Published Weekly, Thursdays, for <b>Word Publishing Co Pty Ltd</b>	PO Box 1982 Boroko NCD Papua New Guinea
Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co Pty Ltd. General Manager and Company Secretary: Ian Fry Group Editor in Chief: Anna Solomon Editor of Wantok: Leo Wafliwa Acting Advertising Manager: Anthony Lilou	<b>Regional office:</b> Suite Haus Tisa, Second Street Lae, P.O. Box 1726, Lae, Morobe Province Phone/fax 42-0618 Phone: 42-1562 District Manager: Alphonse Pu Papers distributed by air throughout PNG. Available by airmail subscription within Papua New Guinea and overseas. Australia & New Zealand Representatives: Tonkin Media Pty Ltd PO Box 101 Avoca Beach NSW 2251 Aust. Sydney, James Tokin, (043) 85 1746 Melbourne, Glen Smith, (03) 807 2311	
<b>Advertising deadlines</b> Display bookings: Monday, midday Camera ready copy: Tuesday, midday Classified advertising: Wednesday 2 pm		

# NHC bai rausim ol tenen husat no baim ren

PLANTI-pipel long Nesenel Kapitel Distrik bai kisim taim sapos Nesenel Hausing Koporesen (NHC) i go het na oksenim plen bilong em.

Dispela em long rausim ol man long ol haus sapos ol i no peim ol ren mani, wantaim tu ol arapela dinau ol i gat wantaim komisen.

Eking Manesing Dairekta bilong Koporesen, Gabriel Tovo i bin mekim dispela strongpela toksave las wik. Dispela em bihain long kopresen i painimaut olsem planti pipel long Mosbi i gat bikipela dinau mani yet long peim i go long Koporesen.

Ol dinau mani ya, Mista Tovo i tok i pulap i kam long planti yia nau. Bikos komisen i bungim hevi wantaim mani long dispela taim, em i laik kisim bek dispela ol ren mani long skruim wok bilong em i go het.

Mista Tovo i tok koporesen i mekim dispela disisen bikos planti taim pinis long ol taim bipo inap nau, ol i salim notis i go long ol lain husat i no peim yet ol rent mani. Tasol ol dispela kastoma i bikhet na i no save baim ren bilong ol.

Long stat bilong dispela yia, Hausing Minista Dick Mune i bin odaim ol wokman bilong koporesen long kisim bek ol mani we ol pipel i gat long koporesen. Tasol singaut bilong minista na hatwok bilong ol wokman meri bilong em i no karim kaikai.

### Kopresen sot long mani

Koporesen i sot tu long mani oslem PNG gavman i bungim nau.

Na dispela i kamapim dispela tupela hevi:

- Wampela em long planti man i no peim yet ol ren mani long ol haus ol i yusim; na

• namba tu em aninit long 1995 baset, nesenel gavman i no givim mani i go long koporesen.

Em i tok olsem ol wokman bilong koporesen bai go aut long siti na rausim ol man na lokim ol dispela haus we ol tenen o pipel i slip long haus i gat bikipela dinau long peim yet.

"Planti lain i wok long painim haus na Koporesen no inap sindaun bek na larim ol ol dispela husat i no peim bikipela ren mani bilong haus long stap yet long ol haus," Mista Tovo i tok.

Em i tok tu olsem kain pasin tasol bilong sampela lain i wok long pasim spes bilong ol arapela lain husat i laik stap tu long gutpela haus.

Em i askim strong ol tenen bilong ol haus we ol i makim ol long givawe skim long stretim olgeta peimen kwiktai wantaim tu ol

ligel fi bipo long Komisen i wokim trense bilong ol haus.

Long ol haus bilong ol wan wan gavman dipatmen, Mista Tovo em i tok Nesenel Eksekutiv Kaunsil i mekim disisen pinis long salim ol haus i go long ol provinsal gavman o i go long ol dipatmen. Na dispela em ol man i stap long ol, Komisen bai i salim ol haus i go long ol.

Ol haus we ino stap long lista bilong Komisen long salim em long:

- haus we ol Nesenel Kot opisa i stap long en;
- majisteriel sevis;
- ol opisa bilong pablik prosekyuta; na
- ol haus we ol pablik solisita i stap long ol.

Dispela i kamap bikos ol lain ya i no save stap longpela taim long wampela hap bikos long wok bilong ol.

## Kwarara bosim nau fiseris atoriti



• Antap lep: Agrikalsa seketeri Miri Setae na seketeri bilong Fiseris, Joseph Gabut i paitim toktok na long rait: Asisten seketeri bilong DPI long kibung long Lae.



## Fiseris kaunsil kamapim pinis sampela tokorait

Nesenel Fiseris Kaunsil long kibung bilong ol long Lae i kamapim ol dispela resolusen o tokorait:

- Long NFA i gat 219 wokman meri;
- Long NFA i kamapim gut na moniterim wok bilong Prosek Preperesen na Monitering Yunit bilong helpim brens ya long lukautim wok bilong atoriti we i karamapim ol pro-grem na prosek bihainim yet ol obsektiv na tu hau bai ol prokem bilong NFA bai i afektim ol wok prokem bilong fiseris sekta.

• Long NFA i lukluk pastaim long ol rises wok bilong kamapim ol prokem bilong Fiseris Teknoloji Brens.


• Long NFA i kamapim infomesen brens we bai i stap olsem link o bris namel long NFA, ol provins na fiseris sekta

• Long NFA i pinisim straksa bilong atoriti kwiktai long gavman na ol atoriti iken lukluk long emna

apruvim na long kisim ol save-  
• Bihain long ol i man long wok long ol apruvim, NFA Bod posisen.

## ASKIM LOKOL STUA BILONG YU

- Strongpela sop bilong klinim ol samting
- Bilong wasim ol klos, wok bilong haus kuk na tu ol arapela wok na samting



Wampela sop tasol we yu ken yusim long solwara !!

- Gutpela na strongpela na i ken stap longpela talm.
- Isl long yu ken klisim

Distributed by **CBChee** LAE: 42 1333 HAGEN: 52 1579

Bilong Holsel Seving



# WANTOK

NIUSPEPA BILONG OL PAPUA NIUGINI STRET

## Wok sekap mas kamap long timba pemit

BIKPELA toktok i kamap nau long Turama Fores projek em ekting Fores Minista Titus Philemon i givim pinis pemit long kampani go hetim wok bilong katim timba.

Dispela tokorait i kamap bihainim disisen bilong Bod bilong Papua Niugini Fores Asosiesen. Pemit i karamapim wok bilong katim timba long Turama, Kikori na Baimuru eria. Na i karamapim santing olsem 266,000 hekta graun. I gat ripot olsem wanpela papagraun kampani i egensim Turama Fores Indastris (TFI), husat i kisim pemit long katim timba, long mekim wok bilong katim timba. Nem bilong dispela papagraun kampani em Purari Resources Pty Ltd.

Nau yet nupela ripot i kamap olsem wok politik i mekim na PNGFA i givim pemit i go long TFI.

Na tu i gat pas i go i kam namel long Mista Posai na Deputi Praim Minista na Fainens Minista long wok bilong Turama Timba projek.

Ating wanpela wok painimaut i mas go insait nau long dispela. Ol bikman bilong PNGFA i mas kam aut nau na toktok.

Bikos bikpela samting em sapos i gat sampela interes bilong ol lida long kain developmen olsem, bikpela samting em ol pipel i no inap kisim gutpela bekim long developmen.

# BRA lida lusim Bogenvil Revolusinari Gavman

WANPELA strongpela memba bilong Bogenvil Revolusaneri Gavman (BIG) husat i wok wantaim ol top BRA lida antap long hetkwata long Panguna, Damien Damen i pinis long sapotim BIG.

Man ya em i lida bilong wanpela kago kalt muvmem ol i kolim long "Fifti Toea Gavman" we i save stap long Panguna Kongara eria.

Mista Damen i no moa sapotim BIG gavman bilong Francis Ona, Joseph Kabui na

## VERONICA HATUTASI i raitim

Sam Kaouna. Nau yet em i laik wok wantaim pis komiti insait long sentrel Bogenvil long pinisim hevi we i bagarapim ol pipel long 7-pela yia pinis. Em i tokim bung bilong ol pis komiti memba long ples Kaino, ausait long Arawa olsem Mista Ona i wanbel long em i lusim BIG. Na nau em i fri long wok wantaim wanem kain grup long laik bilong em. Mista Damen nau i mekim strongpela singaut i go

long ol komanda bilong BRA na resisten grup long wok bung wantaim long pinisim hevi long Bogenvil. Em i tok pait long ailan i tanim narakain pinis we nau ol pipel bilong Bogenvil yet i pait namel long wanpela na narapela.

Olsem na nau em i gutpela long kamapim belisi pasin long ol grup husat i birua namel long ol yet. Mista Damen i laikim tupela grup long sainim wanpela Memorendam bilong

Andastending (MOU) o tokorait we bai lukim ol i wok bung wantaim long kamapim gutpela sindaun long ailan. I kam inap nau, PNG gavman na BIG i wok long mekim ol agrimen long ol sekyuriti fos na BRA i pinis long pait, na wok long kamapim gutpela sindaun long ailan.

Em i taim nau long ol lokol grup yet long wok-bung long painim gutpela sindaun, sekan na bel isi. Na gutpela sindaun i ken kamap bek long Bogenvil.

Askim long ol sief sekanim ol BRA stap hait yet

## VERONICA HATUTASI i raitim

OL SIEF bilong sentrel Bogenvil i askim sief bilong ol arapela distrik long Bogenvil long sekan na kamapim belisi pasin wantaim ol BRA paitman long eria bilong ol, husat i stap hait yet antap long ol maunten long Panguna na Kongara.

Deputi siaman bilong Not Nasioi Pis Komiti, Peter Chanel Pina i mekim dispela singaut bikos sampela BRA long Siwai, Nagovis na Buka i stap hait yet long sentrel Bogenvil.

"Mipela i askim ol sief long singautim ol lain bilong ol long go bek long ples na kamapim belisi pasin wantaim ol na ol pipel long komyuniti," Mista Pina i tok.

Em i tok ol Buka BRA paitman husat i stap yet long sentrel Bogenvil i amamas long harim dispela toktok.

Mausman bilong ol, Ratsi Korana i tok em i laik bungim ol sief bilong Buka long Arawa. Na bai ol i stretim ol toktok na 50 BRA paitman bilong Buka i ken go bek long ples bilong ol.

Mista Korana i laikim ol bikman long Buka Ailan olsem James Togel, Herman Haluhu, Anton Hatobu na Joseph Hapisiria long stap insait long dispela bung.



## Taim bilong sekan na belisi

● Dispela em long wanpela pis seremoni we ol i holim long ples Malasang long Buka Island.

Bung in kamap long las wik we tupela wan pisin husat i bin pait long hap graun in sekan na kamapim belisi pasin. Kracs pait bilong tupela wan pisin i bin stap tupela mun olgeta.

Ol i pre bipo long ol kaikai wantaim. Bikman i sanap long raithan wantaim aiglass em deputi primia bilong Bogenvil Interim Gavman, Thomas Anis, husat i kamap tu long dispela bung bilong kamapim gutpela sindaun. *Poto: Alostus Sami*

# WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO  
telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

**BIABIA GO LONG PLES... OL TUMBU- NA TORIM EM LONG GO INSAIT LONG HAUS TAMBARAN...**

HEY, TUMBUINA... YU MAS GO INSAIT LONG HAUS TAMBARAN NA KISIM STRONG NA BAI YU KAMAP MAN TRU!

NO WAKS PUPU, BAI MI GO INSAIT LONG HAUS TAMBARAN... MI NO PRET LONG OL SANGUNA...

**BAGA SO-OFF STRET... EM SAVE OLSEM EM BAI KAMAP MAN TRU...**

HAI! OL I TING MI SITI BOI NA BAI PRET LONG OL SAMTING TUMBUINA BILONG PLES, AH?!!

**NAU EM GO INSAIT... PLES I TUDAK STRET NA AI BILONG BIABIA INO FOKAS GUT...**

OH-OH! PLES I DAK MI NO INAP LONG FOKASIM AI GUT!

**TAIM AI BILONG EM I FOKAS GUT, EM LU- KIM OL KAINKAIN MASALAI KAVIN NA BAGA PRET NOGUT TRU...**

AAAAHHH!! MASALAI MAMAIYOOHH!!

HEELPP!!!

WANTU EM BRUKIM DIA NA SUT I KAM AUTSAIT NA TEK-OFF I KAMBEK LONG MOSBI...

# BTG oraitim kamap gen bilong ol pis komiti

BOGENVIL Trensisenel Gavman (BTG) i givim tok rait pinis long kirapim bek ol Bogenvil Pis Komiti.

Na ol i katim K700,000 long baset bilong go hetim strong wok bilong komiti insait long ol wanwan distrik long ailan.

Ripot i kam long Bogenvil long dispela wik i tokaut olsem ol i makim

James Togel long go pas long dispela komiti.

Wok bilong komiti i bilong stiam gut wok long painim gutpela sindaun, sekan na kamapim belisi pasin long ol wanwan distrik.

Mista Togel na lain bilong em i bin raitim wanpela ripot we i karamapim wok bilong komiti long BTG long oraitim.

BTG i givim hap mani bikos em i

lukim olsem wok bilong kamapim gutpela sindaun na belisi pasin em i bikpela samting long pinisim ol trabel long ailan.

Wanwan distrik long Bogenvil i gat pis komiti bilong ol yet.

Na i gat man i makim wanwan komyuniti, ol sios grup, grup bilong ol meri, yut grup, ol sief na husat moa i gat laik long pinism ol hevi long ailan.

# Tupela wanpisin long Buka stapim 10-pela mun kros

ALOYSIUS SAMI  
i raitim

TUPELA wan pisin long Buka distrik i bin sekan na kamapim belisi pasin insait long wanpela bung long ples Malasang las wik.

Dispela em bihain long tupela grup i kros pait long hap graun insait long 10-pela.

Hap graun i bilong Tanakela wan pisin. Na tupela wan pisin bilong ples Malasang yet i wok long kros pait long em insait long tenpela mun olgeta. Ol i no inap long stretim hevi ya aninit long lo. Tasol long las wik ol i bihainim pasin kastom long painim belisi pasin na pinisim dispela hevi. Tasol long taim pait kros i stap yet, ol len midieta na len komisen long Buka i helpim tu long traim stretim hevi.

Orait long taim bilong pis seremoni, ol bikman olsem Ekting Primia bilong provins, Thomas Anis, sinia provinsal majistret Jacob Toroken, ol hetman bilong ples, ol lain i makim tupela grup i stap insait long hevi na ol lain bilong ol i bin stap.

Long ai bilong Mista Toroken na Mista Anis, tupela man i makim ol wan pisin em long Mark Tobiana i makim Tanakel klen, na Leo Semoso i makim narapela klen i sainim wanpela agrimen long ol i noken kros na pait moa. Na Mista Toroken i kisim bek agrimen we tupela pati i mas bihainim nau.



• Ol meri Malasang i danis na amamas long tupela grup ya i sekan na soim belisi pasin.

Mista Toroken i tok dispela em i namba wan taim we kot i salim bek kot bilong graun i go bek long ples bilong tupela grup i gat kros long wanpela narapela long lukim ol yet na kamapim belisi pasin.

Bihain long ol i sainim ol pepa, tupela wanpisin i sekan na amamas gen. Long seremoni, ol i kilim pik na ol kaikai wantaim ol bikman bilong gavman, ol midieta, ol hetman, ol manmeri na pikinini long ples long amamas na lus tingting long kros pait bilong tupela grup. Ol

bikman i bin kam long dispela seremoni tu long ol arapela Kaunsil bilong Sief eria olsem Halia, Hagogohe na Tsitalato.

Wanpela komyuniti lida bilong Malasang yet long taim em i givim toktok long pasin belisi i tok pait na tok kros long graun i kamap moa yet long tude. Bikos planti pipel i tingim ol yet. Na ol i no tingting long tilim samting wantaim ol arapela man, meri na pikinini long ples. Em i tok griti pasin i wok long kamap bikipela namel long ol grup long olgeta hap bilong

provins na kantri.

Em i tokim ol lain husat i bin stap long seremoni long luksave long pasin tumbuna olsem wanpela rot bilong kamapim belisi pasin na pinisim ol hevi. Na tu luksave long agrimen kot i givim tupela long sainim olsem rot em i stap long lo bilong kantri bilong pinisim hevi.

Em i tokim ol tu olsem dispela kain rot we ol i sainim agrimen pepa i helpim tupela grup i winim ol arapela rot bilong stretim kros pait bilong graun.

## NBC Redio Sandaun klostu bai op gen

STAN RANGA i raitim

OL wok rere bilong stretim opis na studio bilong Redio Sandaun insait long Vanimo bai kamap klostu, sapos ol i putim aut tenda long husat i kontrakta o kampani i soim laik long mekim dispela wok.

Elcom inspekta long Vanimo i bin pasim stesin long las yia inap nau. Bikos opis na studio bilong wok i no gutpela tumas long sait bilong pawa i stap. Na tu antap bilong haus i gat planti bagarap we wara i save go insait.

Long last wik, namba tu siaman bilong Neseneel Brodkasting Komisen, Tonny Boski na kodineta bilong Kundu Sevis bilong NBC long Mosbi, Waluka Lowa i bin kam lukluk raun na sekim dispela hevi. Ol i givim pinis K20,000 long Vanimo Wok Dipatmen long karimaut dispela wok bilong stretim opis na studio.

Insait long wanpela kibung bilong namba tu siaman na ol wokman meri bilong NBC Redio Sandaun long stat bilong dispela mun, namba tu siaman i tok em i sori long lukim stesin i no wok. Na dispela i no gutpela long ol pipel bilong dispela provins. Bikos planti manmeri long Sandaun i save putim ia long Redio Sandaun long harim ol toksave na nius long wanem kain senis i wok long kamap long kantri na provins wantaim.

Mista Boski i tok sori long dispela hevi. Na tu i tokaut olsem na i hat long stretim olgeta hevi bilong em long wanpela taim. Bikos i nogat inap mani olsem kantri i bungim nau.

Em i kisim dispela taim long tenkim ol wokman meri bilong em long stap isi na mekim wok. Na i no tingting long komplek nabaut.

Ol wokman meri bilong Redio Sandaun i no amamas long pasin Sandaun provinsal gavman i mekim long i no bihainim promis bilong en. Ol promis long giviri; sampela mani long stretim dispela hevi. Tasol ol i no bihainim dispela toktok bilong ol. Ol i tok Sandaun gavman i pilai politik tasol na i no tingting long 142,000 pipel bilong em we Redio Sandaun i save sevim.

## Yut grup laik go bek long raskol wok

SAPE METTA  
i raitim

WANPELA yut grup i tokaut olsem sapos em i no kisim helpim long bekim dinau long beng, bai ol memba bilong en i go bek long olpela raskol pasin.

Nem bilong dispela grup em Ugerewe Yut grup, na i bilong ples Korepa long Wewak distrik. Grup i go bek long olgeta gaden na long 1993, grup i memba i bin givim long raskol pasin.

Ol i tokim yut grup na kisim K1,000 dinau man long Rurel Development Beng long kamapim wanpela gaden kaikai (vegetable) tam project.

Tasol Ugerewe yut grup lida, Mista Himoru Songi i tok, projek bilong ol i no bin kamap gut tam bikipela birua bilong pait namel long ol wanpisin haus-

lain i bin kamap long las yia. Na planti ol samting i bin bagarap taim pait i wok long go het yet. Olgeta gaden kaikai long gaden o fam bilong yut grup ya tu i bin bagarap olgeta.

Mista Songi i tok dispela pait i bin kamap namel long ol lain bilong memba bilong Dauo, Gumia Sowa. Na taim yut grup ya i laik askim long helpim bilong Mista Sowa, em i bin les long helpim.

Em i tok nau yet beng i laikim bek dinau man wantaim interes inap olsem K2,000.

Mista Songi i tok, ol i bin askim raun long ol wanwan lida na atoriti long helpim. Tasol askim bilong ol i no karim kaikai. Na ol bikman bilong beng tu i no laik toktok long ol.

Em i tok nau yet grup i planim nupela kaikai long tam. Tasol sapos i nogat helpim i kamap long ol, ol bai go bek long raskol pasin.

## Dregahafen Hai skul lusim yangpela studen

EDDIE SAUNDERS  
i raitim

OL studen na tisa bilong Gregahafen Hai skul long Finsafen, Morobe i lusim pinis wanpela gutpela studen na pren bilong ol, yanpela Bobby Ba'afa.

Bobby i bin dai long Fraide Jun. Bobby i gat 17 krismas. Na i bilong ples Kumawa long Finsafen distrik.

Ol yangpela long Dregahafen Hai skul i wari tru long gutpela poroman bilong ol. Bikos em i namba wan yia bilong Bobby long skul wantaim ol, bihain long em i trense long Tokarara Hai skul long Mosbi.

Bobby i bin mekim gred 7 i go inap long gred 9 long Tokarara Hai skul.

Ol skul manki na wan pilaia bilong Bobby long



• Yangpela Bobby long raithan i sanap wantaim papamama bilong em.

Tokarara Hai skul i bin kirap nogut long harim olsem Bobby i bin indai. Na ol i go bung long haus bilong papamama bilong Bobby

long Elcom kompaun. Papamama bilong Bobby io stap wok long Mosbi.

Ol dokta long Mosbi jenerel haus sik i tok Bobby

i dai long sik TB i stap long kru bilong ket bilong em. Ol i tok dispela sik i kamap bikipela nau long kantri. Na i kisim laip bilong planti yangpela manmeri.

## TU MINIT TINGTING

## JISAS I SNAP NA I PAITIM

WANPELA saveman bilong droim olkain piksa em i penim wanpela piksa we Jisas i snap ausait long wanpela haus na em i paitim dua i stap. Man ya i amamas long dispela piksa na em i wokim wanpela liklik pati na i singautim olgeta saveman bilong painim piksa i mas kam. Em i laik bai ol i mas glasim gut dispela piksa na painim olgeta liklik asua i stap long en yet, bai em i ken stretim ol na bai dispela piksa inap win tru.

Orait, ol atis ya ol i lukluk strong long piksa na ol i glasim em gut tru tru. Tasol, sore, ol i no inap painim wanpela mistek o rong o asua i stap long en. Man i penim piksa em i kros liklik nau, na i askim ol wanwok ya long taitim bun liklik na mekim save painim sampela rong o asua long piksa. Tasol nogat; ol i no inap.


Orait, nau wanpela yangpela atis tru i kamap na i tokim man i bin penim pinis piksa olsem: "Ating mi bin painim wanpela

bikpela asua long piksa bilong yu. Yu bin lus tingting long penim handel long dua. Bai Jisas inap go insait long haus olsem wanem?

Nau man bilong penim piksa i tok: "Sore, yangpela, ating yu no save long wanpela samting yet. Em hia: taim Jisas i paitim dua bilong haus bilong yu, yu wanpela tasol yu inap opim dua bai em i kam insait. Jisas i no save opim dua; em i paitim tasol. Yu yet yu mas opim dua."

Tru tumas! Em i wanpela lo bilong Jisas: em i no subim yumi, em i no pulim yumi; em i askim yumi tasol long mekim kain kain samting.

Jisas i no save opim dua na kam insait long laip bilong yumi na bosim em. Nogat. Yumi gat fri wil. Jisas i rispektim dispela. Em i askim tasol, i paitim dua tasol; na em i stap ausait inap yumi yet i opim.



FRANK MIHALIC i raitim

Long Baibel yumi painim planti eksampel bilong dispela samting. Jisas i askim ol man bilong lukautim pis sapos ol i laik joinim wok bilong em. Sampela i kam, na sampela i no kam. Olsem tasol na Jisas i singautim Matyu na em i kam. Em i singautim Sakias na

em i kam daun long tri. Olsem tasol na Jisas i singautim wanpela gutpela yangpela risman, tasol em i no kam.

Jisas i tromoim Sol i go daun long hos na i kamap aipas. Nau em i tanim bel na i larim Jisas i kam insait long laip bilong em na em i kamap Pol. Jisas i save paitim dua bilong laip bilong yumi long dispela kan we tu: em i salim sik i kam, o birua, o pen. Nau yumi mas sli longpela taim long bet; yumi gat planti taim; nau sampela gutpela tingting i paitim dua bilong lewa bilong yumi. Ating yumi lukim wanpela naispela piksa, o yumi ritim wanpela gutpela buk, o yumi lukim eksampel bilong narapela man/meri, o yumi lukim man o meri i dai, o yumi lukim strong bilong God long guria o raunwin o haiwara. Ol dispela samting i sutim bel bilong yumi: i olsem Jisas i paitim dua bilong lewa bilong yumi. Ating nau em i laik kam insait long laip bilong yumi.

Tasol em i wetim yumi yet i opim dua.

I gat kain kain we yet we Jisas i paitim dua. Ating yumi lukim man/meri/pikinini i hangre o i bagarap, na yumi laik helpim ol.

Ating wanpela man/meri i askim yumi long helpim em. Ating tingting i kamap long tromoim pasin bilong spak. Ating yumi hrim sngaut bilong Jisas long joinim wok bilong em. Ating wanpela man o meri i pogivim yumi na dispela i sutim bel bilong yumi. Ating yumi ting long tanim bel. Aing yumi pilim wanpela tambu long mekim rong.

Long ol dispela kain we Jisas i sanap long dua bilong lewa bilong yumi na i paitim em. (Lukim Revelesen 3:20) Em i laik kam insait, tasol em i hangamap long yesa bilong yumi. Yumi yet i mas opim dua long insait. Opm pinis, na planti gutpela samting inap kam insait wantaim Jisas.

## Luteran Sios gat nupela Komyuniti skul long Wau

ARI GUH DANDEE i raitim

EVANJELIKEL Luteran Sios bilong Papua Niugini (ELC-PNG) i gat pinis wanpela nupela skul long ples Elauru insait long Apa Biangai eria bilong Wau distrik, Morobe provins.

Nem bilong dispela skul em Samuna Komyuniti skul. Skul nau i kamap olsem ejensi komyuniti skul bilong ELC-PNG.

Dispela em bihain tasol long ol papa bilong ples i putim kamap wanpela pilai namel long sios na gavman long lukim husat tru bai papa, na lukautim komyuniti skul.

Pilai i bin stap namel long Asisten Seketeri bilong Edukesen long Morobe, Samson Mangot na Asisten Seketeri bilong Edukesen long Luteran Sios long Morobe, Yawa Kimbu. Dispela em long husat i laik papa bilong dispela skul. Na Mista Kimbe i winim dispela resis.

Dispela i soim olsem ELC-PNG nau i papa bilong dispela nupela skul.

Mista Kimbe i tok em i amamas tru long wanem, dispela em i namba wan taim we Luteran Sios i winim na kisim dispela skul olsem ejensi bilong em long dispela ples, ples Biangai na Wau olgeta Mista Kimbe i askim

strong ol papamama long wok bung wantaim misen na gavman long ronim dispela skul. Bikos skul i gutpela long givim helpim long ol pikinini long ples i kisim save.

### Papamama mas lukautim skul

Edukesen Minista bilong Morobe provinsal gavman, na tu memba bilong Wau Biarua konstituensi, Kaibe Mauri i kamap tu long bung bilong opim skul. Em i tok ol i bin tingting long wokim dispela skul olsem wanpela han skul bilong Kaisanik Komyuniti skul.

Tasol ol i lukluk long hevi bilong ol mangi save slip longwe na go skul long Kaisanik Komyuniti skul. Olsem na Samuna Komyuniti skul i kamap nau olsem wanpela skul bilong em yet. Minista i askim ol papamama long lukautim gut ol samting bilong skul. Na tu helpim ol tisa na skul pikinini long wok bilong klinim skul. Na noken larim skul i stap bilong em yet. Minista i givim K11,000 i go pinis long skul. Long dispela mani, K10,000 bai go long kirapim ol bikpela wok. Na 1,000 i bilong baim ol skul samting bilong skul.

Nau yet skul i kirap wantaim wanpela haus kunai klasrum, na wanpoela kunai haus bilong tisa.

## Bikpela welkam long bisop Ceasare long Vanimo

BISOP bilong Vanimo Katolik daiosis long Sandaun provins, Bisop Ceasare Bonivento i amamas long kam bek long daiosis bihain long bikpela sik i bungim em. Na em i go ovasis long kisim sut marasin.

Em i bin go kisim marasin long Australia. Na bihain i go long Hong Kong long liklik malolo long lus tingting long dispela sik bilong em. Long Fraide Me 26, olgeta liklik hat rot long Vanimo taun i go long ples balus i bin pulap long ol manmeri i welkamim bisop i kam long daiosis.

Pater Joseph, Vika jenerel bilong daiosis

wantaim ol misinari i kamap namba wan lain long welkamim bisop.

Katolik mama grup bilong Vanimo taun peris i givim spesel welkam wantaim wanpela singsing tumbuna, na danis long soim amamas bilong ol.

Bisop i bin gritim olgeta Kristen manmeri long ples balus, taun na long haus bilong em. Insait long ol toktok bilong bisop, em i tenkim olgeta manmeri long daiosis long ol beten na prea ol i ofarim i go long papa God long helpim em long dispela hevi em i bungim.

Nau yet bisop i askim

olgeta manmeri long pre oltaim bai bikpela i ken helpim husat sikman meri. Na daunim ol kankain hevi i wok long bungim kantri long dispela taim. Long Pestode bilong God Triwan, Sande Jun 11, bisop i mekim namba wan lotu long Sen Therese peris long ples Lido. Na givim sakramen bilong Konfemasio long ol yangpela manmeri.

Moa long 40 yangpela manmeri long ples Lido i bin kisim sakramen. Dispela em i bikpela namba tru bilong ol yangpela manmeri long ples Lido i kisim dispela sakramen.

## Kaunsil bilong ol Sios bai toktok long Provinsal Gavman Rifom



• Het bilong ful memba bilong PNGCC i bung long Engliken Sios long Hohola, Mosbi long wanpela kibung bilong ol. Kibung i bin kamap long stat bilong dispela yia, we Praim Minista Sir Julius Chan i bin kamap na mekim sampela toktok.

VERONICA HATUTASI i raitim

PAPUA Niugini Kaunsil bilong ol Sios (PNGCC) bai kamapim wanpela bung long Mosbi long Jun 22.

Bung ya bai toktok long ol bikpela samting we i karamapim laip na wok bilong ol pipel, sios na kantri.

Jenerel Seketeri bilong PNGCC, Reveren Kila Pat i tok ol bikman husat i makim 7-pela PNGCC memba

bai bung, na toktok long ol bikpela samting olsem:

- Provinsal Gavman Rifom,
  - Hevi bilong tisa oda insait long kantri,
  - Ol yut,
  - Kirapim ekumenikel kaunsi insait long wanwan provins na
  - Rilijes fridom long kantri.
- Reveren Pat i tok long nau yet, tupela

provins tasol i gat ekumenikel kaunsil i wok i stap. Tasol ol i laik kirapim wankain kaunsil long olgeta provins long bihainim ol bikpela senis we i wok long kamap insait long Papua Niugini. Wanpela bilong ol em ol Provinsal Gavman Rifom.

"Wantaim ol senis long wok bilong provinsal gavman we nesenel gavman i laik kamapim, ol sios i lukim olsem ol i mas gat wanpela maus

long sanap makim ol long lokol gavman level insait long wanwan provins." Reveren Pat i tok.

Em i tok tu olsem planti pipel husat i memba bilong ol kristen sios nau i autim wan bilong ol long PNGCC long ol Islamik lotu i kam insait long PNG. Olsem na kibung bai toktok long rilijes fridom na lukim wanem tingting ol pipel i kamapim, na wanem lotu tru ol i laikim.

## Palamen mekim las tingting long Provinsal Gavman Rifom long Jun 20

### ROSA KOIAN i raitim

NEKS wik long Tunde Jun 20 em i bikpela de tru bilong ol pipel bilong Papua Niugini. Bikos long dispela de, palamen bai kamap wantaim wanpela tingting bilong rausim dispela provinsel gavman sistem o holim.

Planti toktok i bin kamap pinis long wanem kain ol samting bai kamap sapos gavman i rausim provinsel gavman sistem.

Dispela nupela senis i min olsem olgeta wok kamap insait long ol provins bai kisim tok orait na mani i kam long Waigani.

Planti toktok i kamap olsem dispela nupela sistem bai helpim ol pipel moa. Tasol primia bilong ol Niugini Ailan na Papua rijon i ting dispela bai bringim planti moa hevi long ol pipel.

Dipatmen bilong Fainens i tok gavman i nogat moni bilong karimaut ol dispela senis. Dispela i min olsem ol projek long ol komyunit bai i popaia. Nau yet i gat nid bilong kirapim nupela skul o stretim dispela ol skul we i bagarap pinis. I gat bikpela nid long helpim ol haus sik, helt senta na aid posna ol rot we i bagarap. I nogat gupela maket bilong salim ol samting. Na tu prais bilong ol samting i dia moa. Ol PNG meri long politik (PNG Wimen in Politik) i wari long ol pipel. Ol i tok olsem ol pipel i no amamas moa. Ol i nogat bilip long ol yet i ken mekim kamap wanpela samting. Olsem na WIP i laikim gavman i mas helpim na bringim bek dispela bilip

### Niugini Ailan na Papua primia tok senis bai bringim moa hevi

na amamas insait long ol pipel.

Komiti bilong Jastis long palamen i bin go raun long ol provins long painim tingting bilong ol pipel. Na karimaut sampela wok painimaut long wok bilong Konstitusen Rivyu Komiti. Ol i painim olsem komiti i no bin toktok gut wantaim ol pipel bipo long ol i kamapim dispela ol senis long provinsel na lokal gavman kaunsil. Sampela ripot i kam long ol provins olsem ol pipel i wok long sainim sampela pepa ol Kontitusen Rivyu Komisin i givim aut. Sampela moa ripot i tok nau yet taim bilong vot long palamen i kam klostu pinis na ol provinsel memba i wok long amamasim ol yet wantaim ol kar na ol narapela samting ol i save kisim taim ol i stap olsem memba olsem nogut dispela nupela senis bai kamap.

Ol primia bilong Niugini Ailan and Sauten rijon i laikim olgeta nesanel memba long tingting gut taim ol i vot long neks wik.

Primia bilong Flai Riva provinsal gavman long Westen provins i tok olgeta memba long nesanel gavman i mas tingim ol grasrut manmeri long wanwan ilektoret bilong ol.

Em i tok dispela ol pipel i stap long han bilong em. Na sapos ol memba i no tingting stret nau na mekim rng disisen, ol pipel bai bungim moa hevi.

## Grup kamap long go hetim kempen

### ELIZABETH LENY i raitim

KEMPEN bilong stapim dispela straksarel ajasmen program (SAP) bilong gavman we ol Melanesian Solidariti bilong JAstis na Digniti (Melsol) i wok long wokim, i wok long go het yet.

Insait long wanpela miting bilong ol aste, ol i makim kamap wanpela grup ol i kolim long Nesanel Alaiens grup agenesim tupela wol benk em IMFna Wol Beng.

Darekta bilong dispela grup em Moses Taian husait i bin stap makim ol Papua Niugini Tisa Asosiesen.

Insait long dispela grup, i gat wanwan man na meri i makim ol grup bilong ol meri, yut, sios, studen na ol narapela grup husait i gat tingting long helpim karim aut dispela kempen.

Dispela kempen i bilong soim ol manmeri long wanem samting bai kamap taim gavman i sainim wanpela tokorait wantaim wol benk na IMF (Tupela Bikpela Haus Moni).

Kodineta bilong Melsol, Jonathan Oata tok ol i laikim olgeta grup na ol manmeri long helpim ol karim aut dispela kempen long tokim ol pipel long wanem samting bai kamap taim gavman i sainim dispela tokorait. Na tu long givim tingting long ol pipel long helpim ol long stopim gavman long sainim dispela tokorait.

Na tu long helpim ol long egensim ol tingting na wok bilong IMF na wol benk.

Long wanem ol i bilip olsem sapos gavman i sainim dispela tokorait ol i bai salim Papua Niugini. Gavman i laik sainim dispela tokorait long wanem nau yet em i sot long mani na em i laik bai tupela benk i givim sampela mani long PNG long helpim ol.

Melsol i painim aut olsem, bipo long tupela benk i givim mani long gavman, ol i mas bihainim sampela strongpela oda na laik bilong dispela tupela benk. Long wanem long nau yet, gavman i gat

samting olsem 5 bilion kina dinau wantaim dispela tupela benk. Na ol i no inap long bekim. Ol i bilip olsem ol pipel i no save long dispela ol strongpela oda long wanem gavman yet i wok long wokim disison long laik bilong em.

Sampela ol mausmanmeri i bilip olsem dispela senis bai kamap long ol provinsol gavman em wanpela tingting bilong wol benk. Ol i bilip olsem gavman i laik kisim ol provinsol gavman i kam aninit long em na em i ken givim olgeta tokorait long yusim olgeta risos insait long ol provins.

Long wanem ol provinsol gavman i stap, na ol i save tok nogat long kampani long kam insait na yusim ol risos.

Kodineta, Mista Oata i tok dispela ol kempen i gat wanpela as tingting. Dispela as tingting em long kirapim wanpela nesanel dei eksen. Na taim dispela nesanel dei i kamap, ol i bai wokim sampela bikpela plen olsem long senisim gavman bilong Papua Niugini.

Em i tok ol pipel i mas save long wanem samting i wok long kamap. Ol i mas save olsem ol pipel bilong PNG i no moa bos bilong ol yet.

Long wanem gavman i salim pinis PNG long dispela tupela benk. Ol i mas save long kain ol samting olsem sapos ol studen i laik go long skul ol i bai kisim lon na go long skul.


Long ol skul fi bai go antap. Na tu bai i gat senis i kamap insait long ol pablik sekta. Na bai i gat planti i nogat wok, planti bai pinis long wok na bai i gat ol liklik lain tasol bai wok insait long ol pablik sekta.

Insait long dispela ol awenes kempen bilong ol, ol maus man na meri i tok ol i kirapim pinis ol wok luksave long tokim ol grasruts pipel long wanem samting i wok long kamap.

Na ol i no ken salim nating ol graun bilong ol long ol kamapani husait i wok long kam wokim ol wok anininit long tingting bilong gavman na dispela tupela bikpela benk.

# YU NO INAP WINIM

## TOYOTA HILUX 4X4 DABOLCEBIN



Dispela kar tasol em i bikpela na strongpela 1 tonne 4 wil draiv kar long Papua Niugini Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap insait long Papua Niugini i sapatim dispela nupela kar.

 **TOYOTA**

**Ela Motors**

# WAN SOLWARA NIUS

## WESTEN SAMOA:

Praim Minista bilong Westen Samoa Tofilau i tok Frans ino tingim ol kantri long Pasifik taim em i mekim disisen long kirapim bek nuklia tes insait long Saut Pasifik.

Mista Tofilau ino amamas long anounsmen we nupela presiden bilong Frans, Jacques Chirac i mekim long kirapim bek ol nuklia tes insait long Saut Pasifik long mun Septemba.

"Ol kantri long Pasifik i lukim olsem Frans ino rispektim ol konsen bilong ol Pasifik kantri we wanpela long ol em wari long envaironmen long bagarap ol marasin nogut bilong nuklia tes bai i kamapim, " Mista Tofilau i tok.

## GASA STRIP, MIDEL IS:

Long bikmoning aste, ol soldia bilong Israel ibin sutim dai tripela man Palestain, Frans Ejense Pres Nius i tok.

Tupela long ol daiman i memba long presidensel gat bilong PLO Siaman Yasser Arafat. Na narapela em wanpela man Palestain, Darvish Abu Hatla we i stap long lista bilong ol Israeli soldia long holim pasim.

Ripot i kam long ol plisman bilong Palestain i tok ibin gat wanpela sutaut i kamap long boda bilong Gaza Strip na Ijip.

Ripot i tok pastaim ol soldia bilong Israel ibin sutim Abu Hatla long taim em i laik go insait long Gaza Strip i kam olsem long sait bilong Ijip.

Ol memba bilong Fos 17 husat i save gatim Mista Arafat i wok long wetim Abu Hatla i stap ibin sut bek i go long ol soldia bilong Israel bihain long ol (Israel) i sutim Hatla.

Long infomesen we ol lain plis bilong Palestain i givimaut, tupela gat bilong ol ibin dai bihain long ol Israeli soldia i sut bek.

## JAKARTA, INDONESIA:

Indonesia i tingting strong nau long lukautim bikipela reinfores bus na ol diwai bilong em. Bihain long kantri Brasil long Saut Amerika, Indonesia em i namba tu kantri long wol wantaim bikipela hap bus ol i kolim long reinfores i stap yet.

Minista bilong Fores long Indonesia Djamaluddin Soeryhadikusumo i tok ol bai katim ol arapela diwai long salim na kisim mani long em long narapela tenpela yia i kam. Na ol bai noken katim ol diwai we ol i save mekim plaiwut long ol, em i tok.

Bikos namba bilong ol Meranti diwai we ol i save wokim plaiwut long ol i wok long go daun olsem sampela ripot i tok, minista laikim bai ol inoken katim ol dispela diwai moa.

Ol ailan bilong Indonesia i gat 113 milien hap graun wantaim ol diwai i stap yet, ol ripot i tok.



• Antap: Ol menesa bilong Sol beng i ben daun na soim amamas bilong ol long ol kastoma i go insait long beng. Dispela i bin kamap long Fonde Jun 1 olsem wanpela promosen bilong beng.



• Lep: Isrel i strongim yet ami bilong em. Poto i soim moa yangpela i kisim trening long pait.

• Taunbilo: Ol famili memba i welkamim Sebastian Arcos Bernes long Havana, Kuba. Sebastian ya em wanpela bilong 6-pela bikman em Kuba gavman i bin kalabusim bipo.


• Taunbilo long raif: Yangpela ya i joinim tu ol bikman meri na protes long Fonde Jun 1 long Taiwan. Ol i egen-sim plen gavman kamapim ples bilong tromol ol pipia nogut long Taiwan.



• Ol soldia bilong Sarajevo i lukautim wanpela famili i go hait long Fonde Jun 1. Dispela em long wanpela eria we pait i kamap strong tru namel long ol Sebia na Bosnia paitman.







• Meri long lephan i kros wantaim ol plisman long Srinagar, India long Fonde Jun 1. Plis stapim meri ya wantaim ol arapela long mas i go long hap ol Yunaited Nesen bikman i stap long en. India gavman i bin kamapim taim tambu i kamap pinis long Srinagar siti.

## WAN SOLWARA NIUS

**FIJI:** Planti grup long Fiji i egensim plen bilong Fiji gavman long kisim moa bisnis pipel bilong Honkong i go sindaun olgeta long Fiji.

Ol ripot i tok gavman bilong Fiji i plenim long kisim samting olsem 28 tausen Saina bisnis maigrens bilong Honkong i go insait long Fiji.

Ripot i tok tu olsem gavman i wok nau long fainel ripot we bihain long em bai i sainim wanpela agrimen wantaim wanpela kampani bilong Hongkong, Asia Oceania Development Limited. Kampani ya ripot i tok bai i lukautim maigresen skim.

Siaman long Fijien Asosiesen Pati Adi Kuini Speed i tokaut pati bilong em i kwestenim watpo tru na gavman em i tok orait long go hetim dispela skim taim planti pipel i egensim.

Mista Kuini i laikim gavman long sanapim wanpela palamen selek komiti long lukim sapos dispela skim i gutpela o nogat. Na tu long ol i dibetim long palamen bipo long gavman i givim fainel disisen.

Mausman bilong Metodis Sios long Fiji, Reveren Tomasi Kanailagi i tok pasin gavman i wokim i brukim tras bilong ol sios lain long gavman.

Em i tok tu olsem skim ya bai ino gutpela bikos em bai kamapim hevi long sosel, kalserele na rilijes sait long ol pipel bilong Solomon Ailans. Em i tok Metodis Sios bai ino inap sindaun tasol na lukluk long gavman i go hetim ol wok plen bilong em.

**Vanuatu:** Ripot i kam long saut bilong Tanna Ailan insait long Vanuatu olsem tupela pipel long ailan i kisim sik taifoit.

Metron bilong Lenakel haus sik long Tanna, Lui Naling, i tok tes we Pot Vila Sentrel Haus sik i karimaut i konfemim olsem tupela sikman i gat sik taifoit.

Priventiv yunit bilong helt dipatmen nau i wokim ol samting long pasim sik nogut ya inoken kisim ol arapela pipel long ailan.

**SOLOMON AILANS:** Hai Kot bilong Solomon Ailans i givim strongpela toktok i go long ol foren pisamen long noken pilapilai long pising agrimen we ol i mekim wantaim Solomon Ailans gavman.


Solomons hai Kot jas Jastis Albert Palmer ibin mekim dispela toktok long taim em i harim kot bilong sevenpela kepten long ol sip bilong Taiwan husat ibin gat asua long pising permit bilong ol.

Jastis Palmer ibin sasim sevenpela kepten 18 tausen long mani bilong Amerika na oderim ol long givim ol pis samting we ol i kisim i go long gavman. Pe bilong ol pis samting inap long 150 tausen long mani bilong Amerika.

Jastis Palmer i tok ol bin kisim ol kepten ya i go long kot bikos ol i rong long putim ol pis bilong ol long mamasip taim ol i stap yet aut long bik solwara. Jas i tok dispela samting ol imas wokim long bris long ai bilong ol atoriti na ino long bik solwara.

# CONCENTRATED CLEANING POWER

**STRONGPELA PAWA  
BILONG KLINIM,  
NAU IKAM LONG  
LIK LIK FAB BAR**





• Dispela ol lain singsing grup bilong Baniara insait long Milen Be provins i mekim save long Mosbi So long las wiken.



• Wapela grup bilong ol liklik sumatin bilong Lalavaipa kominuti skul insait long Galp provins i lusim ples na kam long Mosbi so long soim stail bilong ples bilong ol yet


**Mosbi So poto  
Godfried Yassafar  
i kisim**



• Wapela hapman bilong singsing em Jacob John bilong Wes Fegeson long Milen Be, em i no wari tumas long bikpela san bilong Mosbi, em i kirapim das stret long so.



• Ol kandre bilong Tari, Sauten Hailens provins i mekim save stret wantaim kundu bilong ol.



• Ol mangi bilong Galp provins i winim K250 long divisen bilong pikinini long kamapim singsing tumbuna bilong ol long Mosbi so.

## Madang primia sapatim kopra beng tingting

OL liklik bisnisan na meri, long planti yia i go-pinis, i save painim hat tru long kisim dinau mani long beng long helpim na ranim wok bilong ol.

Planti save go long ol komesel beng. Na askim long kisim dinau mani. Tasol i gat bikpela luksave i stap olsem i no olgeta lain i go na askim i save kisim dinau mani. Nogat. Liklik lain tasol i save kisim.

Bikos long dispela asua, ol wok bilong planti liklik bisnisan na meri long ol ruel eria insait long kantri no save ron gut. Planti save pundaun. Bikos i nogat gut-pela fainensal helpim i kam long ol kome-

sel beng.

Tingting we Kopra Maketing Bod i gat long kirapim wanpela beng bilong em yet, ating dispela bai helpim ol kopra groa.

Bihainim dispela tingting bilong Kopra Maketing Bod (CMB), Primia bilong Madang, Mathew Gubag i givim bikpela tok amamas bilong em i go long nesanel Minista Bilong Agrikalsa na Laipstok long sapatim ol pipel.

Primia bilong Madang i tok olgeta komoditi groa na sentral bodi mas kisim na sapatim dispela tingting. Bikos dispela bai givim bikpela helpim na luksave i go

long ol pipel long ruel eria long kisim fainensal helpim.

"Madang gavman olgeta taim i save tingting long welfea na kondisen bilong ol ruel woka. Olsem ol i laik lukim olsem planti ruel woka i mas kamap olsem ol seaholda long ol plantesen na ol arapela kampani. Tasol dispela i no inap kamap kwiktai," Primia Gubag i tok.

Mista Gubag i putim kamap wanpela bikpela askim i go long Mista Narokobi long sapatim CMB. Na stretim ol samting long kirapim dispela beng. Na tu ol arapela komoditi beng.

## Kamba pipel bungim mani bilong tokples skul long wokabaut

PAULUS TALI i raitim

KAINKAIN rot long pulim moni bilong ronim wok bilong tokples, pri skul, long Madang i gat planti rot long kisim moni na ronim wok, sapos wok i pundaun.

Long las wik, Fraide Jun 9, ol pipel bilong Kamba long Nobo-nob eria long Madang i bin mekim wokaton long ples Kamba i go kamap long Madang taun.

Long dispela Sande skul kodineta, Tangi Guhup i bin tokim Wantok olsem planti yang-pela bikman meri long ples Kamba i mekim dispela wokabaut long pulim moni bilong helpim na ronim wok bilong tokples pri skul long Kamba ples long Nobe Noe eria.

Wokabaut bin stat long Kamba long 6 klok moning. Na kamap long Madang provinsal gavman long Yomba long 10 klok moning. Na long Madang taun, ol i kamap long 30 minit i lusim 11 klok.

Mista Guhup i bin tokim Wantok olsem ol pipel long Kamba ples laikim tru long tokples pri skul i mas kamap long ples bilong ol. Bikos dispela bai helpim ol pikinini long skul long rit na rait long olgeta Sande.

Kodineta bilong tokples pri skul long Nobo-Nob, Itsam Hiuk i amamas tru long pasin na toktok wanbel i kamap long Kamba pipel long mekim wakaton, na bungim mani long kamapim tokples pri skul bilong ol.

Kodineta bilong Sande skul long Kamba i tok ol i mekim dispela wokaton long bungim mani inap long K500.



**Klia long em • Mama ya bilong Madang i traim wanpela flut bilong Indonesia. Dispela em long las wik bilong mun Me, taim ol Indonesia bisnisan meri kam holim so bilong ol long Madang. Na soim prodak bilong ol. So i pulim planti manmeri stret.**

## CRA kampani helpim ol pipel long Wau na Wafi

ARI GUH DANDEE i raitim

HIDEN Veli Gol long Wau, Morobe provins i kisim bikpela tok amamas i kam long ol pipel na papagraun insait long wanpela opening seremoni bilong Samuna Komyuniti skul long las wik, Jun 6, 1995.

CRA Eksploresen kampani i go pas long Hiden Veli gol projek. Na em em i mekim wok panimaut long ol ston na ol samting aninit long graun long Hiden Veli long hap bilong Wau na long Wafi long hap bilong Mumeng distrik i save mekim bikpela wok tru long givim helpim long ol pipel.

Dispela em long ol komyuniti developmen insait long eria.

CRA Eksploresen Kampani tu i bin sainim wanpela tokorait pepa wantaim ol Edukesen Divisin long lukluk long wok bilong givim helpim long ol skul insait ol ples na eria we ol i save mekim ol wok painimaut bilong ol long en.

Bosman bilong ol CRA long Mosbi, Mista Tiot i bin toksave long ol papamama na ol pipel husat i bin kamap long dispela opening seremoni olsem CRA kampani i save wok wantaim ol pipel. Na i save stap namel wantaim ol pipel na i no antap long ol.

Kampani em bilong wok bung wan-

taim ol pipel na i no bilong wok resis wantaim ol pipel.

Em i tok em i gat amamas long luksave long wok em kampani i wok long mekim inaat long dispela tupela eria we wok painimaut i wok long stap long en. Na dispela i gutpela tru. Long wanem kampani i mas wok wantaim pipel.

Long Wafi, CRA kampani i kirapim sampela komyuniti wok long wanpela bilong ol dispela komyuniti skul.

Long Wau tu, kampani i helpim long kirapim ol komyuniti hol na skul. wantaim tu ol arapela samting we Mista Tiot i tok lo bilong kampani i tok orait long ol i ken mekim



**TELIKOM**  
*TOK*

### TELIKOM LONG HELPIM OL NIUS MANMERI BILONG AUSTRALIA

Telikom bai i givim telikomyunikesens sevis i go long 26 nius manmeri bilong Australia husat bai i kam lukluk raun long Papua Niugini long mun Julai wantaim wanpela lain husat ibin paat long PNG long Wol Wo 2. Ol i kolim lain ya long ol Wol Wo 2 veterens. Lukluk raun bai i stat long Julai 4 na pinis long de namba 9.

Ol niusman bai i kam long ol niuspepa na ilektronik midia long Australia. Ol bai kam long wokabaut na mekim ripot long 130 wo veterens husat bai i raun na lukluk long ol ples we ol bin paat long ol bipo olsem Mosbi, Alotau, Gona, Kokoda, Lae Madang na Wewak. Bikpela paat tru ibin kamap long Kokoda Treil long Wol Wo 2. Long dispela paat ol soldia bilong Japan ibin paat hat tru long traim winim Pot Mosbi. Ol wo keria bilong PNG ibin lukaetim planti soldia husat i kisim bagarap long dispela paat. Long dispela taim tu ol bin givim nem "Fasi Wasi Enjels" i go long ol wo kerias husat i lukaetim ol soldia ol i kisim bagarap.

Wokabaut bilong ol wo veterena i hap long wanpela program ol i kolim long "Australia Remembers" we Australia i putim kamap long tingim 50 yias bihain long kamap bilong Wol Wo 2.

Ol niusman bai i yusim Mobil Satelait telipon bilong Telikom long ol ples longwe long taun bilong salim ol stori bilong ol i go long ol niuspepa, redio na televisen stesen ol i wok long ol long Australia.

Pablik Rilesens Manesa bilong Telikom John Samar i tok Telikom bai i putim ol temporeri feks na telipon lain long Pot Mosbi Treaveloj. Long Alotau, Popondeta na Lae ol bai putim long Intenesenel Hotel. Dispela em long helpim ol niusman i salim ol stori long wokabaut bilong ol veterens long ol wan wan hap na long bikples Niugini.

Telikom i save olsem Minista bilong Veteren s Afeas long Australia Con Sciacca bai i kamap pastaim long Mosbi long Julai 4 wantaim ol niusman. Na ol wo veterens bai i kamap long neks de Trinde Julai 5 long krus sip bilong Rasia ol i kolim long Mikhail Shokolov.

*Nau mipela i tok tok!*

# PNG sindaun long maus bilong monsta

**VERONICA HATU-TASI** i raitim

PAPUA Niugini nau i sindaun long maus bilong wanpela monsta husat i giman long kam insait long helpim kantri, tasol samting tru em monsta ya laik bosim Papua Niugini gavman na ranim kantri.

Nesanel bilong Seketeri Melanesian Solideriti grup (Melsol), Mista Mista Lafanama i mekim dispela toktok long taim em i tokaut long kempen we ol Non Gavman Ogenaisesen grup i kirapim long dispela wik Tunde long Mosbi bilong egensim Wol Beng na Intanesenel Moniteri Fan (IMF). Dispela em

## Melsol i kempen egens long Wol Beng na IMF laik ronim kantri

long pasin we tupela i laik pusim gavman long ranim kantri, moa yet long mani sait. Melanesian Environment Faundesen (MEF), Katolik Komisen long Pis na Jastis (CCPJ), YWCA, seksen we i makim ol meri na yut wantaim Dipatmen



bilong Yut na Hom Afeas, ol sios na ol arapela liklik grup moa ibin bung long Gordons wantaim ol lain Melsol long lonsim dispela kempen. Na Melsol i mekim strongpela singaut i go long ol NGO grup, ol gavman wokman na olgeta pipel long kantri

long sapatim ol long dispela kempen bipo long tupela monsta i kaikaim olgeta risosis bilong ol pipel insait long kantri. "Ol grasrut pipel long kantri imas save wanem samting bai i kamap long graun na risosis bilong ol taim Wol Beng na IMF i

mekim strong sanap bilong ol long PNG, "Mista Lafanama i tok. Tupela intenesenel institusen istap insait long PNG ova long 30 yias pinis bihain long ol i kam insait long kantri fes taim long 1964. Stat long 1990 taim hevi long Bogenvil i stat na PNG i bungim hevi long mani, gavman bilong yumi i askim ol long helpim wantaim mani. Inap ikam nau na PNG i gat planti dinau na moa yet long nau taim kantri i bungim bikpela hevi wantaim mani na em i tanim i go moa yet long tupela mani maket long dinauim mani. Orait, tupela mani maket ya (Wol Beng na IMF) i kirap na putim kondisen long PNG gavman olsem em imas wokim ol dispela samting long kisim dinau na tu long bekim.

Progrem (SAP) we tupela mani maket i laikim fosim PNG gavman long bihainim long daunim hevi wantaim mani we kantri i fesim tude. Melsol Seketeri Mista Lafanama i tok i gat nit, tasol watpo tru na mipela bai imas yesa long total rifom peket bilong tupela? "Mipela i gat ol risosis, bikpela graun, bus na wara we i pulap long planti ol gutpela samting. Mipela imas strong long yusim gut ol risosis bilong mipela long daunim hevi bilong mani we kantri bungim tude. Ol ausait lain olsem tupela mani maket i laik tasol long yusim ol risosis bilong mipela na kisim benefit long ol," Mista Lafanama i tok. Olsem na em laik bai ol grasrut pipel i klia gut long dispela na sapatim Melsol wantaim ol arapela NGO, sios, yut na ol meri grup long kantri long egensim plen bilong tupela mani maket ya.

- AGAUN
- ALOTAU
- ARAGIP
- AMAZON BAY
- BALIMO
- BAIMURU
- BINIGUNI
- CAPE VICTORIA
- DARU
- EFOGI
- ESA'ALA
- FANE
- FINSCHAFFEN
- GOROKA
- GUASOPA
- IHU
- IDKEA
- KAGI
- KITAVA
- KIUNGA
- KEREMA
- KIKORI
- KURI
- LAE
- LESE
- LOSUIA
- MALALA
- MANAR
- MANUMU
- MENDI
- MISIMA
- MT. HAGEN
- NOWATA
- ONONGE
- PARAM
- POPONDETTA
- PORGERA
- PORT MORESBY
- PUMANI
- RABARABA
- SAFIA
- SALAMO
- SAMARAI
- TABABIL
- TARI
- TAPINI
- TERAPO
- TUFI
- VIVIGANI
- WANIGELA
- WEDAU
- WEWAK
- WOMANI



Young fishermen chasing fish into nets, Pota village, Milne Bay Province.

1995

PAPUA NEW GUINEA



...when you next travel within Papua New Guinea... fly with an airline that allows you to experience destinations that reflect the true **PEOPLES, FACES and PLACES** of Papua New Guinea... fly with **MBA**.



MBA PTY LIMITED. JACKSONS AIRPORT, PORT MORESBY, P.O. BOX 170, BOROKO, PAPUA NEW GUINEA  
PHONE: 325 2011, 325 2102 FAX: 325 2219 OR CONTACT YOUR NEAREST TRAVEL AGENT

Liklik histri bilong tupela mani maket em ol bin sanapim ol 50 yias i go pinis bihain tasol long namba tu Wol Wo long kirapim ol wok mani (ikonomi) bilong ol Yuropien kantri we i bagarap long taim bilong pait. Bihain long wok bilong ol i pinis long Yurop, ol stat lukluk long ol liklik kantri we ol i kolim ol tu long ol Tet Wol kantri. Tasol i luk olsem tupela mani maket i kamapim moa hevi long ol liklik kantri long Afrika, Saut Amerika na wanem hap moa we ol bin go insait long helpim. Man husat i go pas long Melsol kempen, Jonathan Goata i tok. Em i tok tu olsem ol save larim ol liklik kantri long dinau i go na bihain painim olsem ol (liklik kantri) ino inap long bekim ol dispela dinau. Bihain nau ol (tupela mani maket) bai bosim ol gavman long kantri long ronim kantri long traim kisim ol liklik kantri long bekim ol dinau mani bilong ol, Mista Goata em i tok. "Nau tupela i sanap pinis long dua bilong PNG na ol wok long fosim gavman na pipel bilong yumi long ranim kantri," em i tok.

Melsol na ol arapela NGO grup ino sapatim Straksarel Atjasmen

Melsol na ol arapela NGO grup ino sapatim Straksarel Atjasmen Progrem long kantri.

Melsol na ol arapela NGO grup ino sapatim Straksarel Atjasmen Progrem long kantri.

Melsol na ol arapela NGO grup ino sapatim Straksarel Atjasmen Progrem long kantri.

# PAMOLAIIP stail

## PNG gat sans long bihainim Wales

**Ripota Leo Wafiwa i stori long wanpela mun lukluk raun bilong em long Wales na Ingran, taim em i go mekim wanpela mun kos long hap.**

**T**AIM mi stat skul, mi save harim na ritim ol stori long ol biknem kantri long Yurop olsem Ingran na Wales.

Ingran em planti manmeri long kantri i save long dispela nem. Bikos long ol kam insait bilong ol long Papua Niugini na Pasifik rijon long koloniel taim.

Sarere Epril 22 em i namba wan taim long laip bilong mi long krungutim Ingran. Bikpela 747 balus i lusim Hong Kong ples balus na pundaun long Hitro intanesenel ples balus bihain long em i flai long 14 aua olgeta.

Man Longdon i kol nogut tru. Na em i Sarere 6 klok moning.

Mi kisim bikpela bas na ron i go long Wales. Ron bilong bas em tripela aua samting. Wales i stap long not na i kol moa long Ingran.

Long haiwe, yu no inap lukluk i go longwe. Bikos sno wantaim ren i pasim.

Taim mi kamap long Wels, em i moa kol wantaim win na ren.

Mi tingim nau kol olsem bilong Aiyura Nesenel Hai skul long Isten Hailans provins, taim mi skul long hap long 1984 na 1984.

Dispela namba wan wik em i bikpela taim bilong bungim ol wokman meri bilong Thomson Foundesen, husat bai skulim mi wantaim 13 arapela

nusman meri bilong Esia Pasifik rijon.

Wanpela samting mi painimaut long ol pipel bilong Wales em ol i save laikim tru kalsa na tumbuna pasin bilong ol. Tokples bilong ol i stap yet. Maski nogat planti yangpela manmeri i yusim dispela tokples tude.

Tasol ol bai i no inap toktok long yu. Yu mas go pas na toktok wantaim ol. Em bai ol i toktok wantaim yu. Tasol taim ol i save long yu olsem bilong Pasifik, ol bai askim kainkain kwesten olsem long PNG Kumul tim, husat i bin go pilai long Swansea, wanpela provins bilong Wales, na sampela moa.

Long sait bilong kalsa em ol i strong tru. Planti olgeta haus em ol king na kwin save stap long en, em ol i kolis Palace i stap yet.

Lukim lukim ol dispela kain haus i bringim bek tingting bilong komyuniti skul, taim mi save ritim stori na lukim ol poto bilong Snow White na Cinderalle, wantaim ol kain haus olsem.

Ol haus i longpela moa olsem tawa. Na tu bai yu ken tingim ol kapenta bilong taim bipo i yusim gut save na stail bilong ol long wokim ol kain haus olsem.

**Cardiff - siti bilong ol turis**

**C**ardiff em biktaun bilong Wales. Em i gat samting olsem 300,000 pipel bilong Wales, Ingran, na kainkain hap bilong Yurop na wol.

Taun i kamap namel na Cardiff Yunivesiti bilong Wales, wanpela biknem yunivesiti long Yurop na wol.



● Ol nusman bilong kainkain bilong wol husat i kamap long kos long Wales. Long beksait long lephan i go long rait em Fred Mwilima (Namibia-Afrika), Simeon Roberts (Vanuatu), Victor Massaquoi (Mosambik), Zacki Jabbar (Sri Lanka), Leo Wafiwa (Papua Niugini), Zhi Linfei (Saina) na Danilo Hinic (Slovenia-Yurop). Long fran long lephan i go long rait em Farid Ahmed (Bengladesh), Emmanuel Kojo Sam (Gana-Afrika), Ebrahim Rashed (United Emrates), Livan Tajang (Malesia), Sarmad Bashir (Pakistan), Ahmad Yahya (Malesia) na Johannes Ridu (Malesia).

**“Na tu bikos Wales in lukautim yet planti tumbuna samting bilong em, em i save pulim planti tausen turis”**

Olsem na biktaun ol siti bilong Cardiff i kamap arere long yunivesiti. Na siti i gat kainkain pipel i kam long Esia, Afrika, Yurop na wanwan bilong Saut Pasifik. Na tu bikos Wales i lukautim yet

planti tumbuna samting bilong em, em save pulim planti tausen turis stret long olgeta yia.

Dispela em i wanpela bikpela rot bilong pulim mani long siti.

Nau yet siti i stat long senisim ol ples we i bin bagarap bipo long taim bilong painim kol. I go antap moa long Rhonda Veli long not bilong siti, ol wokman i stat nau long planim ol diwai.

Na laik karamapim ol blakpela maunten en wok bilong painimaut gol i bin bagarapim. Long Cardiff bay yet, ol atoriti i tromoi bikpela milien kina nau long senisim lukluk bilong hap em ol sip save kam na sua. Ples bai gat ol bikpela haus kaikai, hap bilong go limlimbur, supamaket, hotel na planti moa. As bilong dispela

em long pulim moa turis. Wanpela gavman opisa i tok maski ol i kisim mani long ol bikpela prodak em faktori bilong ol save salim, turis bisnis em i wanpela bisnis we bai stap na stap oltaim.

“Turis bisnis i bilong stap na stap, maski wanpela kantri i nogat ol gutpela risoses bilong kisim mani. Olsem na dispela em i wanpela namba wan samting ol gavman mas lukluk long en.

Bikos em i involvim ol manmeri olsem long sait bilong kisim wok mani,” em i tok. Ating dispela em i wanpela gutpela skul long kain kantri olsem Papua Niugini husat i gat moa long 700 kalsa, tasol em i no yusim dispela long kirapim na strongim turis indastri.

**Lukluk raun**

Bihain long tupela wik long Wales, mi mekim lukluk raun i go long Oxford, Swansea, na London.

London em i wanpela siti we bai yu laikim tru long lukim. Tasol bihain long sampela taim, bai yu les long stap long hap. I gat planti manmeri tumas, na ol samting i kos moa.

Bikpela piksa long London em planti yangpela manmeri save slip ausait long ol praivet na gavman opis. Bikos ol i nogat haus bilong slip.

Dispela em ol pikinini husat i ranawe long papamama o haus bilong ol.

Na taim yu wokabout abrusim ol, ol bai askim long mani.

Mi sore tru olsem Britis Hai Komisen i baim rot bilong mi, na mi helpim sampela bilong ol.

PNG we i gat planti bus graun na laip long ples i moa gutpela, tasol moa pipel i kam yet long ol siti na taun na laik painim mani. Ating klostu kain pasin olsem bai kamap.

**Tok tenkyu**

Bikpela tenkyu bilong mi i go long Britis Hai Komisen long Papua Niugini wantaim Thomson Foundesen long Wales long givim mi dispela sans long go skul long hap, na painimaut na save long kalsa na laip bilong ol pipel long hap.

**Namba tu hap bilong stori bai kamap long neks wik**

# Ol meri tok gavman mas holim pas provinsal gavman rifom

**ELIZABETH LENY i raitim**

SENIS long wok bilong ol provinsal gavman i noken kamap long dispela taim. Bikos Papua Niugini i nogat mani bilong wokim dispela kain senis i wok. Dispela tok-tok i bin kam long wanpela grup ol i kolim long 'PNG Women in Politics'.

WIP em wanpela grup bilong ol meri insait long kantri husat i go pas long wok politik.

Ol i tok ol i laikim olgeta ogenaisesen, man nating, ol studen, ol sios, ol Non Gavman Ogenaisesen na olgeta grup bilong ol meri long helpim na sapatim dispela tingting bilong ol.

Ol i tok dispela ol grup i mas helpim ol na putim dispela wari long ples klia, we bai ol arapela kantri i ken lukim. Na ol bikpela grup long wol olsem Yunaited Nesen i ken helpim PNG long daunim dispela hevi. Grup bilong ol meri i tok

ol politisian husat i i wok long pusim dispela senis i go het i no tingting long hevi ol grasrut pipel i wok long bungim long dispela taim. Dispela em ol hevi olsem:

- prais bilong kaikai long ol stua we i wok long go antap;
- nogat gupela helt sevis; na
- ol rot i wok long bakarap.

Tasol gavman i laik go het long mekim wok bilong Provinsal Gavman Rifom.

Sapos senis i kamap, gavman bai kisim mani long we, na helpim dispela nupela sistem i go het, na long wankain taim yet helpim na stretim ol hevi ol pipel i wok long bungim nau yet?

## Tingim ol pipel pastaim

Presiden bilong WIP, Au G. Aruai i tok gavman i mas tingting long ol pipel pastaim. Dispela em long ol hevi ol i wok long bungim long dispela taim. Bihainim dispela em i tok ol i mas putim dispela senis i

go stap bihain inap long taim gavman i gat mani.

Bikos em i tok dispela senis em wanpela bilong dispela ol samting we i wok long bringim hevi long sait bilong wok politik, mani na pasin bilong stap belisi.

Em i tok taim gavman i wok long lukluk long sait bilong hevi bilong mani, em i mas lukluk tu long sait bilong sindaun bilong ol pipel. Long wanem nau long dispela taim, ol pipel i nogat moa dispela pasin bilong stap bel gut wantaim.

Wanpela astingting bilong dispela ol pasin nogut em bikos ol i nogat moa bilip long ol yet.

Dispela em long wanem ol i nogat moa bilip long gavman. Olsem na gavman i mas traim helpim ol pipel pastaim. Na bihain tingting long ol kainkain senis.

WIP tok tu olsem gavman i mas tokim ol pipel stret long wanem kain ol hevi ol i wok long bungim. Na wanem as

bilang dispela ol hevi. Na wanem we ol pipel i ken helpim gavman. Long dispela we bai ol pipel i ken helpim gavman na helpim kantri kamap gut gen. Na i no gavman tasol ken go het long stretim ol hevi.

Ol i tok gavman i mas katim daun ol trevel na ka alowens bilong ol, na putim mani long helpim ol pipel.

Na tu gavman i no ken kisim planti ol lain long narapela kantri long kam insait na wokim ol wok ol PNG manmeri yet inap long mekim. Bihainim dispela tingting, WIP i tok gavman i mas putim inap mani long sait bilong skulim ol pipel long ol teknikel trening skul. Bikos humen developmen o wok bilong givim moa save long manmeri em kantri i no kamapim gut yet.

WIP i tok ol manmeri bilong dispela kantri mas gat save long mekim wok na developm kantri long han bilong ol yet. Bikos ol yet i gat moa save long kantri bilong ol.

## Bikpela drag long PNG em mariwana

NAMBA 26 de bilong dispela mun (Jun), em i wanpela bikpela de ol i kolim olsem Yunaited Nesens Wol De Egens Abius.

Dispela de i makim o toktok long wok bilong ol kantri husat i kam aninit long Yunaited Nesen long wokbung na wokhat bilong ol long pait egensim hevi bilong yusim ol drag nogut olsem mariwana, mofin, kokein na tu ol arapela drag insait long

### Jun 26 - UN Wol De Egens Drag Abius

wol. Olsem na olgeta kantri husat i kam aninit long Yunaited Nesen bai putim kamap ol samting long makim dispela de. Yunaited Nesen i makim Jun 26 olgeta yia olsem de bilong luksave long ol hevi na bagarap i save kamap long laip bilong ol bikos long pasin bilong yusim ol drag nogut. Papua Niugini tu i wanpela memba

#### GODFRIED YASSAFAR i raitim

kantri bilong Yunaited Nesen. Olsem na em tu bai putim kamap sampela bikpela awenes kempen long biktaun Pot Mosbi na tu long ol arapela bikpela senta long givim luksave i go long dispela de.

Long ovasis, planti kantri givim bikpela luksave i go long dispela de long planti yia nau.

Tasol hia long Papua Niugini, planti pipel long ples, pablik sekta na tu long praivet sekta, i no luksave gut yet long dispela de.

Bikos planti pipel i nogat tingting na laik long save watpo na dispela de i kamap o dispela de em i bilong mekim wanem samting tru.

Long planti ovasis kantri, ol atoriti bai putim kamap ol bikpela awenes kempen. Astingting em long skulim ol pipel long ol drag nogut na tu ol hevi we i ken kamap bihainim pasin bilong yusim ol drag nogut.

Hevi bilong drag insait long Papua Niugini wok long kamap moa bikpela.

Olsem na ol pipel i mas luksave long dispela hevi.

Na olgeta i ken wokbung na sanap strong wantaim ol atoriti na helpim wanpela na arapela long painim ol rot long daunim dispela hevi.

Hia long kantri bilong mipela (PNG), drag we planti pipel i wok long yusim (planim, salim na smokim) em spakbrus-mariwana.

Planti provins insait long kantri no mekim wanpela samting o wok long glasim drag kontrol progrem.

Sampela provins i luksave olsem hevi bilong drag i stap. Tasol ol i no mekim sampela samting long daunim dispela hevi.

Long nau yet, Nesenel Nakotiks Biro i wok long karim aut wok long traim na daunim tingting na laik ol pipel i gat long drag.

Na mekim ol pipel i luksave long NOGUT bilong drag na hevi drag i ken kamapim long lain na sindaun bilong ol.

## PAINIM PEN PREN

Nem: James Kimas

Krismas: 15

Adres: Kokun Community School, PO Box 2070, Yomba, Madang.

Laikim: Harim reggae musik, go lotu, raitim pas long ol pren, pilai gita na singsing na tok pilai wantaim ol pren.

Nem: Isaia Tobias

Krismas: 17

Adres: C/-John Beibi, PO Box 385, Mt Hagen, Western Highlands Province.

Laikim: Harim gospel musik, go long lotu, senisim presen wantaim ol pren. Mi bai amamas tasol long bekim olgeta pas.

Nem: Samuel Rot

Krismas: 17

Adres: Mt Hagen High School, PO Box 380, Mt Hagen, Western Highlands Province.

Laikim: Pilai kibod, danis, lukim televisen na mekim pren. Mi bai amamas long bekim olgeta pas em mi kisim.

Nem: Gickson Fagar

Krismas: 25

Adres: KD Logging Pty Ltd, PO Box 2449, Lae, Morobe Province.

Save Laikim: Long fri taim bilong mi, mi save laikim long pilai soka, basketbal, stori, mekim wantaim wantaim ol poroman na poromeri, na tilim presen wantaim ol pren.

Nem: John Peter

Krismas: 19

Adres: Q & Y F/G, PO Box 2699, Lae, Morobe Province.

Save laikim: Pilai soka, danis, tok pilai wantaim ol pren, waswas long solwara, go lotu na wok long gaden.

Mi laikim ol yangpela meri long Papua Niugini long rait i kam long mi. Mi bia bekim olgeta pas em mi kisim.

Nem: Philemon Karo

Krismas: 18

Adres: PO Box 142, Gerehu, National Capital District.

Save Laikim: Pilai kainkain spot em mi ken pilai, raun na mekim fani wantaim ol pren, na harim ol musik bilong Papua Niugini stret.

Nem: Polin Warex

Krismas: 18

Adres: Sembo Community School, PO Box 265, Wewak, East Sepik Province.

Save Laikim: Mi save laikim tru long raitim pas i go i kam long ol pren, wantok na famili. Na tu mekim fani wantaim ol poroman na poromeri.

Mi bai amamas tasol long bekim olgeta pas em mi kisim.

Nem: Bond Ring

Krismas: 19

Adres: PO Box 1639, Lae, Morobe Province.

Save Laikim: Ol spot mi save laikim long pilai em volibal na basketbal. Mi save laikim tu long go long lotu, harim musik o ol singsing bilong lotu na go wok gaden.

Nem: Willie Obow Snaru

Krismas: 21

Adres: PO Box 300, MAF Vanimo, Sandaun Province.

Telipon namba: 87-8917

Save Laikim: Mi save wok olsem projek kodineta long Grin Riva, Sandaun provins. Na mi laikim mekim pen pren wantaim ol arapela manmeri bilong Papua Niugini. Na tu mi painim nau wanpela meri long marit na kamapim pikinini.

Ol samting mi save laikim long ol em pilai gita, harim redio, ron long moto kanu patrol raun long bus.

Nem: Jack Gio

Krismas: 20

Adres: PO Box 116, Kimbe, West New Britain Province.

Save Laikim: Go long lotu long Sandaun, harim ol gospel musik, pilai soka na ritim Wantok nuspepa.

Mi laikim pen pren wantaim ol manmeri long Madang, Morobe na Wes Nu Briten provins.

Toksave i kam long Edita.

Sapos yu laik rait long painim pen pren, plis raitim gut trupela nem, krismas, adres, ol samting yu save laikim long mekim long fri taim bilong yu, na salim i kam long dispela adres aninit:

Painim Pen Pren,

PO Box 1982

Boroko - NCD.

Sapos yu no bihainim dispela, nem bilong yu i no inap kamap long nuspepa.



# Meri Tolai brukim rekot bilong plis fos



• Babate (wantaim plaua long nek) i redi long kisim poto wantaim ol tisa na wantaim ol man em i bin wokim kos wantaim.


PAPUA NIUGINI i wok lusim olupela pasin bilong tumbuna na i wok long bihain-im pasin bilong ol masta na wanpela bilong dispela ol pasin em i bikpela tru, i stap namel long ol meri bilong yumi yet.

I bin gat wanpela meri nau husat i plis-meri i bin wokim paraid wantaim ol ami antap long Papua Niugini Defens fos graun long Tunde.


Dispela meri em Plis Sinia Konstabel Margaret Babate bilong Raburua viles long Rabaul na em i gat 29 pela krismas.

Babate i bin nam-bawan meri stret i sanap namel long ol wokman bilong plis, neivi na tu ol soldia boi husat i wokim wanpela kos bilong Signal long Goldie Riva Bareks long paraid bilong komanda bilong bareks.

Babate i joinim plis long 1983 bihain long em i pinis long Rabaul provinsal haikul na em irikrut long plis taim em i graduet, bihain long pas aut bilong Bomana Plis Koles ol plis dipatmen i tokim em long stap na wok



Komandin opisa bilong Goldie Bareks Ma'asa (Iephan) i sekim ol pareid we Babate i bin stap long en.



• Babate sanap namel long ol narapela kos man.

insait long siti.

Em i bin wok olsem generel duti plismeri, bodi gad long biknem man olsem ol ministas, na

wantaim ol CID, bihain long dispela em i bin wantaim wok wantaim komu-nikasen unit bilong plis dipatmen long

dispela taim stret ol lain plis i bin salim em i go antap long Goldie Riva bareks long wokim signal advansmen kos wan-

taim ol narapela faiv-pela plisman.

Babate i bin pilim pret liklik pastaim taim em i bungim ol man bilong narapela fos tasol long em i bin toksave long ol olsem i wanpela meri i gat bikpela rispek bilong soim ol man sapos ol man i gat rispek long em.

Kwiktaim stret na ol man bilong kos i bin soim dispela rispek i go long em na Babate i no moa pilim pret na i tu piim olsem em i wanpela bilong ol.

Kos bilong Babate



□ KANAGE kalap long PMV bas bilong go long taun. Long hap rot em lukim hap sain "Slow Down: Workmen Ahead". Draiva i spit na Kanage tokim em long isi. Tasol draiva i givim siksti yet na bekim, "Mi no save long tok save ya. Mi laik spit tasol." Orait Kanage i kirap na laik tanim toktok long Inglis ya i go long Tok Pisin. Na em i tok olsem, "Brata, dispela toktok i min olsem, ron isi, wokman nogat het."

Clement Keregi, Rabaul, E.N.B.P.

□ WANPELA taim long Milen Be provins, sampela man Samarai i go spak pinis, kalap long wanpela ka na i laik go long danis. Namel long ol em wanpela lapun tu i stap. Long ples bilong danis, ol meri i kam tasol na mumutim olgeta yangpela man i go ausait na samsam i stap wantaim pairap bilong musik. Tasol turangu lapun ya wanpela tasol i stap. No gat meri i laik kisim em. Boi belhat tasol kirap na singautim wanpela yangpela man i kam na tokim em long ol bai go nau. Em nau yangpela man i kirap na askim lapun long wanem as tru. Bikman ya bekim long tok Inglis, "Hey, who invite party? I no invite party - I no luck."

Willie Mulai, Baisu, W.H.P.

■ KANAGE kalap long PMV na i laik go long taun. Em sindaun long hap na lukim olsem wanpela meri i sindaun krangi long narapela sait. Bikpela win tu na ka i spit tasol ai bilong Kanage i no go nabaut. Ai bilong em i stap long dispela meri tasol. Boi kirap na isi tasol suvim han i go insait long sket bilong meri ya. Na taim ol i go kamap long taun, dispela meri kirap kisim Kanage i go stret long plis stesin. Ol plisman hatim Kanage pinis na tokim em long baim K10 long suvim han i go insait long sket bilong meri. Tasol Kanage i bekim, "Mi i no gat mani tru. Las K10 em mi baim ka pinis. Olsem na inap long meri i suvim han i kam insait long trausis bilong mi? Mi holim em tasol mi no gat K10. Olsem na em i holim bilong mi, orait em bai fea na pinis."

S. Metta, Goroka.

■ Kanage em i nupela man long Wewak. Em i no save long kain ol we, trik, tokpilai na stail tok-tok bilong PS Kantri. Taim em i lusim Lae na i go stap wantaim susa bilong em long Wewak, em i no save raun tumas. Em i save stap tasol long haus.

Wanpela taim Kanage i go lukluk raun long ol Saina stua long Wewak taun. Boi lukluk raun i go na kamap long wanpela stua. Long dispela stua, tupela yangpela meri wok.

Taim Kanage i laik go ausait, wanpela bilong dispela tupela meri kirap na tok: Turu tumas, yu lodim stret ya. Ating hevi bilong em i mas winim wan kilogram.

Kanage harim olsem na em i paul na tanim lukluk long tupela meri ya. Taim em i lukluk long tupela, arapela i kirap na askim: Yu lukluk long wanem, yu laik kisim bikpela bagarap?

Kanage paul olget olgeta long tok Pisin bilong tupela meri ya na tokim tupela: Em orait, yutupela win. Tasol sapos manki Wopa Kantri holim wanpela bilong yutupela, em bai pairap olsem drai bisket bilong Wopa Kantri.

Tupela meri ya lap na tokim Kanage: Sapos yu pilim olsem yu inap. Nogut bai yu lukim taiswara bilong PS Kantri na pret long waswas.

Father Kanage  
MOSBI

# Wok agrikalsa em i bun ya

VERONICA HATUTASI i raitim

AGRIKALSA em i bun tru long ol pipel bilong Papua Niugini. Samting olsem 85 pesen bilong ol pipel bilong mipela i stap long ol ruel eria o ol ples longwe long taun.

Bipo long kantri i statim ol bisnis wok long maining, wel na bilong katim diwai long kisim timba insait long PNG, sait bilong wok agrikalsa i save bringim moa mani i kam insait long kantri.

Mipela i gat yet graun, ol bus na diwai, ol wara na solwara bilong yusim na kisim kaikai wantaim tu mani long ol.

Tasol insait long 20 yia bihain long PNG i kisim independens, wanem samting i kamap long agrikalsa? Planti lain i askim.

Bilong wanem na long las yia, ol agrikalsa prodak i bin

kamapim 14 pesen tasol long ol samting we kantri i salim i go ausait long kantri long kisim mani long ol.

Mipela i mas save olsem sampela samting olsem pe bilong ol kakau, kopi, kokonas na ol arapela samting we pipel i groim long salim i save go daun long wol maket, na i bagarapim wok agrikalsa long kantri. Tasol long planti taim tu, gavman i no givim bikipela tingting long helpim wok agrikalsa.

Gavman i tingting tumas long developim ol maining, wok bilong katim timba na painim wel insait long kantri. Na em i no givim gutpela helpim long sait bilong wok agrikalsa na painim pis long kantri. Dispela em bikos gavman i pulim bikipela mani long ol wok maining na ol ara-



• Ol liklik groa i kisim beg kabis bilong ol i kam stap ausait long Goroka maket, na wet long salim. Ol manmeri noken sindaun na lukluk tasol. Ol mwokhat nau olsem ol dispela fama.

pela bisnis olsem.

Agrikalsa na Laipstok Minista, Bernard Narokobi i gat ol planti gutpela tingting long kamapim gutpela na strongpela agrikalsa wok long

PNG.

Insait long bikipela bung bilong lain agrikalsa na fiseris, em i bin kamap long Lae long mun Me, 1995, planti bikman i bin autim toktok olsem

agrikalsa em i as tru long kantri i stap. Olsem na i moa gut sapos gavman wantaim praivet sekta na ol pipel yet i sapatim wok agrikalsa long kisim mipela i go long yia 2000, na bihain long yia 2000.

gol long wanem samting tru em bai wokim. Dispela em long sait bilong wok agrikalsa, painim pis na katim timba bilong salim na kisim mani. Sapos mipela i makim olsem 60 pesen long wok bilong

gat planti risoses o samting bilong graun bai sindaun lukluk long ol arapela kantri, we ol nogat wankain samting olsem mipela. Dispela em ol kantri olsem Isrel long Midel Is na Malasia, Tailen na Taiwan long Esia rijon. Ol dispela kantri nau i save kamapim na salim planti samting we ol i planim ol yet wantaim ol prodak bilong solwara olsem pis.

Olsem na Mista Narokobi i laik strongim mipela ol pipel long kantri long wok strong na kirapim wok agrikalsa long helpim pinisim hevi bilong mani i sot, em kantri i bungim nau. Na tu mekim mipela i sanap long strong bilong mipela yet.

Na long kibung bilong agrikalsa na fiseris em i bin kamap long Lae long las mun, Mista Narokobi i tok: "Mipela i nogat sois. Mipela i mas mekim samting nau. Mipela i

## Baha'i Faith

### 40 Yia insait long PNG


Baha'i Bilip em i nupela rilisen we God i salim. Na dispela rilisen i kamap long 1844. Mi wantaim pipel bilong mi joinim Baha'i Bilip planti yia i go pinis. Dispela em bihain long mipela i stadim na glasim ol buk bilong Baha'i tising. Em i bin olsem mipela olgeta i stap insait long wanpela rum i tudak. Maski mipela i gat ol gutpela ai, tasol bikos long ples i tudak, mipela i no inap long

lukim gut ol samting. Tasol bihain long mipela i ritim ol buk bilong Baha'i na luksave long ol samting, em i bin wankain olsem wanpela man o putim on lait. Lait i kamap na mipela i ken lukim ol samting olsem we oli stap long en.

Mipela i lainim olsem i gat wanpela God tasol. Na ol pipel i no ken toktok kros long husat i wokim ol. Mipela i lainim olsem olgeta rilisen i kam long wanpela God tasol. Na ol i gat wankain spirituel ol. Mipela i lainim olsem rilisen i no ken stap olsem

samting bilong kros na pait long en.

Mipela i lainim tu i olsem i gat wanpela grup pipel tasol long dispela graun. Na dispela graun i olsem wanpela kantri na ol kantri olsem wanwan provins. Olgeta pipel i sitisen bilong wol. Na ol i mas kisim luksave long wanwan kalsa na kantri bilong ol. Pipel i no ken pait long kalsa, bodamak na nesaneliti bilong ol. Mipela i bilip olsem sapos ol pipel i stadim na kisim ol tising bilong Baha'u'llah, bai gat pis o gutpela sindaun long graun.



Jaris Irapawa, Simbu Province

*"Oneness of God \* Oneness of Man \* Oneness of Religion"*



• Kadir long lephan i soim wanpela visita ol kabis na aibika bilong em long gaden. I gutpela sapos olgeta ruel pipel i wokhat long Kadir.

Mista Narokobi i tok bikipela samting gavman i mas mekim em long kamapim ol gutpela polisi na maket, we ol fama i ken resis na kamapim moa wok kamap long wok agrikalsa.

Mista Narokobi i tok long mipela ol grasrut pipel bilong wanwan provins long win long sait bilong agrikalsa na mekim agrikalsa i kamap strong long helpim kamapim gutpela sindaun bilong mipela, wanwan provins i mas makim

yumi bai go long agikalsa, fiseris na timba indastri, wanpela fama inap winim samting olsem K2,000 insait long wanpela yia.

Mista Narokobi i tok mak o taget i no bilong kamapim planti kakau, kokonas o kopi, tasol long lukim olsem ol fama i kisim gutpela sindaun na laip. Long hatwok bilong man yet, em bai i gat gutpela haus, wara, helt, skul na trenspot sevis.

Watpo bai mipela long PNG we mipela i

mas wok strong long sait bilong agrikalsa long daunim hevi bilong mani i sot em kantri i bungim nau.

"Mipela i noken sem long brukim baksait na wok long graun bilong mipela long kamapim ol samting we bai helpim wanwan man na famili long kisim gutpela sindaun.

"Maski ol arapela samting tasol sapos mipela i strong long sait bilong kamapim ol kaikai na fiseris, mipela bai orait tasol." Mista Narokobi i tok.



# Lukluk long Nesenel Nakotiks Biro

Long Februeri 26, 1992, Palamen i putim kamap Ekt bilong Nesenel Nakotiks Kontrol Bod.

Dispela Ekt i putim kamap Nesenel Nakotiks Kontrol Bod we i sapos long wanpela bodi karamapim ol gavman ejensi wantaim ol non gavman oganaisesen. Dispela Bod nau i stap olsem opisal edvaisa bilong gavman long hevi bilong drag. Bod i iukautim tu olgeta wok bilong supavaisim wok bilong pait egensim drag insait long kantri.

Aninit long wankain lejislesen, dispela Ekt i putim kamap Nesenel Nakotiks Biro olsem wanpela Seketariat long Bod. Wok bilong Bod em long bung na wokim disisen long kamapim polisi. Na wok bilong Biro em long karim aut wok we Bod na Ekt i kamapim.

Dispela hap tok taitel Biro i min olsem opis. Em i no min olsem wanpela Polis opis o wanpela bodi bilong karim aut lo. Taitel i min olsem opis. Wankain tasol olsem i gat Biro bilong Pesenel Menesmen, Biro bilong Statistiks na Biro bilong Wata Menesmen. Nogat wanpela bilong ol dispela oganaisesen i save karim aut lo.

Aninit o bihainim tingting na laik bilong Yunaited Nesen long i mas i gat wanpela sentral Bodi long wanwan kantri long karim aut wok bilong pait egensim hevi bilong drag, planti kantri putim kamap sentral bodi na kolim Nakotiks Biro.

Long sampela kantri, Nakotiks Biro i save karim aut wok olsem polis. Eksampel-Tailan (Thailand). Na long ol arapela kantri, Nakotiks Biro i gat polis pawa. Eksampel-Hong Kong.

Nakotiks Biro bilong Papua Niugini no wanpela polis bodi. Ol opisa bilong Biro i no

save arestim man. Tasol Biro i save wok-bung wantaim Polis na Kastam dipatmen. Na tu long pait egensim olgeta wok bilong pait egensim dispela hevi bilong drag.

Wanpela opisa ol i kolim dairekta i stap olsem hetman bilong Biro. Nakotiks Kontrol Bod i makim dispela opisa o man long stap olsem dairekta. Bihain Minista Bilong Jastis i apoinim dispela man o opisa.

Dairekta i gat namba tu bilong em long helpim long karim aut wok. Dairekta yet i apoinim namba tu bilong em namel long ol opisa bilong Biro.

Biro i bruk em yet i go long 5-pela seksen o divisen: Ligel, Rises na Plening, Infomesen, Edukesen na Awenes na Rihebilitesen. Wanwan bilong ol dispela 5-pela divisen i gat wanwan Asisten Dairekta.

Wok bilong Biro i no stap tasol long pait egensim hevi bilong drag insait long Papua Niugini. Pasin bilong yusim krangi drag em i wanpela hap o pat intanesenel pait bilong egens ol drag. Dispela woki save kamap long levul bilong Yunaited Nesen Komisn long ol Nakotiks Drag aninit long Yunaited Nesen Drag Kontrol Progrem long Viena.

I gat wanpela arepela wokbung wantaim Yunaited Nesen Ekonomik na Sosel Komisn bilong Esia na Saut Pasifik long Bengkok.

Sapos Papua Niugini laik kamap wanpela patna long dispela wok bilong pait egensim ol drag, orait em i mas go het, aninit long Dipatman Bilong Foren Afeas na tu wantaim ol arapela oganaisesen.


I gat tu ol arapela intanesenel bodi save karim aut wok bilong pait egensim ol drag. Sampela em ol non gavman oganaisesen we i kisim gutpela luksave long Yunaited Nesen. Eksampel-Intanesenel Leba

Oganaisesen (ILO) i gat wari long drag i go insait long ol ples bilong wok. Na Federesen bilong Non Gavman Oganaisesen. Em i wok bilong Biro long stap moa klostu wantaim ol dispela oganaisesen.

I mas i gat ol gutpela na nupela lejislesen (lo). Olsem na ligel eksen bilong Biro i mas go wantaim intanesenel drag lo na wantaim Konvensen bilong Yunaited Nesen. Papua Niugini em i wanpela pati bilong ol dispela konvensen. Na i redi long putim kamap ol lijislesen bilong em yet long stretim 1988 Konvensen bilong Drag Trefiking.

Sapos wanpela man i save kisim wanpela drag tumas, dispela i min olsem em i mas kisim sampela kain marasin long stopim dispela pasin bilong em. I gat planti progrem i kamap pinis insait long wol long helpim ol manmeri husat i save kisim tumas ol drag. I gat luksave olsem long kalabusim wanpela man bai no inap helpim em. Samting olsem 98 pesen bilong dispela lain bai kisim gen drag taim em i pinis long kalabus.

Planti taim kain ol progrem olsem i no save wok gut. Ol wok sekap bilong Biro long ol gutpela rihebilitesen rot i soim olsem i gutpela. Dispela em long skulim ol pipel long



luksave long laip bilong ol. Na tu long lukautim laip bilong ol yet.

Nakotiks Biro i luksave wok bilong em i bikpela moa. Olsem na Biro i nidim bikpela helpim na sapot. Biro i nidim politikel helpim na sapot long sait bilong givim ol risoses long karim aut wok bilong em. Na tu i nidim helpim na sapot bilong ol pipel long komyuniti long karim aut edukesen na rihebilitesen wok. • I GO MOA LONG NEKS WIK

**BIRUA MAN** **MAN LONG GIVIM BIRUA LONG OL RASKAL**

SIMON NA DANIEL KISIM SKUL RIPOT CAD.

MI KISIM OLGETA 'A' TASOL

OLOMAN! MI NO BIN PAS

BIKOS MI BIN KISIM GUDPELA SKUL RIPOT MI BAI KISIM GUDPELA WOK. YU KAM DANIEL MIPELA IGO NA STORI WANTAIM MAMA NA PAPA

YU SMATPELA BOI OLGETA SAMTING EM BAI KAMAP GUDPELA LONG LAIP LONG YU

DANIEL BIHAIN YU MAS TRAI KEN LONG SKUL. MIPELA BAI STORI LONG DISPELA SAMTING BIHAIN, ...

STORI LONG NEKS WIK —: SIMON EMI PAINIM WOK LONG TAUN.

# MUSIK NA TELEWISEN

PAPUA NIUGINI



## Darkends bai stap yet o nogat?

RODNEY KAMUS i raitim

DISPELA Singsing bilong *Darkends* pawa ben bilong Morobe *Blue Bird* nau i wok long kamap long maus bilong planti ol liklik pikinini i luk olsem bai laspela taim dispela ben i stap wantaim.

Dispela i kamap long wanem, planti bilong ol ben memba ya i no stap wantaim nau na tu dispela namba 4 kaset bilong ol em ol i katim wantaim CHM studio i no kisim bikpela promosen tumas olsem bipo.

Lassie Kemebi husat i ben lida na man husat i save go pas long *Darkends* ben i mekim dispela toktok bihain long em i katim namba wan solo kaset bilong em wantaim Walter Bay Studio em i kolim "*Lassie Nogat, Simple Rastaman*".

Lassie i bin tokim Wantok Niuspepa olsem *Darkends* ben i bin katim planti singsing na mekim 4-pela kaset olgeta wantaim CHM studio long Mosbi.

Dispela olgeta tripela kaset bilong ol long bipo em i gat singsing olsem *Pinky Pinky Ponki Daddy was a Donki na Soldia Boi* i bin kamap gut tru na i kisim planti sels tru long olgeta hap bilong kantri.

Tasol long laspela namba 4 kaset bilong ol i gat dispela singsing *Blue Bird* i stap long em i bin kamaut tasol i no bin kisim gutpela promosen olsem ol narapela kaset bilong ol na ol i traim long promotim tu wantaim vidio klip i no bin inap.

Lassie i tok olsem long promosen sait, ol i no bin kisim inap long mekim dispela laspela kaset bilong ol i go antap liklik na tu i nogat gutpela sapot ol i kisim long ol lain long studio we ol i rekot.

Tasol dispela i no pasim em wantam ol lain bilong em long go het na traim long painim ol narapela rot we ol bai i ken mekim nem bilong ol i go antap yet olsem wanem kain ben *Darkends* i bin kamap.

Long laspela kaset bilong ol long dispela singsing bilong ol *Blue Bird Lassie* yet i bin komposim na singsing dispela singsing insait long vidio klip bilong ol nau i stap wantaim EM TV.

*Darkends* long nau yet i no bruk tasol ol i laik traim narapela studio gen long lukim olsem ol i kamap biknem gen olsem bipo. Olsem na ben lida na man i save go pas long ol Lassie



Kemesi i kamap wantaim wanpela namba wan solo kaset bilong em aninit long Walter Bay Studio.

Lassie i singim ol singsing long tok pisin, Yabem, Garaina, Bukawa, Goilala na Motu insait long dispela kaset bilong em. Planti ol singsing em ol

i stap long tokples Morobe.

Wanem kain samting i stap fran long dispela biknem Morobe ben *Darkends* em yumi no save yet. Bai ol i kamap olsem bipo o dispela em i laspela taim yumi harim long ol *Darkends*.

## I KAM LONG Ela Motors

OL WIL BILONG NESEN

### AUSTRALIA TOP TEN SINGLES

The Australian top 10 singles, as rated by ARIA, with last week's position in brackets:

- |    |      |                  |                                  |
|----|------|------------------|----------------------------------|
| 1  | (1)  | Another Night    | M.C Sar and the Real McCoy (BMG) |
| 2  | (2)  | The Hit List     | Cliff Richard (EMI)              |
| 3  | (10) | Dookie           | Green Day (WARNER)               |
| 4  | (5)  | No Need to Argue | The Cranberries (ISL/POL)        |
| 5  | (1)  | Hi Fi Way        | You Am I (roo/WAR)               |
| 6  | (4)  | Smash            | Offspring (SHOCK)                |
| 7  | (9)  | The Celts        | Enya (WARNER)                    |
| 8  | (6)  | Pulp Fiction     | Soundtrack (MCA)                 |
| 9  | (12) | Vitalogy         | Pearl Jam (EPI/SONY)             |
| 10 | (3)  | Janet            | Janet Jackson (VIR/EMI)          |

### LONDON TOP TEN SINGLES

- |    |      |                                     |                               |
|----|------|-------------------------------------|-------------------------------|
| 1  | (1)  | Think Twice                         | Celine Dion/Epic              |
| 2  | (5)  | Don't Give Me Your Life             | Alex Party/Systematic         |
| 3  | (2)  | I've Got A Little Something For You | MN8/Columbia                  |
| 4  | (16) | Push The Feeling On '95             | Nightcrawlers/frr             |
| 5  | (21) | The Bomb! (These Sounds Fall..)     | Bucketheads Positiva          |
| 6  | (3)  | No More I Love You's                | Annie Lenno/RCA               |
| 7  | (8)  | Reach Up                            | Perfecto Allstarz/Perfecto    |
| 8  | (7)  | Set Me Free                         | N-Trance/All Around The World |
| 9  | (4)  | Bedtime Story                       | Madonna/Maverick              |
| 10 | (-)  | Wake Up Boo!                        | The Boo Radleys/Creation      |

### USA TOP TEN SINGLES

- |    |      |                           |     |                              |
|----|------|---------------------------|-----|------------------------------|
| 1  | (1)  | Creep                     | TLC | LaFace Gold                  |
| 2  | (2)  | On Bended Knee            |     | Boyz II Men Motown           |
| 3  | (3)  | Another Night             |     | Real McCoy Arista Gold       |
| 4  | (5)  | Take a Bow                |     | Madonna Maverick-Sire        |
| 5  | (4)  | Always                    |     | Bon Jovi Mercury Gold        |
| 6  | (7)  | You Gotta Be              |     | Des'ree Music                |
| 7  | (8)  | Before I Let You Go       |     | Blackstreet Interscope       |
| 8  | (9)  | Sukiyaki                  |     | 4 PM Next Plateau            |
| 9  | (6)  | Here Comes the Hotstepper |     | Ini Kamoze Columbia Platinum |
| 10 | (10) | I'm the Only One          |     | Melissa Etheridge Island     |

## EMTV TELEWISEN

THURSDAY 18TH MAY, 1995

5.30	STATION OPEN
5.47	TRANSMISSION OPEN
6.00	ITN NEWS
6.30	DAYBREAK NEWS
7.00	TODAY SHOW
9.00	STATION CLOSE
9.01	PROGRAM HIGHLIGHTS
2.57	TRANSMISSION RESUMES
3.00	KIDS KONA
4.00	THE BOOK PLACE
4.30	HOT SCIENCE
5.00	WONDER WORLD
5.28	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV (G) NEWS
6.30	A CURRENT AFFAIR (G)
7.00	SALE OF THE CENTURY
7.28	LOTTO DRAW
7.30	NEIGHBOURS
8.00	FIZZ
9.00	CATS & DOGS*
9.30	THE FOOTY SHOW
10.30	A CO PRACTICE
11.57	MEDITATION WITH PASTOR WALO ARNI
12.00	STATION CLOSE

FRIDAY 19TH MAY, 1995

5.30	PROGRAM HIGHLIGHTS
5.47	STATION OPEN
6.00	ITN NEWS
6.30	DAYBREAK NEWS
7.00	TODAY SHOW
9.00	STATION CLOSE
9.01	STATION RE-OPEN
2.53	TRANSMISSION RESUMES
3.00	KIDS KONA
4.00	THE BOOK PLACE
4.30	HOT SCIENCE
5.00	WONDER WORLD
5.30	HOME AND AWAY
6.00	NATIONAL EMTV NEWS
6.30	A CURRENT AFFAIRS
7.00	SALE OF THE CENTURY
7.28	LOTTO DRAW
7.30	NEIGHBOURS
8.00	AUSTRALIA'S FUNNIEST HOME VIDEO SHOW
8.30	FRIDAY NIGHT FOOTBALL
10.52	EMTV TOK SAVE
11.00	RAVEN
12.00	NATIONAL EMTV NEWS REPLAY
12.27	MEDITATION WITH PASTOR WALO ARNI
12.30	STATION CLOSE

SATURDAY 20TH MAY, 1995

11.00	PROGRAM HIGHLIGHTS
11.27	TRANSMISSION OPEN
11.30	THE WONDERFUL WORLD OF DISNEY
12.30	CENTURY 21 REAL ESTATE GUIDE
1.00	WIDE WORLD OF SPORT BEYOND 2000
5.00	NATIONAL EMTV NEWS
6.30	HEY HEY ITS SATURDAY
8.30	NCDC NEWS
9.00	WRESTLING
10.00	GILLETTE
10.30	MARRIED WITH CHILDREN
11.00	LOVE & WAR
11.57	MEDIATION WITH PASTOR WALO ARNI
12.00	STATION CLOSE
SUNDAY 21ST MAY, 1995	
7.20	PROGRAM HIGHLIGHTS
7.50	TRANSMISSION OPEN
7.52	CHIT CHAT WITH SIR PAULIAS MATANE
8.00	BUSINESS SUNDAY
9.00	SUNDAY
11.00	WIDE WORLD OF SPORTS



12.00	THE FOOTY SHOW
1.00	GOLF SHOW
1.30	LUMEN 2000
2.00	MUSIC AND THE SPOKEN WORLD
2.30	MAGAZINE PROGRAM
3.00	BONANZA
4.00	SPORTS SUNDAY
6.00	NATIONAL EMTV NEWS
6.30	SUNDAY NIGHT FOOTBALL
7.30	60-MINUTES
8.30	SING WITH JOY
9.00	SUNDAY NIGHT MOVIE
10.50	CHIT CHAT WITH SIR PAULIAS MATANE
11.57	MEDITATION WITH PASTOR WALO ARNI
12.00	STATION CLOSE

## PNG TOP TWENTY

### AS AT 20/5/95

NO.	SONG	ARIST
3	(1) Rama Eno	Tarikana
1	(2) Confuse Mangi	Jr. Kopes
9	(3) Butterfly	Hollie Maea
2	(4) Rabaul I Tapnang	Charles Kivooon
5	(5) Tariga Iau	Painim Wok
4	(6) Dust Over Rabaul	Wong/Bowman
6	(7) Kantri Blong Yumi	Reks Band
14	(8) Red Eyes	JR Kopez
7	(9) Pulim Win	Creg/Telek
10	(10) Wopa Country	Bongas
11	(11) Rabaul Town	Barike
8	(12) Elisa	Sauga Band
12	(13) Swit Heart	Painim Wok
13	(14) Gomang Na	Bongas
15	(15) Lalohadai	Dokona
16	(16) Bagawauraidia	Dokona
0	(17) Rabaul Mi Cry	Basil Greg
17	(18) Ia Anna	Raymond Rangatin
19	(19) Hungara Singa	Crew 5
20	(20) Askom Askom	Chako Chako

\* Ratings based on requests on Radio Kalang and not cassette sales.

ELA MOTORS - OL WIL BILONG NESEN



# Naroyats kamap long tripela meri

BIPO bipo tru long taim bilong tumbuna i gat ripela marit meri i save poror gut na raun wantaim.

Ol i save stap long wanpela ples insait long Makam eria long Morobe provins.

Wok bilong painim abus long wara, bung na kaikai wantaim bai yu lukim ol dispela tripela meri wantaim. Wanpela de ol i bung na tokorait long painim ol liklik rokrok long wanpela wara ol i kolim Mpo Moae.

Ol i pasim tok pinis na bikpela moning tru ol i kirap. Ol i lusim pikinini wataim man bilong ol na wokabut i go long wara.

Ino longtaim ol kamap na stat long apim ol ston na kisim ol liklik rokrok i go. Ol i painim rokrok i go na kam antap long het bilong wara.

Na long ples em tulait pinis na ol bikman long ples i pasim tok long kukim kunai long hap em tripela meri ya i painim rokrok long en.

Ol i no save olsem ol i putim paia raun pinis long tripela meri ya. Bikos wara Mpo Moae i go insait long dispela bikpela lain kunai.

Tarangu tripela meri ya i no save long aidia bilong ol man long ples. Man ol i kalap nogut stret long lukim smok bilong paia.

Ol i save pinis olsem ol man long ples i mas putim paia long holim pasim abus. Hariap tru ol i pinisim olgeta pit na bihainim i go daun bek long wara.

Tasol paia i banisim ol pinis. Mekim nogat na ol i givim i go antap gen long het bilong wara. Tasol antap tu em paia i banisim pinis. Ol i save pinis olsem ol i nogat moa rot nau.

Ol i lukluk nabaut na lukim wanpela liklik maunten arere long wara ya. Ol i go antap na lukluk i go daun sapos i gat sepes bai ol i go aut bipo paia i raunim ol olgeta.

Ol i lukluk raun na lukim smok eantaim paia i raunim ol pinis. Bel na lewa bilong ol i pas olgeta long dispela taim.

Ol i sanap antap tasol long maunten na stat singaut long pikinini na man bilong ol. Tasol nos bilong win na paia i mekim na singaut bilong ol i no karim kaikai.

Dispela taim em paia i kamap klostu na smok i bagarapum stet ai bilong ol. Ol i laik ranawe tasol paia i bainisim ol pinis. Mekim nogat na ol i dai insait long paia.

Tarangu bodi bilong teipela meri ya i paia nogut tru. Het bilong ol tasol i tanim i go daun long narapel sait bilong maunten na kamap long wanpela wara ol i kolim Leron.

Tripela het ya i go pas long wanpela bikpela ston an tanim kamap tupela longpela maunten. Dispela tupela maunten em mipela i givim nem long tokples bilong mipela Wampar olsem Naroyuats.

I gat namba wan na namba tu Naroyats. Tupela i sanap klostu wnataim long Leron Bris.



Aiwara wanttraim blut bilong dispela tripela meri i tanim kamap 3-pela bikpela han wara. Nem bilong dispela tripela han wara em Buzampung Eran, Binum Ampo na Rereb.

Na susu bilong ol i tanim kamap olsem Maunten Susu. Long tokples Wampar mipela i save kolim Maunten Susu bilong ol Yangpela Meri.

Nau sapos yu ran long ka lusim Lae na bihainim Makam Haiwe na kamap long bikpela lain kunai klostu long Leron wara na, lukluk long raithan bai yu likim maunten susu i sanap. Na tripela liklik han wara i stap aninit long Maunten Susu.

Yu ran liklik i go antap long maunten klostu long Leron Bris na lukluk gen long raithan bai yu lukim tupela Naroyats ston.

Wara Mpomoae i stap nau long Not bilong Maunten Susu. Tasol ol meri long ples i save ktaim kru bilong saksak long dispela wara long mekim purpur.

Olsem na nau ol i givim narapela nem long dispela wara. Nupela nem ol i bin givim em Azira olsem wara Sasiang.

Meano Bair  
Markham Valley  
Morobe Province

## Mi laik rausim meri bikos long pasin bilong kros tumas



Dia Laiplain,

Mi no save watpo na meri bilong mi save kros tumas. Em i no laikim mi long wokabaut mi yet, toktok long ol yangpela meri, stap wantaim ol pren longpela taim o go long danis.

Mi save givim em wanem samting em i laikim. Na wokim ol samting we em i laikim mi long wokim. Em i save kisim olgeta potnait mani bilong mi. Na i save givim mi liklik poket mani tasol.

Inap mi rausim em?

NOT UNDERSTOOD  
Dia Pren,

I luk olsem i gat bikpela paul i stap namel long yu wantaim meri bilong yu. Ating em yu wok long givim em mani,

taim wanem samting em i laikim em yu yet.

Em i no hat long luk-save watpo na meri bilong yu i save kros long ol samting yu tok

pinis antap. Nogat wanpela meri save amamas long lukim man bilong em i toktok long ol arapela meri. Ol arapela samting i orait. tasol long marit laip, patna bilong yu i laikim olsem yutupela i mas mekim samting wantaim. Sapos em i kros long yu go long danis na piksa, ating em i bikos em i laik go wantaim yu. Em i pasin olsem taim wanpela mani laik long ol kain ples olsem, em i mas kisim meri bilong em i go wantaim em. Sapos meri bilong yu i les long go long danis o piksa, ating em i mas laikim yu long kisim em i go long ol ples we em i laikim. Em i tru olsem yu laik go long lukim piksa na em i mas stap long haus na was long

ol pikinini. Sapos dispela i tru, em i laikim olsem yu mas stap long haus na toktok long em. Sampela taim em i laikim olsem yu stap long haus na was long ol pikinini taim em i go aut. Na arapela taim em i laikim olsem yu mas kisim em wantaim ol pikinini go aut.

Yu save mekim gutpela pasin long potnait mani bilong yu. Olsem na meri bilong yu i no ken komplem long dispela. Ating meri bilong yu i laikim olsem yu mas kisim liklik mani. Na em i pilim olsem em i mas kisim bikpela long lukautim famili. Em i save i gat hamas poket mani? Ating nogat tru stret. Yu ken lusim em na go sapos yu laikim. Tasol sapos yu gat ol

pikinini wantaim em pinis, wok i stap long yu long lukautim ol inap ol i winim 6-pela krismas. Dispela i ken kamap sapos em i askim ol welfea opisa long yu mas mekim dispela samting.

Yu mas traim long stretim dispela hevi wantaim meri bilong yu. Sapos yutupela wantaim i toktok na tokaut long tingting na laik bilong yutupela, ating yutupela i ken kamapim sampela tokorait namel long yutupela yet. Na dispela i ken helpim long stretim hevi bilong yutupela. Na yutupela i ken kisim gutpela luk-save namel long yutupela yet na long sindaun bilong yutupela.

Mi Laiplain

Sapos yu gat hevi, rait i kam long LAIPLAIN, P.O. box 6047, Boroko. o yu ken ring i kam long dispela namba 26 0011. Mipela bai no inap putim trupela men bilong yu.



PIKININI man bilong Kanage i go skul long Australia. Klostu holide na em i salim tok olsem em bai kam long ples. Bihain long wanpela wik na em i kam. Em nau Kanage i kisim ka na i go wetim pikinini man bilong em long ples balus. I no longtaim na bikpela balus bilong Air Niugini pundaun long ples balus. Na pikinini man bilong Kanage i kam ausait. Kanage i go sekan long pikinini bilong em pinis na tupela kalap long ka na go long ples. Long hap rot, pikinini bilong Kanage i tokim papa bilong em olsem em i hangre. Em nau Kanage i stapim ka long wanpela stua. Em i go insait long stua na tokim stuakipa. Stuakipa ya i bilong Yangoru long hap bilong Is Sepik, "Java, givim mi wanpela paket fres lem." Yangoru ya i paul na askim Kanage, "Yu laikim wanem?" "Hei, yu askim mi long wanem? Mi lukim samting i stap na mi tokim yu long givim mi. Em ya, givim mi wanpela paket fres lem," Kanage i tokim Yangoru ya. Samting tru Kanage i laikim lem fleps. Tasol maus i abrus na em i tok fres lem.

John Buana,  
RABAUL.

Kanage raun long Lorengau taun long Manus na lukim wanpela yangpela meri Manus na em i gat bikpela laik tru long dispela meri. Em nau boi askim meri ya: Maiwan, yu gat sampela tingting o nogat? Meri Manus ya lap na tokim Kanage: Mi gat tingting i stap. Tasol sapos mi tokim yu nau, yu bai ting olsem mi giamanim yu. Kanage harim olsem na tok: Em orait, yu tok na mi harim. Olsem samting bilong toktok na skelim.

Meri Manus ya lukluk strong long Kanage na tokim em: Tingting bilong mi olsem em i orait. Tasol mi no save wokim am roberi na hol ap long nait. Mi save wokim long bikpela san.

Kanage Favourite  
MANUS

Lapun Kanage i bilong Swit Fins long Morobe Provins. Wanpela apinun boi limlimbur long rot long ples. Em wokabaut raun i stap na kam kamap long wanpela kona na lukim ol manmeri bung i stap. Em nau Kanage ron i go na lukim olsem wanpela PMV ka i kapsait. Na planti pasindia i kisim bagarap.

Kanage lukim olsem na siksti go long ples. Taim em i kamap long ples, em i askim ol manmeri long ples: Ai ea ol mang, yupera rukim wanpera PMV kare i kam i go tu o nogat?

Ol manmeri kirap na tokim em olsem ol i lukim wanpela PMV ka i ron i kam abrusim ples na i go.


Taim ol i tokim Kanage olsem, em i kirap na tokim ol: Turu a, dispera PMV kare kam i go, ai ea, nau tasor wanpera bikpera ekspriens i kamap rong dispera PMV kare long kona daunbiro.

Kanage Fan  
SWIT FINNS


Wanpela saveman ol i kolim saintis i go long Finsafen long Morobe Provins. Na askim ol manmeri long ples sapos ol i gat ol snek nogut long bus bilong ol. Saintis ya i askim ol long tok Inglis.

Kanage i no klia gut long tok Inglis. Tasol taim ol manmeri paul long bekim askim bilong saintis ya, Kanage kirap na tokim em olsem: Yes, em nau. We have got two-wanpera in the bush and wanpera at the nambis. Dispera in the bush is no nogut tumas. Tasor dispera at the nambis is more nogut. Sapos it kaikaim yu, you wir dai in no minute no seconds-one hour tasor.


Fins Root  
MOSBI



# Big Bro **REBO**




# Spak **MAIK**





# BARGAIN BONANZA




**TIMBER** – Dar Treated

**ALL – 20% Discounted**



**NAILS BRIGHT  
FLAT & JOLTHEAD**  
Lae/POM HGN  
500gm 1.00 1.10  
25 kg K37.50 K39.75




**MATTRESS**  
with **FREE** pillow  
Double 4" – K55.00  
Single 4" – K34.00  
Single 3" – K27.50

**TOILET SUITE**  
CAROMA  
CONCORDE




**K69<sup>95</sup>**



**COFFEE MACHINE**  
KOPI KING  
**K285<sup>00</sup>**


**CHEF CONSUL**



**K650<sup>00</sup>**


**TARPS**  
6 x 8 K3.50  
10 x 12 K5.75  
16 x 12 K8.95  
*Plus more sizes*

**WOODSTOVE**



**K375<sup>00</sup>**

**HANDSAW**  
Stanley  
Eagle



**K8<sup>50</sup>**

**TOTAL HARDWARE TOTAL HARDWARE TOTAL HARDWARE**

**LAE**  
Milfordhaven Road  
P.O. Box 675  
Ph: 42 1065 Fax: 42 2062

**PORT MORESBY**  
Klinki Street, Boroko  
P.O. Box 3655  
Ph: 25 3988 Fax: 25 2621

**MT. HAGEN**  
Wonye Road  
P.O. Box 1  
Ph: 52 2285 Fax: 52 2140



# PNGDF na Difens Dipatmen nogat gutpepa pepa wok

**Dia Edita,**  
Mi laik komplem em Dipatmen bilong Difen na Papua Niugini Difens Fos i save mekim. Dispela em long givim hat taim long ol soldia husat i pinis long eok, na laik kisim pinis mani bilong ol.  
Mi yet bin go wantaim papa bilong mi, husat i pinis long ami long mun Desemba, 1994. Em i bin wok long 30 yia olgeta, na pinis olsem wanpela Saijen long Moem Bareks, Wewak.  
Long pinis pe bilong em, ol i yusim olgeta pe bilong em, na wokim aut pinis pe bilong em. Na em i no kisim gut pinis mani bilong em. Dispela em mi lukim i no gutpela tru.  
Taim mi go wantaim papa bilong mi long Murray Bareks kes opis long Mosbi, ol i givim mipela kainkain eskus. Ol i tok ol pepa ol i wokim aut pinis pe em mipela i no inap lukim.  
Na tu ol bai pasim opis na givim

papa bilong mi, wantaim ol arapela wankain soldia olsem mi hatpela taim stret.  
Mi save na bilip olsem ol i no baim gut papa bilong mi. Mi no save hamas soldia husat i ritai bipo em ami i no wokim aut gut pinis pe bilong ol. Bikos ol i nogat gutpela pepa wok.  
Pepa wok em i wanpela bikpela asua tru bilong Difens Dipatmen. Ating em i taim nau bilong rausim ol bosman long long ol Difens Dipatmen na PNGDF. Bikos ol i no mekim gutpela wok.  
Bikos long dispela kain hevi na ol yangpela soldia i bin belhat na brukim ks opis long las yia. Ating ai bilong ol bikman bilong ami i pas o? Traim na lukluk i go insait long ol dispela hevi.  
Yupela ek olsem ol bikman na i no save gut long hevi o wanem asua bilong wok yupela i mekim. Traim bungim ol arapela pipel

bilong daunbilo o grasrut, na bai yupela save long ol hevi na wari ol i gat. Na bai yupela ken long traime lopng stretim. Long dispela we, yupela ken stretim na mekim gut wok bilong yupela. Mi askim nau long wanpela wok painimaut i go insait long dispela.  
Plis wanpela gavman opisa mas go long Murray Bareks na askim ol bikman hsuat i wet ausait. Wari bilong ol em mi no save olsem wanem na Difens Dipatmen na PNGDF i no inap long stretim. Ol i givim hat taim stret long ol lapun papa, husat i laik kisim pinis pe, go hariap long ples na statim liklik bisnis wok bilong ol.  
Bikos ol i stap longpela taim long Mosbi siti wantaim wantok, tambu, poroman, famili, na i no pilim gutpela.  
Em tasol liklik toktok bilong mi.  
**Joseph Koi MOSBI**

"Sip i go, Sepik i go, sip i kam, Sepik i kam"

**Dia Edita,**  
Mi Robin Steven wantaim brata bilong mi, Peter Yaki i laik autim liklik toktok bilong mitupela. Mitupela i bilong Biwat long Is Sepik provins. Nau yet mitupela i stap long biktaun bilong Wes Nu Briten provins, Kimbe.  
Mitupela i laik bekim pas bilong brata Tony Albert. Brata Albert i bin mekim sampela toktok egensim mipela ol Sepik long hia.  
Mitupela laik tok olsem long Rabaul, biktaun bilong Is Nu Briten provins, mipela ol Sepik i gat planti blok setelmen. Mama i karim planti bilong mipela long Rabaul. Na tu planti bilong mipela i marit long Rabaul. Na i no moa tingim asples bilong mipela.  
Taim maunten paia i pairap, planti bilong mipela i ranawe i go long asples o ol arapela hap. Tasol mipela tingim bek ol samting bilong mipela long Rabaul. Olsem na mipela go bek long Rabaul.  
Sapos mipela ol Sepik i mekim bikhet pasin long Rabaul orait, kisim plis na rausim mipela. Sapos mipela i

stap gut, bilong wanem bai yu rausim mipela.  
Sapos yu save long wanpela hap toktok ol i save tok: "Sip i go, Sepik i go, sip i kam, Sepik i kam". Dispela tok i makim mipela ol Sepik. Sapos brata i bilong Sepik tu, em i mas tingim dispela hap tok pastaim.  
Na tu sapos em i gat wari, maski long autim long niuspepa. Kam stret long Rabaul na tokim mipela ol Sepik long Rabaul.  
Hia em sampelasamting mi laikim brata long skelim pastaim, bipo em i autim tingting o toktok bilong mi long pablik long niuspepa:  
1. Brata, yu gat wanem kain hevi long ol Sepik?  
2. Brata sapos mamà karim yu long Wewak na sampela samting i kamap long Wewak, yu ranawe pinis tasol bai yu kam bek long Wewak. Bikos yu ting olsem em asples bilong yu.  
**Robin Steven na Peter Yaki KIMBE**

## Boda agrimen no moa tingim Tumolbil

**Dia Edita,**  
Mi wanpela manki Tumolbil long hap boda bilong papua Niugini na Irian Jaya. Mi laik makim maus bilong ol pipel hia long ples Tumolbil. Na laik tromoi dispela sotpela komplem i go long Telefomin Distrik Developmen Agrimen (TDDA) Kodineta long Telefomin, Sandaun provins.  
Mi laik tok stret olsem, taim wanpela waitman bilong kantri Ingran long Yurop i lukautim olgeta mani bilong Telefomin Distrik Developmen Agrimen, mani i go stret long ol wok em ol pipel i laikim. Na ol pipel i lukim wanem kain senis o wok developmen ol i askim na laikim.  
Tasol taim wanpela man Telefomin yet i kisim ples bilong dispela waitman, mipela i no lukim gutpela senis. I luk olsem mani i no go stret long ol

developmen wok em olgeta pipel i laikim.  
Nau yet mipela ol pipel bilong Tumolbil i no lukim moa wanpela developmen i kam long eria bilong mipela. Dispela em long taim wanpela man Telefomin i tekova long man Ingran. Mi no tok olsem em i no mekim gutpela wok o nogat. Mi askim tasol long painimaut olsem bilong wanem na mipela i no lukim moa ol gutpela senis, em mipela save lukim bipo.  
Inap long opis bilong TDDA i toksave long mipela long Wantok niuspepa, o kam long mipela ol pipel na kliam mipela ol pipel long dispela.  
Tenkyu tru long prinim pas bilong mi.  
**Richard P. Wests SANDAUN PROVINS**

## Madang Inta Siti tim noken yusim ol ausait pilaia

**Dia Edita,**  
Mi laik autim wari bilong mi i go long kandre bilong mi, John Kuk bilong Madang Ragbi Lig.  
Mi laik askim em long noken oraitim ol ausait pilaia long kam pilai long Madang Inta Siti Ragbi Lig tim. Mipela mas tingim ol pilaia bilong mipela yet long Madang lig. Na lus tingting long ol pilaia bilong Goroka na

Mosbi lig.  
Bikos sapos mipela i go het na yusim ol ausait pilaia, Madabg lig bai nogat nem long bihain taim. Bikos mipela i no givim sans long ol yangpela pilaia bilong mi. Na dispela em i no we bilong developim ragbi lig long Madang.  
Maski ol pilaia long inta siti tim bilong las yia i no pilai gut na Madang i no winim wanpela

gem, mipela mas givim sans long ol. Bikos em i namba wan taim bilong ol long pilai long kain strongpela resis olsem. Olsem na em i taim bilong ol long lainim samting.  
Mi bilip olsem dispela yia ol i ken mekim mipela ol pipel bilong Madang pipel i amamas. Bikos ol bai winim sampela gem. Maski ol i no winim wanpela gem long resis bilong 1994 sisen.  
Ol ausait pilaia i seksek tasol olsem ol Madang Inta Siti pilaia bai kisim gutpela pe long olgeta gem. Olsem na ol i laik joinim Madang tim.  
Mipela mas tingim ol lokol pilaia bilong mi. Em tasol liklik toktok bilong mi.  
**Kepas Tiss Lakowe KIMBE**

## Maski soim save long Konvensen Senta

**Dia Edita,**  
Mi laik autim tingting bilong mi long sampela

**FE**  
**KILN DRYED**  
**TIMBER**

100 x 25 Kwila Flooring **K1.90** 1/m.  
100 x 25 R/Wood Panelling **K2.95** 1/m

**MOULDINGS**  
100 x 25 Flooring T&G  
150 x 25 weatherboard  
20 mm Quad and square  
50 x 25 Architrave  
100 x 25 Architrave  
42 x 12 Door stops  
32 x 12 Flywire battens  
150 x 50 window sill

**DAR TREATED**  
75 x 50  
100 x 50  
150 x 50  
Based on random lengths  
All other sizes available  
immediate delivery.

**Phone: 42 4879**  
**Fax: 42 5494**

pasin em mi lukim we i no stret long ai bilong mi. Dispela em pasin bilong sampela manmeri long ol danis ples long Mosbi siti.  
Ol save so op stret olsem ol masel man, mani mani, saveman o top man. Mi lukim olsem dispela pasin i no gutpela tru. Dispela kain pasin i no gutpela long ol arapela manmeri.  
Ol danis ples em ples bilong olgeta manmeri. Yu go insait long danis, drink bia bilong yu na danis gut. Na maski so op nabaut long ai bilong ol arapela manmeri.  
Mi tok olsem bikos wanpela taim mi lukim sampela studen bilong Yunivesiti bilong Papua Niugini. Ol i bilong hailans. Man ol i so op stret olsem ol i save man, ek olsem ol i gat mani, na mekim nabaut long danis ples long Konvensen Senta, Islander Hotel. Dispela

**Dia Edita,**  
Hevi na komplem bilong mi i go long ol provinsal na nesenel memba bilong Isten Hailans provins.  
Ol dispela lain i save tok mipela i gat longpela han. Olsem wanem na i gat trabel

long rot na ol haus lain. Mipela i ken stretim. Tasol samting tru em ol i save giaman mipela stret.  
Mi laik askim ol provinsal na nesenel memba long brukim mani ol i kisim long developim eria bilong ol i go long ol SDA na Sande yut.

em long tupela wik i go pinis long wanpela Sarere nait.  
Noken ting olsem yupela tasol i gat save na laik so op. Mi sore tru olsem yupela ting yupela gat inap save, tasol mi ken tok olsem yupela gat planti samting bilong lainim yet.  
Olsem na stap isi na yusim ol kain gutpela amamas taim olsem long bungim ol gutpela manmeri long wok pinis, na stori wantaim ol long ol gutpela samting. Bikos em i gutpela taim bilong yupela long bungim ol, save gut long ol, na tu ating bai yupela gat sans long painim wok, taim yupela kam aut.  
Dispela em i fri kantri, yupela ken mekim wanem kain samting yupela laikim, tasol samting tru em yupela daunim yupela yet. Mi sore tru long yupela.  
**William Koma MOSBI**

manmeri, husat i laik go traime lak bilong ol. Mosbi So Sosaiti mas tingting nau long senisim olgeta samting. Askim ol lain husat save soim wok o samting bilong ol olsem Agrikalsa Dipatmen na Wail Laip long mekim moa senis long samting ol i soim. Dispela bai pulim moa manmeri, na bai apim yet laik bilong ol manmeri long go lukim so.  
So Sasaiti noken ting olsem planti manmeri i go yet long so bikos namba bilong ol manmeri i go antap. Nogat. Namba bilong ol manmeri i go antap yet bikos ol manmeri long siti i nogat samting


long rot na ol haus lain. Mipela i ken stretim. Tasol samting tru em ol i save giaman mipela stret.  
Mi laik askim ol provinsal na nesenel memba long brukim mani ol i kisim long developim eria bilong ol i go long ol SDA na Sande yut.

Na ol yut bai mekim wok long stretim sindaun long ol haus lain, na tu stretim ol rot em ol pipel i laikim i kamap gutpela.  
Bikos long lukluk bilong mi, maski ol memba i tok ol i gat longpela han, wok bilong ol i save go sot long hap

kona ya. Olsem na larim mipela ol pipel yet i go pas long mekim ol wok kamap. Mipela laikim mani tasol. Em tasol toktok bilong mi.  
**Alex Ayuga GOROKA**

long lukim sampela bekim i kamap long dispela niuspepa. I gutpela sapos ol bikman bilong Mosbi so i kamap na toktok long mi.  
**Leo Koi MOSBI**

## Nogat gutpela samting long Mosbi so



## Sains tisa stori tumas long ragbi

Dia Edita,

Mi wanpela studen bilong Sarakolok skul insait long Wes Nu Briten provins. Mi laik autim wari bilong mi long pablik olsem wanpela sains tisa bilong gred 8 i no save tisim gut ol studen.

Planti taim em save kam leit long klas.

Na tu em i save stori long ragbi tumas long klas wantaim sampela stori nogut.

Mi lukim olsem dispela pasin i no gutpela tumas. Mekim na mipela ol studen i no lainim gut ol samting long klas.

Mi askim nau hetmasta long lukluk i go insait long dispela hevi.

**William Tau**  
Wes Nu Briten provins

## Ol meribungim trabel long so op pasin tasol

Dia Edita,

Mi wanpela manki husat save lukim ol yangpela meri bungim trabel long so op pasin bilong ol yet tasol. Dispela em long pasin bilong ol long putim siot trausis bilong ol man na raun long pablik ples. Ol meri mas putim stret klos laplap bilong ol. Na ol man em siot na trausis i bilong ol. Tasol taim i senis nau. Tasol baksait long het bilong mipela, mipela mas save olsem sampela taim ol kain dresing save bringim hevi long laip bilong mipela yet. Tingim dispela na bihain supim long ol longpela paspas trausis wantaim singles na raun. Mi askim ol man long tokim meri o susa bilong ol tu long lusim so op pasin. Bikos kain pasin i bringim hevi i kam bek long famili. Sapos yu husat susa i laik bekim dispela pas, yu welkam tasol.

**Wramsay Nkava**  
Kapiura Oil Mill

## Maski salim wan wan buai long 10t

Dia Edita,

Mi laik komplem long pasin em sampela hailans manmeri save mekim long Kama na taun maket long Goroka. Mi no amamas long lukim ol yangpela manmeri i salim wanwan buai long 10 toea tasol. Dispela em i no gutpela. Bikos yupela i stilim nating mani bilong ol man. Narapela samting tu we mi no amamas long en em ol hailans manmeri i i no save kaikai buai long stretpela we em mipela ol manmeri bilong nambis save kaikai. Ol save kaikai buai na spet nabaut long pablik ples. Dispela em mi les tru long lukim. Mi no amamas long liklik mekpas stret long kumu we ol save salim long 10 toea. Dispela em long Goroka maket. Ating ples bilong yupela i nogat kumu na buai ya. Olsem na yupela mekim olsem. Traim na senisim pasin bilong yupela liklik.

**Daniel Nasam**  
GOROKA

# Pasin pamuk gro nau long Goroka

Dia Edita,

Mi laik sapatim pas bilong brata William Semo. Pas bilong em i bin toktok long pasin pamuk we i wok long kamap bikpela nau long Mosbi siti.

Yes brata, mi lukim olsem pasin nogut ya i go bikpela tu long Goroka taun.

Na i moa yet long ol meri hailans. Planti bilong ol i save raun long nait na mekim pasin pamuk olsem ol dok i painim bun bilong abus na kaikai.

Narapela samting we yu inap lukim long Goroka taun em ples i wok long go nogut tru. Dispela em bikos long pasin pamuk tasol.

Goroka taun i bagarap long wok nogut bilong sampela lain tasol.

Mi laik askim strong ol dispela yangpela manmeri long Goroka taun long stap isi. Yupela i no pret long sik nogut i kamap long yupela o olsem wanem?

**Daniel Nasam**  
GOROKA

## Nau FM pilaim waitman musik tasol

Dia Edita,


Mi wanpela meri husat i save laikim stret long harim musik olgeta taim.

Tasol ol dispela musik we i save kamap nau i no save stretim laik bilong mi.

Mi rait i kam bikos long Nau FM redio stesin, mi ken tok olsem em ol giaman lain tru ya. Taim stesin i kamap nupela tasol, ol anaunsa i save pilaim klostu klostu stret planti ol lokol musik olsem dispela bilong Sagathons na sampela arapela moa.

Na i pulim interes o laik bilong ol manmeri long laikim dispela nupela redio stesin.

Tasol i go namel long yia na ol i strong long pilaim ol singsing bilong ol waitman tasol, na bilong Afrika. Mipela planti i no wanbel long dispela. Traim na pilaim planti lokol singsing.



Mipela i no ol waitman. Mipela ol Papua Niugini lain. Olsem na moabeta yupela pilim moa PNG

**Locxie MK Bee**  
MADANG

**Sapos yu gat leta yu laik salim kam long dispela niuspepa, plis salim kam long dispela edres:**  
**The Editor**  
**Wantok Niuspepa**  
**P.O. Box 1982**  
**Boroko, NCD.**

## Bia bringim hevi long Sauten Hailans

Dia Edita,

Mi wanpela tisa bilong Katekis Trening Senta long Erave, Sauten Hailans provins. Mi laik autim hevi bilong mi i go long ol memba bilong Palamen. Dispela em hevi bia, na ol arapela strongpela drink bilong spak i save kamapim insait long kantri bilong mipela, Papua Niugini.

Yia 1994 i bin wanpela gutpela yia stret long Sauten Hailans provins. Bikos i gat tambu long spak pasin, sindaun bilong ol pipel i kamap gut tru. Nogat pait pasin i kamap namel long ol

famili. Tude i nogat moa tambu. Mekim na moa hevi i kamap gen. Ol manmeri i no save go tumas long lotu long Sande, we ol save spak tu. Planti birua pasin i kamap gen long ol famili. Plis ol memba bilong mipela long haus palamen. Ritim dispela pas bilong mi na traimekim sampela samting. Nogut sindaun bilong mipela i go bagarap olgeta long dispela Kristen kantri bilong mipela.

**Pais Pala**  
**Kuare**  
**SAUTEN HAILANS**

## Banz na Minj plis save pret

Dia Edita,

Mi sapatim pas bilong brata Nolda Ngalkess em i bin kamap long Wantok niuspepa bilong Me 17, 1995.

Pas bilong brata i toktok long ol plisman long Banz na Minj insait long Westen Hailans provins olsem ol pret lain stret. Taim ol spakman i mekim nabaut ol i no save mekim wanpela samting long stapim ol. Bikos ol i save pret.

Taim ol i go long ol arapela hap o longwe ples, ol bai so op stret long ai bilong ol manmeri.

Sapos yupela ol fit lain, orait, kam long Kundjip na stapim ol spakman. Yupela i mas wok stret na maski long pret na lukluk tasol i stap.

Gavman i salim yupela long stapim trabel. Na i no long mekim wantok sistem pasin long ha.

Mi laikim bai plis bos i sekim gut ol wokman bilong em. Na rausim ol pret lain long plis fos.

**Kipua Owi**  
MADANG

# Rausim Oro for Oro tingting

Dia Edita,

Mi laik makim maus bilong ol Papuan Wari pipel long Oro provins.

Olgeta taim mi save harim ol Oro pipel tok olsem "Oro for Oro".

Mi lukim kain toktok o tingting i no gutpela long developim Oro provins.

Ol Oro pipel i tok olsem na ol yet i no go pas long developim provins bilong ol. Ol save sindaun nating tasol.

Mi lukim olsem ol kam man i kam na developim Oro provins.

I no ol asples pipel. Nogat na nogat tru.

Mekim na laip bilong ol pipel long provins i stap wankain yet olsem long taim bilong

ol tumbuna i kam inap nau.

Nesanel Gavman save givim mani long Oro provinal gavman.

Tasol ol provinsal lida i no yusim gut dispela mani long developim provins.

Mekim na sindaun bilong ol pipel i no senis liklik.

Traim na rausim ol kain tingting bilong griti pasin na mipela olgeta i wok bung wantaim.

Dispela em i wanpela rot tasol bilong developim provins bilong mipela olgeta.

**Danie Gota**  
**Kiri Distrik**  
**Papuan Oro**  
**Oro Provins**

## PREN PEN

Nem: Matilda Abban

Krismas: 23 yias (meri)

Edres: P. O. Box 360 Nurses flats, Oguaa District C/Region, Ghana West Africa.

Save Laikim: Waswas, raun lukluk nabaut long ol ples ausait long taun, autim tok bilong God, pilai volibal na painim gutpela man bilong maritim.

Nem: Cynthia Maculey

Krismas: 21 yias (meri)

Edres: P.O. Box 858, Christ The King Hall, Oguaa C/Region, Ghana, West Africa.

Save laikim: Ritim Baibel, kuk, ol spots pilai, lukim piksa, mekim pren na marit.

Nem: Mathew Gerry

Krismas: 18 (man)

Edres: P. O. Box 737, Lae, Morobe province.

Save laikim: Harim musik, pilai ragbi, raun wantaim ol poro na mekim nupela pren.

Nem: Shelly Lovelong Howell

Krismas: 25 yias (meri)

Edres: P. O. Box 135, Oguaa State (CR), Ghana, West Africa.

Save laikim: Raun, go long disko na musik.

Nem: Lens Sapau

Krismas: 15 yias (man)

Edres: Hanjuwa Community School, Menyamy, Lae, Morobe province.

Save laikim: Ol Baibel stori na singsing lotu, tumbuna stori, raitim pas, salim poto long ol pren, na mekim penpren.

Nem: Isaac Mini


Krismas: 21 (man)

Edres: Gaulim Teachers College, P. O. Box 1343, Rabaul, East New Britain province.

Save laikim: Pilai ragbi, stori, raitim pas, pilai gita na visitim ol poroman.

# ? ORIGIN OF HIV ?

## MUTATION HYPOTHESIS



Group of Retroviruses - all mutating quite rapidly



Famili Plening Asosiesen bilong Papua Niugini

### FAMILI PLENING


Taim mi wantaim meri bilong mi kisim namba tu pikinini bilong mitupela, mi bin wari tru. Mitupela i bin no inap long kamapim sampela moa pikinini long dispela taim. Na mi laikim olsem em i mas-kisim bek strong bilong em.

Watpo na yu no laik raitim pas i go o ringim FPA. Ol i helpim mi wantaim kondom long plening famili bilong mi. Na nau mi amamas Meri bilong mi tu i amamas na famili bilong mi tu i amamas.

Kondom i ken helpim long stopim AIDS/HIV/STD long kalap long arapela manmeri. Yusim kondom long protektim famili na arapela lain bilong yu.

Famili Plening Asosiesen i ken helpim yu. Ring i kam long mipela long tude o raitim pas i kam.

Adres bilong kisim moa toksave o infomesen em:  
PNG FPA P O Box 7123, Boroko, NCD  
Tel: 25 5100 o Fax: 23 0389



(katim na salim i kam bek long mipela wantaim oda bilong yu)

#### KONDOM MEIL ODA FOM


Plis i kam long mi.....kondom  
long 15t long wanpela o.....bokis  
bilong 144 kondom long K8 na potes mani tu.  
(Mipela i orait long postel oda, sekmani o beng draf)

Nem.....  
Adres.....

Insait long ol Ol liklik sain em ol Humen Immun -  
diveloping kantri sain olsem Difisiensi Vaires.  
olsem Papua strongpela kus Wanpela intene-  
Niugini i gat inap long wanpela senel komiti ol i  
tupela nam- mun, skin sikirap long  
abawan sain na na ol liklik bukuk "International  
wanpela liklik sain bai kamap nobaut. Committee of  
bilong sik Eids Amerika i bin givim dispela  
namel long ol painim dispela sik nem.  
bikpela manmeri. long 1980 na  
Dispela tupela long 1980 na Dispela binatang  
namabawan sain Inglen i bin painim  
em olsem sapos long 1981. Long HIV i save stap  
wanpela i kisim 1983, Frens i bin insait long bodi  
sik Eids, em bai painim dispela insait long blut  
lusim skin nating. binatang i save bilong ol man na i  
Na em bai pekpek kamapim dispela save kilim ol liklik  
wara na kisim sik sik Eids. Na long binatang insait  
olsem skin hot Mei 1986 ol i bin long bodi husat i  
inap long wanpela givim nem bilong save helpim bodi  
mun. dispela binatang long rausim ol sik.  
olsem HIV o Taim ol HIV



**? ORIGIN of HIV ?**



binatang i kilim dispela olgeta binatang bai bodi bilong dispela man o meri bai i no nap strong moa. Taim em i kisim sik bai bodi bilong em i no nap helpim rausim dispela sik. Dispela HIV binatang i ken bakarapim ai na bren bilong ol man. Na i ken wokim ol man i kamap ai pas.

Yumi mas save olsem taim yu go long haus sik na yu pai in aut olsem yu gat dispela binatang HIV, em i no min olsem yu gat Eids. Sapos wanpela i gat dispela HIV na long wankain taim em i gat wanpela sik we ol lain i gat Eids i save kisim, em i min olsem dispela man nau i gat

Eids. Na em i mas go long haus sik long sekup. Taim yu gat HIV binatang, yu ken givim Eids long ol narapela man na meri. Tasol yu yet bai yu nogat Eids inap long sampela yia bihain dispela binatang i ken kamapim dispela sik

# BUK BILONG OL SEVISTIS

## ELECTRONIC

**PAPA BILONG OL TV SAPOS TV BILONG YUPELA I BAGARAP SEKIM WANTAIM MIPELA**

O KAM NA LUKIM MIPELA LONG OLGETA LEKTRIK SAMTING YU LAIKIM.

- SPARE PARTS ■ TOOLS ■ EQUIPMENT
- REPAIRS TO T.V.'S, RADIOS, ETC.

Map labels: MARKET, WARD'S RD, SPRING GARDEN RD, HONIOLA POLICE STATION, NEW SHELL SERVICE STATION, DICK SMITH.

P.O. BOX 3572 BOROKO, N.C.D. PHONE 25 1952 FAX: 25 4743

## HAIR & BEAUTY

**TREND'S**

We wholesale retail large range of black hair & beauty products. We also sell hair pieces, hair equipment.

Ground Floor  
Land Mark Building  
Reke St Boroko  
Phone/Fax: 255894  
PO Box 3239 Boroko

## PLUMBING & MAINTENANCE

**CLEARWATER PLUMBING LTD.**

CONTRACTORS & MAINTENANCE SERVICES

FOR ALL YOUR PLUMBING NEEDS

CONTACT:-  
PH; 25 8492  
FAX/PH: 323 3472

QUALITY SERVICE AT REASONABLE RATES

## SIGN WRITING

**PUNSIU SIGNWORKS**

Signs on cars, trucks, buses, billboards, notice boards.

Phone: 45 7813

## REFRIGERATION & AIRCONDITIONING

**FOR FAST GOOD QUALITY SERVICE**

Call Bata's refrigeration, airconditioning & appliance service on Telephone:  
**25 8074** or Fax: **25 8588**

## TIMBER SALES

**TRANSWORLD TRADING (PNG) PTY LTD**  
The Blue Truck Timber Company  
Dia Kastoma,

Mipela i redi long wokim whole-haus baim bilong yu.

Dispela i min olsem mipela bai bringim ol timba, post, nil, ain na ol arapela samting bilong sanapim haus.

Insait long Mosbi yet, mipela no inap sasim kos bilong ka. Ol ples autsait long Mosbi, kos i no dia.

Na sistem i wok olsem: Yu baim. Na bai mipela kisim olgeta samting long haus bilong yu kam.

Ringim mipela long telipon na feks namba **25 5314** (Erima Timber Yard)

## SECONDHAND CLOTHING

**TOP GRADE PAYLESS**

New bales just arrived. Why pay more when you can PAYLESS @ payless. Special on Brown Bales from K3 per kg (160 kgs to 200 kgs).

Household, shoes & toys also available, limited stock. 50 kgs mixed bale @ K165. Only with Lucky Draw. Phone 25 1477 Fax: 23 2895

Location: Opp. Hiritano Electrical next to Gaby Fashion Varaha St., Gordons

Empty advertisement space.

Empty advertisement space.

Empty advertisement space.

Empty advertisement space.

**Yu ken edvetais hia long K10 tasol long wanpela wik. Long painimaut moa long dispela, ringim Augustine, Jack or Joe long telipon namba 25 2500.**

**PORT MORESBY SOCCER ASSOCIATION  
SOCCER DRAW - WEEK EIGHT  
SATURDAY JUNE 17, 1995.**

TIME	FIXTURES VS BISINI 1	FIXTURES V BISINI 2
7.00	K/Andra v	FBH Defence (U/19)
8.00	K/Andra v	Sobou (PR)
9.00	Eastenders v	Bilawawa (D2)
10.00	Tarangau v	G/High (W2)
11.00	Golo v	University (PR)
12.05	Babaka v	Wanzesi (D1)
1.10	Y/Pages v	LSC (W1)
2.15	Koupa v	PTC (PREM)
3.35	Moukasi v	Guria (PREM)
5.00	STC v	PS Roots (D1)

TIME	FIXTURES VS BISINI 2
7.00	E/United v
8.00	FBH Defence v
9.00	Katamani v
10.00	B/Kumuls v
11.00	Momase v
12.05	C/Bay v
1.10	Moukasi v
2.15	Golo v
3.35	L/Biscuit v
5.00	Batisalam v

**SUNDAY JUNE 11, 1995**

7.00	Momase v	Uni (U.19)
8.00	B/Kumuls v	GFC (PR)
9.00	Buresong v	PS Roots (D2)
10.00	STC v	PS Roots (W2)
11.00	Amaz/Bay v	Murat (D1)
12.05	GFC v	Sunam (W1)
1.10	Guria v	FBH Def (W1)
2.15	K/Andra v	Sobou (PREM)
3.35	Momase v	Hoods (PREM)
5.00	Tarangau v	Hoods (D1)

7.00	Moukasi v	PTC (U.19)
8.00	Koupa v	PTC (PR)
9.00	Masters v	Batu Bros (D2)
10.00	Keezsang v	Murat (W2)
11.00	Keweh v	Y/Pages (D1)
12.05	K/Andra v	Waliya (W1)
1.10	Sobou v	Uni (W1)
2.15	B/Kumuls v	GFC (PREM)
3.35	Defence v	E/United (PREM)
5.00	Waliya v	M/Rangers (D2)

**SUNDAY JUNE 18, 1995**

TIME	FIXTURES VS BISINI 1	FIXTURES V BISINI 2
9.00	Cyclone v	GFC (U/19)
10.00	De La Salle v	Golo (U/19)
11.00	B/Kumuls v	Rapatona (U/19)
12.00	Moukasi v	Guria (U/19)
1.00	Magi Rangers v	Koupa (U/19)
2.00	Nasemo v	SB Boomers CW2)
3.00	PTC v	Club Eastern
4.00	Cyclone v	Club Eastern (D2)

**LAHI SOCCER ASSOCIATION  
WEEKEND DRAWS**

SAT: 17/6/95  
Venue: Sir Ignatius Kilage Stadium

Time	Division	Fixtures	Referee
9.00	under 19	Kurti Andra vs Guria	Steven Baite
10.00	under 19	Mairipo vs Gam	Mark Gamun
11.00	women	Tosin vs Asiawe	Samson Selko
12.00	women	Sobou vs Rapatona	Simon Mang
13.00	women	Defence vs Guria	Terence Panigh
14.00	under 19	Tosin vs Asiawe	Ray Bewa
15.00	division 1	Tosin vs Sunkist	Elo Memeleng
Sun: 18/6/95			
10.00	under 19	Sobou vs Sikambu	Maga Angs
11.00	women	Kurti Andra vs Mairipo	Robert Apisan
12.00	women	Gam vs Gaziga	Daniel Kans
13.00	women	Elcom vs Sunkist	Charles Pando
14.00	division 1	Gam vs Avetau	Caspav Wangi
15.30	division 1	Sikambu vs Lae Biscuit	Bobby Memeleng

**LAE WINFIELD LEAGUE DRAWS  
(Round Seven For Seniors And Round Four For  
Coca-Cola Juniors)**

Time	Division	Team	Vs	Team
Saturday June 17, 1995.				
Outside Ground				
9.00am	U17	Brothers	vs	Defence
Inside Ground				
9.00am	U17	Royals	vs	Tarangau
10.00am	U19	Panthers	vs	Spiders
11.00am	B	United	vs	Tarangau
12.30pm	B	Royals	vs	Tigers
2.00pm	B	Panthers	vs	Defence
3.30pm	A	Royals	vs	Tigers
Sunday June 18, 1995.				
Outside Ground				
9.00am	U19	United	vs	Tigers
Inside Ground				
9.00am	U19	Brothers	vs	Defence
10.00am	U19	Royals	vs	Tarangau
11.00am	B	Brothers	vs	Spiders
12.30pm	A	Panthers	vs	Defence
2.00pm	A	United	vs	Tarangau
3.30pm	A	Brothers	vs	Spiders

**PORT MORESBY NETBALL ASSOCIATION DRAW**

June 17-18 Draw

Court	Time	Team	Vs	Team
<b>Golden Oldies - Week Nine - First Round</b>				
Court 1	12.00	Konepoti	vs	Raukele
Court 3	12.00	Raiowai	vs	F/Bake Mermaids
Court 4	12.00	Air Niugini	vs	Mobil Rakaone
Court 5	12.00	Paramana	vs	Lotto Telstars
<b>Division One - Week Eight - First Round</b>				
Court 2	10.30	TST Kempa	vs	F/Bake Mermaids
Court 2	11.45	Lotto Telstars	vs	Mobil Rakaone
Court 2	1.00	Leo Woo Rebels	vs	Shell BB Kings
Court 2	2.30	Raukele	vs	Raiowai
Court 2	4.00	City Sparrows	vs	Paramana
<b>Division Two - Week Nine - Second Round</b>				
Court 3	1.00	City Sparrows	vs	Kawaimini
Court 3	2.00	TST Kempa	vs	Shell Premix
Court 3	3.00	Golo	vs	Leo Woo Rebels
Court 3	4.00	Lotto Telstars	vs	Konepoti
<b>Division Three - Week Nine - Second Round</b>				
Court 1	1.00	Konepoti	vs	Trixies
Court 1	2.00	4 H Delight	vs	F/Bake Mermaids
Court 1	3.00	Raiowai	vs	TST Kempa
Court 1	4.00	Raukele	vs	4 S Devils
<b>Division Four - Week Nine - First Round</b>				
Court 4	1.00	Winfield Raiders	vs	Shell BB Kings
Court 4	2.00	Street Scene	vs	Inter Seafish
Court 4	3.00	Paramana	vs	F/Bake Mermaids
Court 4	4.00	4 H Delight	vs	Waigani Crushers
Bye: Keakalo Veau'ava				
<b>Division Five - Week Nine - Second Round</b>				
Court 5	1.00	Gavuone	vs	Yellow Pages
Court 5	2.00	Golo	vs	Pelagai
Court 5	3.00	Kiros	vs	KYC
Bye: Rainbow				
<b>Division Six - Week Nine - Second Round</b>				
Court 6	1.00	Raiowai	vs	Paramana
Court 6	2.00	Atamasen	vs	Kiros
Court 6	3.00	Hall Sound	vs	Hi Lift
Court 6	4.00	Luuri	vs	Trixie
<b>Division Seven - Week Nine - Second Round</b>				
Court 7	1.00	Aviat	vs	Shell Premix
Court 7	2.00	Port Services	vs	BNG
Court 7	3.00	Mona	vs	Keakalo Veau'ava
Court 7	4.00	Kawaimini	vs	PTC
<b>Division Eight - Week Eleven - Second Round</b>				
Court 8	1.00	Hugo Cannery	vs	Johnston's Pharmacy
Court 8	2.00	Dept Of Health	vs	Waigani Crushers
Court 8	3.00	High Lift	vs	Luuron
Court 8	4.00	Korobosea	vs	Imuty Gaguaus
<b>Division Nine - Week Nine - Second Round</b>				
Court 9	1.00	Lotto Telstars	vs	Port Services
Court 9	2.00	Murray Wantoks	vs	Delepou
Court 9	3.00	Atamasen	vs	Pewaila
Court 9	4.00	Mona	vs	City Dogs
<b>Division Ten</b>				
Court 10	1.00	Forennaz	vs	Casuwarina
Court 10	2.00	TYG	vs	Pewaila
Court 10	3.00	Winfield Raiders	vs	Johnstons Pharmacy
Court 10	4.00	Hall Sound	vs	BNG
<b>Division Eleven</b>				
Court 11	1.00	Aviat	vs	Hugo Cannery
Court 11	2.00	Imuty Gaguaus	vs	Forennaz
Court 11	3.00	Delepou	vs	Mokosoi
Bye: Philip Aravure				
Note: All washed out games for April 22, 1995 must be played on Sunday June 18 draws are on notice board at netball courts. If your team won't be available please arrange for another time. Please call me (Iga) at netball office for more information.				

**CENTRAL RUGBY LEAGUE**

DATE: 17/6/95

VENUE: SIR HUBERT MURRAY SATIDUM

ROUND 11

Times	Team	vs	Team	Grade
8.30	Mirikuro Bulldogs	vs	Eholasi Eels	B
9.35	H Hawks	vs	K Panthers	A
10.50	Roky Rokuna	vs	Hiri Tigers	A
12.05	Seida Raiders	vs	Koita Cowboys	A
1.20	Mirikuro Bulldogs	vs	Eholasi Eels	A
2.35	Muko United	vs	Buria Reds	A
3.50	Boera Sailors	vs	B/Wallabies	A

**OUTSIDE OVAL NO: 1**

8.30	Roku Rokuna	vs	Hiri Tigers	B
9.35	Muko United	vs	Buria Reds	B
10.40	Boera Sailors	vs	B/Wallabies	B
11.45	Seida Raiders	vs	Koita Cowboys	B
12.50	H Hawks	vs	K Panthers	B

**OVAL NO: 11**

8.30	Boera Sailors	vs	B.Wallabies	U21
9.15	Seida Raiders	vs	Koita Cowboys	U21
10.00	Muko United	vs	Buria Reds	U21
10.45	Mirikuro Bulldogs	vs	Eholasi Eels	U21
11.30	H. Hawks	vs	K Panthers	U21
12.15	Roku Rokuna	vs	Kiri Tigers	U21

**KONE TIGERS OVAL**

18/6/95

ROUND 11

8.15	A.Warriors	vs	K. Lagava	U21
9.00	H.Knights	vs	B. Eagles	U21
9.45	St.Pauls Eten	vs	K. Boars	U21
10.30	A.Warriors	vs	K. Lagava	B
11.35	H.Knights	vs	B. Eagles	B
12.40	St.Pauls Eten	vs	K. Boars	B
1.45	H.Knights	vs	B. Eagles	B
3.00	St.Pauls Eten	vs	K. Boars	B
4.15	A.Warriors	vs	K. Lagava	B

**CAPITAL BASKETBALL LEAGUE**

ROUND 2 WEEK 8 DRAW

JUNE 18 1995

**MEN & WOMEN'S "A" RESERVE**

8.00am	Chiefs	v	Chariot	WA
8.30am	Chiefs	v	Chariot	MA
9.00am	Jokers	v	Bankers	WA
9.30am	Jokers	v	Bankers	MA
10.00am	Exodus	v	Huon Stars	WA
10.30am	Exodus	v	Huon Stars	MA
11.00am	Victa Jets	v	Don Bosco	WA
11.30am	Victa Jets	v	Don Bosco	MA

**MEN & WOMEN "A" RESERVE**

12.00pm	Chiefs	v	Chariot	WA
1.00pm	Chiefs	v	Chariot	MA
2.00pm	Jokers	v	Bankers	WA
3.00pm	Jokers	v	Bankers	MA
4.00pm	Exodus	v	Huon Stars	WA
5.00pm	Exodus	v	Huon Stars	MA
6.00pm	Victa Jets	v	Don Bosco	WA
7.00pm	Victa Jets	v	Don Bosco	MA

**SYDNEY RUGBY LEAGUE**

LAST WEEK'S RESULTS

Western Suburbs	26	Gold Coast	16
Canberra	50	Parramatta	12
Sydney Bulldogs	22	Sydney City	14
Cronulla	34	North Queensland	10

**PREMIERSHIP TABLE**

	W	D	L	F	A	Pts
MANLY	11	-	-	325	92	22
CANBERRA	11	-	1	289	127	22
NEWCASTLE	10	-	1	351	176	20
BRISBANE	9	-	2	242	148	18
CRONULLA	8	-	4	269	137	16
WESTS	8	-	4	297	244	16
BULLDOGS	7	-	5	219	185	14
SYD CITY	7	-	5	254	221	14
Norths	5	-	6	311	164	10
Penrith	5	-	6	257	215	10
Auckland	6	-	5	289	267	10
St George	4	-	7	226	218	8
Tigers	4	-	7	179	267	8
W Reds	4	-	7	149	320	8
Illawarra	3	1	7	218	269	7
S Qld	3	1	7	141	259	7
Parramatta	3	-	9	182	353	6
Gold Coast	2	-	10	198	357	4
Souths	2	-	9	169	330	4
N Qld	1	-	11	146	362	2

Auckland deducted two points for breach of replacement rule

**THIS WEEKEND'S DRAWS**

FRIDAY

St George	v	Newcastle at Adelaide Oval.
Western Reds	v	South Sydney at WACA Ground

SATURDAY

Sydney Tigers	v	South Queensland at Parramatta Stadium
---------------	---	--

SUNDAY

Manly	v	North Sydney at Brookvale Oval
Auckland	v	Penrith at Ericsson Stadium,
Brisbane	v	Illawarra at ANZ Stadium

**PORT MORESBY AMATEUR BASKETBALL  
ASSOCIATION DRAW**

Hohola Courts


Saturday June 17, 1995.

Court No. 1	Time	Team	Vs	Team	Division
1.00	AEK	vs	Poleambu	Women	
1.45	Hongiri	vs	Rebels No. 2	Men	
2.30	Souths	vs	Hawks	Men	
3.15	Black Sambo	vs	Tarangau	Men	
4.00	PSTC	vs	Medics	Men	
4.45	Rebels No. 1	vs	Elcom	Men	

Court No. 2	Time	Team	Vs	Team	Division
1.00	JV Sisters	vs	Laloki	Women	
1.45	Tarangau	vs	PSTC	Women	
2.30	Black Sambo	vs	Souths No. 2	Women	
3.15	Rebels No. 2	vs	Young Kombas	Women	
4.00	Bankers No. 1	vs	Rebels No. 1	Women	

Sunday June 18, 1995.

Court No. 1	Time	Team	Vs	Team	Division
1.00	Teachers No. 2	vs	Zunet	Women	
1.45	AEK	vs	Pari No. 2	Men	
2.30	Kadeboro HWay				




Lephan • Richard Songo bilong GFC i traim long rausim bal wanpela pilaia bilong Kurti Andra.

Raithan • Pilaia bilong ANG Souths Ragbi klab bilong Mosbi i ron strong wantaim bal long taim ol i bung Paga long las wiken.


Daunbilo • Air Niugini Souths tim i redi long pilai long mein gem wantaim ol Paga insait long Mosbi.

Ol poto:  
**IVAN BAYAGAU**



• Goal shooter bilong Raukele i laik traim skoarim wanpela poin bilong tim bilong em .Raukele i bin winim ol Mermaid long dispela pilai.

• GFC pilaia I laik wokim stail bilong em i yet namel long graun. Moa long dispela kain stail bai kamap long dispela wiken.

**FRENCHBAKEHAUS**  
  
 • CAKES  
 Weddings & Birthdays  
 Our speciality  
 25 1266 Pom  
 42 5349 Lae

PROVINSAL

# SOKA NIUS

**FRENCHBAKEHAUS**  
  
 • CAKES  
 Weddings & Birthdays  
 Our speciality  
 25 1266 Pom  
 42 5349 Lae

## Hevi bilong Mune stapim Yuni long winim Guria

### 1995 Nesenel Klap sempionsip ripot

#### YAKAM KELO i raitim

SOKA straika bilong Papua Niugini, Steven Mune i bin kisim rêt kat long gren fainal bilong Nesenel Klap sempionsip long Lae las wiken egen-sim Mosbi Guria.

Na dispela i daunim sans bilong em long helpim Mosbi Yuni i winim Guria. Olsem na tupela i dro 1-1 bihain long ekstra taim. Ples i tudak na ol opisal i stapim gem. Gren fainal bai kamap long Mosbi long sampela taim bihain.

Long gren fainal long Lae, senta referi, Paul Pondo i salim Steven Mune i go ausait long fil we i givim bikpela hat taim tru long Yunivesiti long winim gem egens Guria, husat em i olupela sempion bilong dispela tonamen inap 9-pela krismas nau.

Straika bilong Yunivesiti, Hanz Gewabing yet i mekim-save long traime brukim strongpela banis bilong Guria we Adam Lema, Zara, Michael Baungi na Charlse Api i sanap strong na banisim gut umben.

Tupela Mosbi tim yet i bung long gren fainal na insait long 15 minit bilong pilai, Steven Mune i kisim rêt kat long pilai krangi liklik long ol boi Guria. Em i bin kisim yelo kat pastaim

na bihain rêt kat.

Long sait bilong Guria, Peter Wanis na Eric Petrus i kisim yelo kat.

Yunivesiti i holim gut bal na skelim gut long traime brukim banis bilong Guria. Tasol fowat lain bilong Yuni i no wok gut. Bikos Mune i no stap long lukautim na strongim pilai.

Long namba wan hap bilong pilai, nogat skoa i bin kamap. Bikos golkipa, Ronald Simon bilong Guria na Francis Kupe bilong Yuni i wokhat na sevim planti gol kik i kam long ol winga na midfil pilaia.

Long namba tu hap bilong pilai, Guria i stat winim bal na holim bal insait long gol eria bilong Yuni. Peter Wanis i kisim tupela gutpela kik tasol Francis Kupe i sevim. Eric Petrus i go ausait long fil na Eli Mali i go insait. Em i kisim wanpela kik tasol bal i go antap long golmak. Sapos bal i go insait long umben, gol ya inap helpim Guria long winim gem.

Hanz Gewabing bilong Yuni i go ausait long fil na olupela PNG straika, Komok Jem i go insait.

Guria i opim namba wan gol taim Adam Lema i kisim wanpela fri kik. Em kikim i go long Loise Eki na Eki i salim i go long George Yambre, we



• Steven Mune long fran wantaim bal i soim stail long Mosbi soka resis. Referi salim em i go ausait long fil na bagarapim sans bilong Yuni long winim Guria.

George i salim bal i go pas stret long umben bilong Yuni.

PNG midfilda, Demond Waku i pulim sapot bilong ol manmeri taim em i wokim ol stail bilong em wantaim bal. Desmond i ronim wanpela bai i go abrusim Charlse Api na Salim i go pas long het bilong Komok Jem, na em skorim gol.

Tupela tim wantaim i dro 1-1 long futaim na long ekstra taim, tupela mekimsave gen tasol nogat skoa i kamap.

Ples i go tudak olsem na ol opisal bilong Lahi Soka Asosiesen, husat i ogenaisim sempionsip i stapim gem. Guria na Yuni bai bung long bihain na pilai gen.

Wes tim bilong LFA i kamap namba tri, bihain long em i autim tiket bilong Iru, wanpela tim bilong Kaiapit long trobe provins. Ol boi Iru i wan long penelti kik, bihain long pas long skoa 2-2 long ekstra taim.

#### Gem bilong ol meri

Long resis bilong ol meri, ol meri Waliya bilong Lae utbal Asosiesen (LFA) i autim tiket bilong ol meri Mosbi, 2-1 long ful taim na kamap sempion bilong ol meri long 1995 Nesenel soka klap sempionsip.

Ol meri bilong Guria Goroka i kamap namba tri taim ol i autim tiket bilong Luteran Yut Enga 2-1 long ful taim.

## Wewak em nupela sempion bilong Momase rijon

GUTPELA na klapela pilai bilong Wewak tim i mekim em i winim strongpela salens bilong ol yangpela blut bilong Vanimo Kantri 2, na win 2-0 long ai bilong planti manmeri insait long Vanimo long las wiken. Tupela tim ya i bin bung long gren fainal bilong Momase Rijonal soka sempionsip.

Wewak i gat biknem long soka tu long nesenel sempionsip. Olsem na em i painim hevi long winim olgeta pilai bilong em long dispela 4-pela de tonamen long Vanimo, em i bin stat long las wik Fraide, na i pinis long Mande.

Tonamen i pulim 11-pela tim i kam long Is Sepik provins na Sandaun provins. Is Sepik i gat tupela tim, em long Wewak yet na Maprik i makim Sepik Kantri.

Sandaun olsem asples bilong tonamen i gat 9-pela tim olgeta i pilai. Vanimo i gat tripela, Aitape i gat tupela, Nuku i gat tupela na wanpela tim i kam long Lumi. Lae na Madang i no bin kamap long dispela tonamen.

Opisal opening i bin kamap long Fonde Jun 8. Na ol tim stat brukim

#### STAN RANGA i raitim

bun long pilai long Fraide namba 9 de i go inap mesa semi fainal long Mande Jun 12. Maski Lae na Madang i no kamap, tonamen komiti i no bungim wanpela hevi. Ol i go het na ranim gut tru dispela bikpela soka pilai wantaim gutpela na trupela spirit bilong pilai.

Foapela tim i pilai gut na go stret long ol mesa semi fainal long Mande. Ol tim ya long pul A em Vanimo Kantri 2 na Maprik. Long pul B em Wewak na Vanimo taun tim. Namba wan fainal gem em long top tim bilong pul A, Vanimo Kantri 2 i putim moa pawa, na ol i sot kat long ol boi bilong Vanimo taun tim, 2-1. Na go stret long gren fainal.

Nambatu fainal i stap long lida bilong pul B, Wewak, husat i rausim trausis bilong ol wantok bilong ol, Maprik 2-0. Dispela pilai i paia lait stret we tupela tim bilong ol wara i soim stail bilong soka stret long ol boi Sandaun.

Planti manmeri ai op na kaikai tit stret, taim ol mangi nogut bilong Maprik i holim pasim gut tru ol boi Wewak long strongpela salens gem stret. Tasol bihain long 20 minit long ful taim, Wewak i stat long meknais long umben bilong ol makau bilong Wara ya, Maprik wantaim tupela gol long winim dispela pilai.

Bikpela kik bilong gren fainal i bin ron gut tru long apinon. Bikossan i no moa lait strong. Olsem na Kantri 2 tim bilong Vanimo i putim strongpela salens wantaim Wewak. Bikos Wewak i gat ol pilaia we i save pilai long ol bikpela tonamen na senta, ol wilwilim gut tru ol yangpela blut ya.

Long Vanimo, Kantri 2 beklain swipa, David na Steven Tekwie na liklik Jonathan Deklin i putim gutpela was tru long ol bikpela fowat bilong Wewak. Ol mekim planti wok tru. Bikos Wewak i wok long paiarim moa pawa bulet bilong gol. Fowat lain na midfil pilaia bilong Wewak i lukautim na ranim planti bal. Olsem na ol i autim ol yangpela boi ya.

## Ol Momase referi yusim yet olupela yunifom

#### ELIZABETH LENY i raitim

DISPELA yia bai makim namba 5 yia taim Haus Bilas i bin stap na ol referi bilong Mamose rijon i save baim yunifom bilong ol.

I kam inap nau ol dispela ol referi i nogat gutpela yunifom bilong putim na lukautim ol gem long wiken. Dispela em i wari bilong wanpela sinia referi insait long Lae, nem bilong em Valentine Bandi.

Em i tok dispela ol yunifom ol i bin baim long 5-pela yia i go pinis i wok long bruk buruk long bodi bilong ol. Na i no moa gutpela long yusim. Bihainim dispela, em i tok planti referi i save baim yunifom bilong ol yet long stua. Na dispela em i no ol yunifom tru.

Mista Bandi i tok ol referi i no save luk gut taim ol i werim dispela ol klos nating na go aut long fil long lukautim ol pilai.

Dispela em i tok i soim olsem level bilong dispela kain samt-ing insait long Momase rijon, na tu insait long kantri i daunbito tru.

Mista Bandi i tok em i bilip olsem ol arapela rijon na provins tu i wok long bungim wankain hevi. Tasol ol i no laik toktok.

Em i tok dispela em i wanpela bikpela hevi long sait bilong ol soka asosiesen insait long Momase rijon. Na em i tok em i taim nau ol nesenel soka bodi olsem Papua Niugini referi Asosiesen na Papua Niugini Futbol Asosiesen (PNGFA) i lukluk long dispela hevi bilong ol. Na painim wanpela gutpela sponsa husat i ken odarim dispela ol yunifom na ol i ken baim. Dispela ol yunifom i wankain yunifom olsem ol i wok long werim nau yet. Nau yet em i tok i nogat sponsa. Na i nogat gutpela hap bilong baim dispela ol yunifom.

# Kas bilong Wewak wan na tu

**GODFRIED  
YASSAFAR i  
raitim**

IS Sepik Provinsal Volibal Tonamen, we i bin kamap long las wiken (Jun 10-12) aninit long het tok "Sepik Spirit 95" i bin kamap na pinis wantaim bikpela amamas na wanbel pasin.

Arapela samting tu i olsem nogat wanpela birua, hevi na trabel i bin kamap long taim bilong tonamen.

## Tonamen

Long dispela tonamen we Wewak Volibal Asosiesen na Faundesen i oganaisim, Wewak tim wan (1) bilong ol man na Wewak tim tu (2) bilong ol meri winim sil.

Wewak tim wan i winim sil long divisen bilong ol man taim em i go insait long gren fainel wantaim Kanauki tim bilong ol man. Na Wewak tim tu bilong ol meri winim sil taim em i go insait long gren fainel wantaim Wewak tim wan bilong ol meri.

Long divisen bilong ol man, Kanauki kisim namba

tu ples. Na long divisen bilong ol meri, Wewak tim wan i kisim namba tu ples.

Namba tri ples i go long Wewak tim tu bilong ol man na tim bilong ol meri long Rofu Kantri. Na long sait bilong namba foa (4) ples, tim bilong ol man long Rofu Kantri na tim bilong ol meri long Wewak Lokol i kisim.

Ol spesel awod, brens bilong Bisnis Sistem long Wewak i givim 4-pela, Marani Treding i givim 4-pela na Wewak Yunivesiti Senta i givim arapela 4-pela.

Ol spesel awod Bisnis Sistem i givim em: (1) Gutpela pilaia bilong tonamen long divisen bilong ol man. Thomas Kari bilong Wewak tim wan i kisim dispela awod. (2) Gutpela pilaia bilong tonamen long divisen bilong ol meri.

## Awod

Tessy Along bilong Wewak tim tu i kisim dispela awod. (3) Top pilaia awod bilong tonamen long divisen bilong ol man i go long Edward Urima bilong Rofu Kantri.

(4) Top pilaia awod bilong tonamen long divisen bilong ol meri

go long kepten bilong Maprik.

Marani Treding i givim aut trofi long: Tim bilong tonamen i go long tim bilong ol man bilong Biem Ailan na tim bilong ol meri bilong Maprik. Arapela tupela trofi, Marani Treding i givim long spaika bilong tonamen. Long divisen bilong ol man, Berry bilong Kanauki kisim dispela awod. Na long divisen bilong ol meri, Margaret Tapello bilong Wewak tim wan i kisim trofi.

## Top pilaia na top tim

Yunivesiti Senta i givim trofi long top difens pilaia na top tim. Long sait bilong top difens pilaia, Tony Ramukia bilong Maprik i kisim trofi long divisen bilong ol man. Na long divisen bilong ol meri, Anna Firahi bilong Rofu Kantri kisim. Top tim awod i go long tim bilong ol man bilong Maprik na tim bilong ol man na bilong ol meri bilong Wewak Lokol.

## Sponsa

Pedron bilong Wewak Volibal Asosiesen, Michael

Malenki sponsaim tupela sil bilong tupela tim (man/meri) i winim gren fainel. Provinsal memba bilong Wewak Taun konstituensi, Laura Martin i sponsaim ol trofi bilong ol tim husat i kamap namba tu, namba tri na namba foa long tonamen.

## Tenkyu na amamas


Siaman bilong Wewak Volibal Faundesen, Anton Sakarai givim bikpela tenkyu na amamas i go long olgeta lokol bisnis oganaisesen insait long provins husat i givim helpim na sapot long sait bilong mani na tu ol arapela samting.

Sakarai tok dispela tonamen i bin kamap na pinis wantaim bikpela amamas bikos long sapot na helpim bilong ol dispela lain. Sapos nogat, tonamen i no sapos long kamap na pinis long we ol i laikim.

Em i givim tu bikpela amamas bilong em wantaim ol opisal bilong em i go long olgeta tim, pilaia, ol lain husat i helpim long stretim ol samting na oganaisim tonamen.



• Primia tim bilong Madang soka resis, Momase.



• Madang Blues, wanpela strongpela tim bilong Madang soka resis.

## 'Tekwie Shield' tonamen long Septemba

**STAN RANGA i raitim**

RIJINOL memba bilong Sandaun na Vias Minista bilong Fainens na Plening, John Talu Tekwie i givim pinis wanpela bikpela soka sil o tropi bilong lukautim Sandaun provinsal soka tonamen i go long oganaising komiti. Dispela sil bai ol i kolim olsem 'Tekwie Sil' na i bilong pilai soka. Na wanwan tim bilong olgeta distrik long Sandaun bai pilai resis long Sandaun soka tonamen long winim dispela sil.

Namba wan tonamen bai kamap long mun Septemba, 1995. Dispela em long namba 16 de long makim 20 independens bilong Papua Nlugini.

Dispela i wankain olsem 'Stack na Somare Sil', em ol i save pilai long winim.

Mista Tekwie i tok em i laik traim kirapim mak bilong pilai soka long Sandaun i go wankain olsem ol arapela senta long kantri. I luk olsem soka long Sandaun i wok long go daun long wanwan yia. Bikos ol bisnis kampani na grup wantaim gavaman i no luksave long dispela pilai, we i kamap bikpela long wol tude, Tekwie i tok.

Mista Tekwie i tokim ol manmeri, ol soka pilaia, oganaising komiti bilong Momase soka tonamen, na sampela bikman bilong gavaman na ol praiwet kampani olsem long taim bilong givim ol tropi na prais i go long ol tim i stap kik long Momase tonamen long Mande nait long Vanimo.

Vais Minista i tenkim siaman bilong Oganaising Komiti bilong tonamen, Gerald Gubon long bikpela hatwork

komiti bilong en i mekim long redim ol samting i kamap gut long dispela pilai. Na bikpela tok amamas bilong em i go long ol senta i kam kik long tonamen. Em i givim bikpela amamas na bikpela tok tenkyu long Primia bilong Sandaun, Peien Alotich na gavman bilong em long gutpela sapot ol givim long oganaising komiti long ranim dispela pilai.

Em i go het na i toktok tu long givim sapot bilong em long wok o kirapim wanpela gutpela soka stadium wantaim ol arapela samting long Vanimo. Em i tok dispela bai helpim Sandaun long lukautim dispela Tekwie Sil tonamen.


## Tekwie no amamas long Lae na Madang

Nau yet Mista Tekwie i no amamas tu long pasin Lae na Madang i soim long i no kamap long dispela tonamen. Em i bin kros tru na i askim Oganaising Komiti long kamapim gen dispela tonamen long Vanimo long yia bihain. Dispela bai larim ol ausait tim i mas tromoi mani long go pilai long Vanimo. Em i tok dispela bai wankain bikos Vanimo long ol tonamen i go pinis i wok long salim tim bilong em i go long ol ausait provins, maski em i sot long mani bilong salim tim. Minista i no lukim wanpela as tupela biknem senta long rijon, Madang na Lae i no bin stap long tonamen.


Mista Tekwie ibin baim na givim planti tropi na prais i go long Momase rijonal tonamen.



• Kas bilong Busu basketbal tim husat i bin soim stail bilong ol long Nesanel basketbal sempionsip long Lae las wiken.



**LEPHAN :**  
Hapbek bilong  
Kiunga i kisim  
"man of the  
match" awod.



**RAITHAN**  
No.8 bilong  
Tabubil Jack  
Lapulu i bin  
winim best of  
the player bilong  
Tabubil tim

**RAITHAN:**  
Kiunga tim wantaim ol opisals bilong ol i sanap long  
kisim poto. Ol i bin pilai egens Tabubil long amamsim  
Kwins betde wiken.




Kiunga ragbi lig poto:  
**IAN KAKARERE**  
i kisim




**RAITHAN :**  
Poto i soim Eric  
Yawas tim  
kepten bilong  
Tabubil i holim  
Morrie Stuart sil  
taim ol i winim  
Kiunga long  
kwins betde  
w i k e n .

**LEPHAN :**  
Tabubil tim i  
sanap long kisim  
poto bipo ol i bin  
bungim Kiunga  
long Kwins  
betde wiken.



# WANTOK SPOTS



## Lake Murray pilaia kisim bagarap long fil na indai

WANPELA ragbi lig pilaia bilong Westen provins i bin dai long ol bagarap em i kisim long bodi bilong em long tupela wik i go pinis. Dispela em long taim em bin pilai ragbi lig long lokol resis.

Nem bilong dispela pilaia husat i dai em Ekamo Serekamo.

Em i bilong ples Dimu long Lake Murray, wanpela distrik bilong Westen provins.

Serekamo i bin pilai long wanpela tim we ol i pilai

### Serekamo i no stap aninit long was bilong PNGRFL pilaia insurens

IAN KAKARERE i raitim

egensim ol Bena Hawks long Sarere Jun 3 long Boboa gavman stesin pilai graun.

Dispela pilai em ol i pilaim olsem Lake Murray Ragbi Lig resis.

I Luk olsem mangi ya i kisim wanpela strongpela

takel tru long sait bilong rib bun bilong em.

Bihain em i komplem long bros i pen na bel i ben. Na ol kisim em i go long Boboa helt senta we ol dokta bai i ken sekim em.

Tasol long hap, em i go bagarap moa yet na ol i karim em i kam long Kiunga

haus sik long wanpela spesel balus.

Serekamo i dai long las wik Sarere.

Nesenel memba bilong Midel Flai, Kuok Bitan i mekim gutpela wok gen long saterim wanpela balus bilong karim bodi bilong Serekamo i go bek long Lake Murray long las wik

Mande tasol. Lake Murray Ragbi Lig Asosiesen em ol i no afiliet wantaim Papua Niugini Ragbi Futbol Lig (PNGRFL).

Olsem na Serekamo i no stap aninit long was bilong PNGRFL pilaia insurens.

Ragbi lig em i wanpela bikpela pilai tru insait long ol hap bilong Lake Murray.

Ol pilaia long hap i save pilaim gutpela pilai wantaim ol strongpela ron na gutpela takel.



### Klia long tupela

● James Makili bilong Madang Mimlon long lephan i pilai kaskas long bal wantaim Hans Gewabing bilong Mosbi Yuni. Dispela em long 1995 Nesenol Soka Klap Sempionsip em i bin kamap long Lae las wiken. Yuni tasol strong i go long gren final na dro wantaim Mosbi Guria 1-1. Kik bilong tupela bai kamap gen long Mosbi.

### Guria na Yunivesiti bai bung gen long Mosbi

GREN FAINAL bilong 1995 Nesenol soka klap sempionsip em i bin kamap long Lae las wiken bai kamap long Mosbi. Tasol mama soka bodi, Papua Niugini Futbol Asosiesen (PNGFA) i no tokaut yet long wanem de stret dispela kik bai kamap. Tupela tim husat i bung long gren fainal i bilong Mosbi yet. Nem bilong tupela em Yunivesiti na Guria, husat i pilai olsem olpela sempion long winim gen taitel.

Guria i holimpas dispela taitel long 9-pela yia nau. Long gren fainal long Lae, tupela i dro 1-1 bihain long ful taim. Long 10 minit ekstra taim, nogat gol i kamap.

Bihain long dispelam tupela tim i mas kisim 5-pela penetti kik. Tasol bikos ples i tudak, na tu i nogat inap taim bilong pilai.

Olsem na tonamen ogenaising komiti kolim ol opisal bilong tupela tim wantaim i go antap long toktok long ol.

Insait long dispela liklik bung, ol i paitim toktok long wanem hap pilai bai kamap. Na ol bikman bilong tupela tim wantaim komiti go pas long lukautim pilai kamap long tokorait olsem bai tupela tim i bung gen long Mosbi.

I gat bilip olsem gren fainal ya bai kamap long mun Julai. Dispela em long opim PNGFA Nesenol Taitel kik, em Mosbi Soka Asosiesen bai lukautim long Bisini ska graun.

### MOMASE SOKA TONAMEN RIPOT

## Sandaun gavman no amamas long Madang na Morobe no kamap

ARI HABA i raitim

SPIKA bilong Sandaun Provinsel Asembli, John Wotong husat i bin opim Momase Rijonal soka tonamen long Vanimo las wiken i no amamas tru long Madang na Morobe i no kamap long resis.

Em i tok tupela Sepik tim tasol i kamap. Olsem na em i kolim dispela resis olsem 'Sepik Tonamen'.

Mista Wotong i tok dispela tonamen i kamap bihain long 4-pela primia insait long Momase rijon i bin pasim toktok olsem em bai go het. Long wanem dispela em i wanpela pasin bilong bringim ol poroman i kam wantaim namel long ol pilaia bilong wanwan provins long rijon.

Wotong i tok Lae na Madang i nogat rispek long Vanimo i holim dispela tonamen. Bikos Vanimo na Wewak i no save lus long kamap taim tonamen i stap long ples bilong ol.

Em i tok moa olsem Momase Rijonal Soka Komiti mas mekim gutpela disisen long dispela tonamen long larim dispela tonamen i go het, bai ol gutpela pilaia i kam long wanwan skwat we i gen go olgeta long makim Nesenol Soka Sempionsip.

Em i askim long rausim Lae na Madang tu long dispela sempionsip. Bikos tupela i no bin stap insait long tonamen.

Nau yet kodineta bilong namba 5 Momase rijonal soka tonamen, Adam Amot i mekim wankain toktok na i tok ol opisal i mekim bikpela hatwok tru long lukim olsem ol yangpela soka pilaia i lukluk long ol yet. Dispela em long ol kain stail na pasin bilong pilai soka insait long Momase rijon.

Amot i tok Lae na Madang i mekim bikpela paul pasin we tupela i no kamap long dispela tonamen. Dispela i min olsem ol i no rispekim provins husat i holim dispela tonamen long Momase rijon.

Ol lain long Vanimo i amamas long soka tim bilong Wewak na Maprik long kamap long dispela tonamen.

### Ol spot dro long insait.



LAE  
BISCUIT



# RAGBI LIG

NIUS

I NO BILONG SALIM

LAE  
BISCUIT



# ARL tok PNG no joinim Supa Lig long mani

## ...tasol pret i mekim PNG i joinim...

AUSTRALIAN Ragbi Lig (ARL) i tokaut olsem disisen bilong Papua Niugini Ragbi Futbol Lig long joinim Supa Lig i no long sait bilong bikpela man. Tasol long pret bilong ol tasol olsem ol bai stap aut long pilai resis wantaim ol narapela Pasifik Ailen kantri tasol i mekim na ol i joinim Supa Lig.

Wanpela opisal bilong ARL husat i bin kamap long wankain taim olsem ol Supa Lig i tokim Rugby League Week Niuspepa long Australia olsem i no mani i mekim na PNG i joinim Supa Lig. Dispela em long wanem, mani ARL i save givim ol long developmen bilong lig long PNG i wankain olsem supa lig bai givim ol.

Tasol long pret bilong ol i stap aut tasol i mekim na PNG i joinim supa lig long wanem olgeta narapela Pasifik Ailen kantri olsem Fiji, Westen Samoa na Tonga i joinim Supa Lig pinis.

Siaman bilong Nu Saut Wels Ragbi Lig long Australia Tom Bellew i tok olsem dispela wokabout bilong Supa Lig long kisim ol Pasifik Ailen kantri long joinim ol long wanpela wiken tasol i no gutpela stret.

Bellew husat i bin kamap long Sarere apinun long toktok wantaim ol opisal bilong Papua Niugini Ragbi Futbol Lig i painimaut olsem bipo long em i toktok wantaim ol PNGRF lain, em i harim olsem ol i joinim supa lig pinis. Em bin kamap long PNG long traim pulim PNG tu i go

aninit long ARL.

Rugby League Week Niuspepa bilong Australia i tok olsem PNG i bin pret sapos em i no joinim supa lig wantaim kantri long pasifik olsem Tonga, Fiji na Westen Samoa, em bai stap aut long em yet. Pret bilong dispela i mekim na PNG i joinim supa lig.

Long Australian Ragbi Lig, taim PNG i go aninit long han bilong Supa Lig, dispela i soim olsem ol i nogat moa wanpela hap bilong holim.

Posisen bilong Frans nau yet em ol i no save tasol sapos Fran i joinim tu supa lig, i lug olsem ARL bai stap long em yet nau.

Bellew husat i wanpela bikpela sapota bilong Ragbi Lig long Papua Niugini long planti yia i bin wari nogut tru taim em i harim olsem PNG i joinim pinis supa lig.

Bellew i bin kam long Mosbi long Sarere moning long tupela wik i go pinis long traim na pasim PNG long noken joinim supa lig na bringim ol i go wantaim ARL.

Tasol dispela strongpela kempain em John Ribot, Graham Carden bilong Nu Silan na bihain Mal Meninga i bin go long wanpela praiwet balus i bin kamap gut tru long kisim PNG.

Na tru Westen Samoa, Tonga na Fiji i bin joinim supa lig long

sampela aua tasol na bihain PNG.

Ribot i tokaut olsem dispela raun bilong ol long pulim ol kantri



- Olpela Kangaroo kepten Mal Meninga i kikim op pilai bilong Guria na Mosbi Vipers. Dispela em taim PNG i sain wantaim Supa Lig.

long Pasifik i bin gutpela tru.

"Supa Lig em wanpela ragbi lig bodi tasol insit long wol husat i gat intanesenel ties." Ribot i tok.

"ARL i sanap long em yet nau na i no lukim wanem gutpela samting bai supa lig i bringim."

"Laik bilong ol lain long Pasifik i bikpela tru long wanem ol i laikim ol pikinini bilong ol long pilai lig na mipela bai helpim long dispela."

Tasol Bellew i tok olsem dispela raun bilong ol supa lig long Pasifik i olsem ol stil man.

"Dispela pasin bilong ol i no gutpela tru long wanem ol i stilim ol samting em mipela i bin hatwok long redim long planti yia nau." Bellew i tok.

"Long Australia, tupela sait i wok long pait hat tru long dispela tasol taim ol i go long Pasifik, ol i kisim isi tasol.

Bellew i tok olsem mani em wanpela bikpela samting Supa Lig i winim long Fiji, Tonga na Westen Samoa na tu Supa Lig i toktok long pilaim olgeta wol sevan bilong ol Fiji.

Long PNG, mani ARL i save givim long i wankain olsem Supa Lig bai givim. Tasol long pret bilong ol i no nap pilai wantaim ol narapela Pasifik kantri tasol i mekim na PNG i joinim.

## ..tasol em Kumul hapbek

RODNEY KAMUS i raitim

PAPUA Niugini Kumul tes hapbek Adrian Lam i putim kamap strongpela pilai tru long tripela State Of Origin pilai na long namba tri pilai long Mande taim em i kamap Man-of-the Match i soim olsem bai i gat bikpela pait nau namel long Papua Niugini Ragbi Futbol Lig na Australian Ragbi Lig.

I luk olsem pait bai kamap sapos ol Australia selekta i makim em long pilai long Kangaroo bihain long ol ripot i kam olsem Lam em namba wan man bilong kisim namba 7 jesi.

Lam husat i pilai hat tru long Mande nait i mekim Kwinslen i winim ol Nu Saut Wels long 3-0 long kisim series.

Lam husat i luk olsem bai i gat bikpela pait namel long PNGRFL na ARL i i bin setim kamap tupela trai na ol kik bilong em wantaim ol strongpela takel i mekim em i kamap olsem namba wan man bilong holim namba 7 jesi bilong Australia taim ol i pilai egensim Nu Silan long tupela wik taim.

Tasol long las wik siaman bilong PNGRFL Joe Keviamie i tok olsem em i amamas tru long lukim pilai bilong Lam na Lam em bai nogat wanpela lain i kisim long PNG. Tasol wanpela samting em laik

bilong Lam yet.

"ARL bai brukim lo sapos ol i kisim Lam long pilai long Kangaroo egensim Nu Silan. Lam i pilaim tripela tes pilai bilong PNG na olgeta manmeri i save pinis olsem Lam em Kumul pilai."

Lam i sain wantaim ARL na PNGRFL wantaim Supa Lig na dispela bai mekim hat long Australia long kisim em long pilai egensim Nu Silan long Jun 23.

"Mipela i tokim menesa bilong Adrain Lam pinis olse em i mas stap olsem Kumul na redim em yet long pilai long Kumul tim," Keviamie i tok.

Keviamie i tok olsem maskim PNG i joinim Supa Lig na Lam i

stap wantaim ARL, i nogat wanpela samting i pasim Lam long pilai wantaim PNG Kumul sapos ol i makim em.

Long kani strongpela pilai bilong Lam long State of Origin. Lam i opim ai bilong planti selekta olsem em i namba wan man bilong kisim namba 7 jesi bilong Australia.

Planti toktok i kamap pinis tasol Lam yet i no mekim wanpela toktok yet long wanem-hap em i sanap.

Lam i bin tok pastaim olsem em yet i mekim disisen long pilai long PNG Kumul na dispela em laspela disisen bilong em.

Sapos Lam i joinim Australia na werim namba 7 jesi, nem bilong em bai go daun long stori buk olsem wanpela pilai husat i pait long tupela kantri olgeta pinis long laip bilong em long lig.

Lam opim  
ai bilong  
ol selekta  
long  
Australia

## Askim i kam yet long seleksen bilong Lahanis

IGAT planti askim yet i kam long sampela Goroka lig ofisel long painim aut as bilong sileksen bilong ol Lahanis intasiti lig skwad bihain long toksave long fainal lain ap tupela wik pastaim long ol intasiti pilai i bin stat.

Presiden bilong Goroka Brothers klab Tinemau Divilake wantaim klab menesa Nawan Bully Pupune i tok olsem i gat sampela yangpela pilaia husat i save pilai insait long Winfield lig resis i gat planti stail long pilai bilong ol. Tasol tupela i tok olsem ol silekta ino bin luksave long gutpela pilai bilong ol taim ol i bin mekim sileksen.

Dispela tupela man i tok olsem ol dispela yangela man i gat sans bilong stap insait long intasiti tim tasol ol silekta ino bin silektim ol. Na taim ol silekta ino bin silektim ol, ol i bin lusim Goroka na go pilai bilong ol narapela senta aut-

### Trotters holim ol Lahanis long namba tu hap

Lahanis 26 vs Trotters 13

WATSON GABANA i raitim

GOROKA LAHANIS i wokabaut antap long Madang Trotters 26-13 long Sande long namba 5 raun bilong Inta Siti resis long Sir Ron Albert pilai graun long Madang.

Ol Trotters i bin go pas tupela minit tasol i go insait long pilai graun taim fowat Kuks Pato i kikim wanpela fil gol long 25 mita mak.

Long namba 14 minit, Stanley Gene i ron 45 mita olgeta long putim namba wan trai bilong pilai. Agi Tete i kikim i go insait na Lahanis i go pas long 6-1.

Lahanis i bin bosim namba wan hap bilong pilai wantaim planti gutpela bal wok na wokhat bilong wanwan man long mekim ol strongpela ron long fowat lain. Oscar Zugu i mekim sampela kain trik bilong em na skoa tasol Tete i no nap long putim i go insait.

Ol Lahanis i ron long hia na ron logn hap na salim bal long wanpela wing i go long narapela. Long mekim dispela kain pilai na ol i salim bikpela Tiuyo Evei long putim wanpela moa trai. David Buko i kikim dispela konvesen long skoa bilong ol i surik i go antap. Wanpela liklik nok on i kamap logn Sam Karara na Buko i kisim penelti long apim skoa i go antap long 18-1.

Taim pilai i laik pinis long namba wan hap, ol Lahanis pilaia i apim skoa bilong ol i go antap long 24 na i go olgeta long 26-1.

Long namba tu hap bilong pilai, ol Trotters i kam, bek strong tru. Bikpela strongpela fowat Robert Tia i mekim ol Lahanis i pret long trai lain bilong ol yet na putim wanpela trai. Sam Karara i kikim bal ya na skoa i surik i go long 26-7.

Bihain liklik Peter Uitot i ron i go antap gen long trai lain bilong ol Lahanis long bringim skoa i go antap long 11-26.

sait long Goroka.

"Ol pilaia olsem foma Kumul senta, Paul Gela, Samson Kimisopa na Oliver John i soim pinis olsem ol i ken pilai, taim ol i bin pilai insait long Simbu lig," Divilake na Pupune i tok.

Tupela i tok olsem sampela pilai husat i bin kisim sampela gutpela toktok long pilai bilong ol long 1994 sisen ino bin gat sans long dispela yia.

Divilake na Pupune i tromoi bikpela askim tu i go long Goroka Lig bilong save long wanem kain we ol ibi silektim ol pilaia bilong Lahanis tim.

Tupela i tok olsem tu, "mipela i gat sampela gutpela yangpela pilaia husat mipela ting ol i nogat sans bilong soim stail bilong ol bilong wanem ol kain sileksen ino gutpela. Na dispela kain pasin ibai kilim laik bilong ol long pilai ragbi lig nau na long bihain taim".

# Lae lig rausim ol nius ripota long lukim Inta Siti

LAE Ragbi Futbol Lig i pasim ol nius ripota bilong ol niuspepa kampani husat i stap long Lae long noken go insait long pilai graun long lukim ol bikpela pilai bilong Inta Siti Kap resis.

Dispela i bin kamap long las wiken taim tupela tim Kundiawa Warriors na Lae Bombers i bin pilai long Lae long las wiken.

Tupela nius ripota wanpela bilong Word Publishing na narapela bilong Post Courier i no nap long go insait long pilai graun long lukim bikpela pilai ya long wanem i nogat inap gutpela nius ripot i save kamap long lokel ragbi lig bilong Lae.

Ol lain husat i bin sanap long dua long taim bilong dispela bikpela pilai i bin askim man bilong kisim poto bilong Post Courier Bae Kimali long lusim pilai graun na go autsait na ripota bilong Word

### OL LIG NIUS RIPOTA i raitim

Publishing Jack Ami em ol i askim em logn baim K4 long go insait long dispela pilai.

Ami husat i save stap long Mosbi tasol em i go long Lae long lukim ol bikpela tonamen bilong wiken i bin baim K4 na i bilip olsem i gat sampela kain kros i stap namel long Lae Ragbi Futbol Lig na ol ripota husat i save stap long Lae.

Taim em i laik go insait Ami i askim presiden bilong Lae Ragbi Futba Lig George Mack long tingting bilong em long dispela na em i tok olsem Papua Niugini Ragbi Futbol Lig i save kontrolim ol mani bilong geit na i no lokel lig bilong em.

Bihain long dispela tupela pilai namel long Warriors na Bombers

na Hagen Eagles na Rabaul Guria, Mack i tok olsem em i no pasim wanpela nius ripota long go insait o tokim em long lusim pilai graun.

Em i tok moa olsem LRFL i lusim planti gutpela sponsasip long ol planti kampani long Lae long wanem ol i no save kisim gutpela ripot long ol niuspepa.

Em i tok olsem olgeta spots insait long Lae i mas kisim wankain nius long ol lokel pilai na i no ol bikpela pilai tasol olsem inta siti salens.

Mack i tok olsem lig i save kamap bikpela long ol niuspepa na sapos ol niuslain i laik pilai wantaim mipela, "bai mipela bringim bisnis bilong mipela i go long sampela hap na ol i ken kisim taim."

Ragbi Lig Nius i no bin inap long painim wanpela opisal bilong Papua Niugini Ragbi Futbol Lig long kisim toktok bilong ol.

## Kompien long seleksen bilong Trotters

MADANG Ragbi lig opisols i no luk gut long selektim of Trotter's pilaia. We dispela i bringim tingting krangi kam long ol olupela Globe Trotter plaia.

Wanpela olupela Trotter's pilaia Saimon Peter em i tokim Ragbi, lig nius olsem ol M.R.L. opisols i no kamapim gutpela seleksen long kamap long mipela, arapela we pastaim ol selektim.

Tasol bihain ol dropim mipela na kisim ol biknem plaia olsem Joe Gispe, Kuks Poto, Robert Tia, Sam Karara, Mathew Ulg dispela em i no stret Peter i tok.


Madang Ragbi Lig Asosiasen i gat 6-pela klab na em i gat planti ol yangpela plaia i stap na ol i ken traim long kisim nem bilong wan wan klab na Trotters tu.

"Em i tok pastaim Madang opisols, makim ol Trotters plaia olsem Job Whale, Ambrose Girai, Edward Erual, Otsi Bani, na Jack Kosu na arapela Trotters plaia 6-pela klab bilong Madang lig.

Peter i tok em i laikim Madang, Ragbi lig opisol, mas mekim gut seleksen, noken gridi long kisim ol biknem pilaia mas givim sans long ol nupela talent yangpela long Madang klab.

Yupela mekim olsem bai mipela olgeta senia plaia na arapela junia plaia tu, bai go joinim ragbi union long Madang yet lus tingting long ragbi lig neks yia long Madang lig.

Pastaim yupela opisols i makim 27 plaia long dispela, planti em ol nupela yangpela plaia tasol bihain Madang opisols dropim ol na em i soim i no gutpela pasin ol opisols mekim



*Wantok kaikai wantok.* Michael Toivita bilong Royals i kisim taim long ol olupela wan pilaia bilong em Wane Koropa na Vicky Moses long las wiken long Mosbi.

# Eagles bosim yet inta siti poin lata

MENDI Muruks tim bilong Inta Siti resis i brukim pinis dispela rop i pasim ol wantaim Mosbi Vipers bihain long bikpela pilai bilong ol egensim ol Mosbi Vipers long las wik Sande.

Pilai ya i bin wanpela gutpela pilai tru namel long tupela tim ya na Mendi Muruks i soim olsem ol bai wanpela strongpela tim tru long ol narapela tim long winim long dispela yia.

Ol i soim strong bilong ol nau long wanem long las tupela wik i go pinis, ol i mekimsave long ol Goroka Lahanis long Goroka we bikpela trabel i kamap. Na long las wiken gen ol i mekim save long ol Mosbi Vipers long Hagen na dispela i soim bikpela laik bilong ol tru long winim dispela kap long dispela yia.

Long las yia, ol bin wanpela strongpela tim tru we ol i go inap long long mesa semi fainel na lus long ol Lahanis we bikpela pait i bin kirap long Minj.

Tasol long dispela yia i luk olsem ol i senisim pasin bilong ol na i laik mekim nem gen olsem las yia.

Long wankain taim tu, Mt Hagen Eagles i soim strong bilong ol long holim namba wan ples yet long poin lata bihain long ol i dau-

nim ol Rabaul Guria long Rebihamul pilai graun long Hagen.

Bihain long dispela ol namba 5 raun bilong pilai, poin lata i sanap olsem Hagen Eagles i stap long 10 points, Muruks 8, Vipers 6 na Goroka Lahanis i pas wantaim gen long 6 points.

Lae Bombers husat i stat long winim ol pilai bilong ol gen i bin autim Kundiawa Warriors long las wiken tu long Lae na dispela i mekim ol i kalap na abrusim ol Warriors na Madang Globetrotters long sindaun long namba 5 ples wantaim 4 points.

Kundiawa Warriors na Madang Globetrotters i sindaun pas yet long 3 points bihain long tupela sait wantaim ya i lusim pilai bilong ol long las wiken. Warriors i lus long Bombers na Madang i lus long ol ol Goroka Lahanis tu long las wiken long Madang.

Poin Lata i sanap olsem	
Hagen Eagles	10
Mendi Muruks	8
Goroka Lahanis	6
Mosbi Vipers	6
Lae Bombers	4
Kundiawa Warriors	3
Madang Globetrotters	3
Rabaul Guria	0

## Ol tim soim pawa long Banz Lig

### BANZ LIG RIPOT

JAMES SAKUL i raitim

BIHAIN long namba 2 raun bilong ol gems i go insait long sison propa long Banz lig ol tims i save i stap daunbilong sampela yi i go pinis i wok long kam antap na givim taim long ol nem tim.

Dispela i kamap klia tru las Sande. Long namba wan A gret pilai ol yangpela bilong Talu, Hawks givim hatpela gem stret long nem tim Brothers. Ol Brothers i laki tru long winim dispela gem long 1-pela poin tasol. Kepten bilong Brothers Willie Raim i kikim wanpela fil gol bihain long skoa i sanap 12-12. Klostu long fullaim olsem na ol Brothers i laki tru long win.

Long mein gem bilong Sande apinon ol lain yangpela bilong Waraka, Tarangau i bung wantaim ol Angs bilong KNK Kantri United na salim skin i go i kam taim ol Tarangau i rausim trausis bilong ol 10.7.

Pilai i stat oriat tasol bihain long 5 minit mak ol Tarangau i no titim gut banis bilong ol na bihain long wanpela gutpela pilai long sneta fil namel long ol beklain bilong United bal i go olgeta long han bilong lep winga Pter Bom na em dastim i go raun long lain bilong Tarangau. Kik bilong Tommy Duka i no i go insait na ol United i go pas 4-0. Ol Tarangau i no amamas tumas bihain long dispela trai i kamapl kwik taim tumas na ol i titim na strongim banis bilong ol wantaim ol man olsem Billy Kaman Willie Patt, James Will na Peter Kamb na tu long amarim na slekim

banis bilong United tasol ol United i no slip ol i save olsem o i gat poin olsem na ol tu i putim ol strongpela fewots olsem Kapal Pecks, Lucas Kiap, John Oxy, John Mare na Rob Bee long lukautim lain bilong ol.

Pilai i stap olsem i go klostu long pinis bilong pes hap, olupela Ailan son pilai na papa bilong ol Tarangau, Mark Kumba i painim wanpela spes na sait step i go slip aninit long pos stret lek bilong Billy Kaman i no oriat tumas na dispela isi i no go insait olsem na skoa sanap 4-4 long tupela sait wantaim i go inap haptaim.

Long namba tu hap pilai i go strong yet na bihain long 15 minit bilong dispela haptaim referi John Kil i no amamas long wanpela pilai bilong Tarangau long 20 mita mak bilong ol na givim penlti i go long United. Tommy Duka painim namel bilong tupela stik na ol i go pas 6-4 nau. Bihain liklikk taim tasol Tommy Duka i kikim, wanpela gutpela fil go long 30 mita mak na ol United i go antap 7-4.

Dispela i mekim ol Tarangau behat tru na ol i stat long bomim hap bilong ol United. Ol i mekim save bomim na salim skin i go na bihain ol ol fowats bilong ol i mekim sampela gutpela ran bel i g kamap long winga bilong ol gen na em i flai i go raun antap long lain bilong United. Kik Mark Kumba kisim i go insait na nau ol Tarangau i go pas 10. Long beklain bilong Tarangau Charlie Anamb, Peter Golomb, Thomas Tal, Paul Kumie na Joseph Baka i givim strongpela sapot long ol fowats bilong ol na putim strongpela banis. Ol United i stat long paia long las 10 minit samting na wok long amrim banis bilong Tarangau tasol sori tumas taim i ron olsem na skoa i sanap yet 10-7 long fullaim.

# Nem kosa Leva Tete kisim saspensen

HENRY MORABANG i raitim

BIKNEM Goroka Lahanis kosa Leva Tete i kisim saspensen inap long 5-pela yia olgeta na tu PNGR-FL i sasim em long K1,000 long stap insait long pait bilong tupela wik i go pinis long Goroka taim tim bilong em i pilai egensim ol Mendi Muruks.

Tete, husat i wanpela wina bilong Jim Jacobi Kosa bilong Yia Awot i kisim dispela sas long mekim wanpela pablik toktok we planti i lukim olsem i no gutpela long pilai ragbi lig. Ol i makim taim bilong em long baim dispela kot em long Trinde (asdei).

SP Inta Siti Kap menesmen

## ...Abori, Midi, na Gomia bai lukim lig judiseri tu...

komiti i givim taim long Tete bihain long ol i lukluk long ripot bilong dispela trabel namel long ol Goroka Lahanis na Mendi Muruks long Sir Danny Leahy pilai graun.

Ol narapela samting moa ol i putim antap long dispela mekim-save bilong Tete em Tete ino nap long holim wanpela posisen insait long pilai ragbi lig moa.

Komiti ye tu i putim wanpela bikpela sas antap long Goroka Ragbi Lig long baim K5,000 long wankain taim long Trinde. Goroka lig i mas baim dispela sas o sapos

nogat ol bai i no nap holim wanpela moa inta siti pilai long Goroka i go inap yia i pinis.

Tripela narapela pilaia bilong Lahanis, Martin Abori, Mathew Midi na David Gomia tu em nem bilong ol i kamap na ol i mas lukim Nesanel League Judiseri Komiti.

Komiti ya tu i pasim toktok olsem ol pilai ol i makim long ol long pilai long Banz long raun 6 na 14 em ol i mas surikim i go long Hagen na pilai bai kamap long 4-pela tim olgeta.



Leva Tete i sindaun namel wantaim ol Goroka Lahanis pilaia.

# Isten Divisin makim U/19 skwat

BIHAIN long wanpela bikpela U19 Junia Seleksen traiels i bin kamap long Kundiawa long namba 27 de bilong mun me ol selektas i bin makim pinis ol nems bilong husait ol lain bai makim Isten Divisin Isten divisin em ol lig sentas i go olsem Banz, Minj, Kundiawa na Goroka.

Dispela isten division bai pilaim Westen Divisin long pikim U/19 bilong Ailan Son. Westen divisin em ol Lig sentas olsem Hagen, Mendi, Tari na Koroba.

Mista Joe Tokam, Ailan Son Lig

divelopmen opis na man husait i go pas long lukautim dispela U19 traiels i toksave pinis long nems bilong ol pilias na opisols bilong Istan divisin. Ol nems i poromanim namba bilong position bilong ol.

1. Andrew Wakpi (Minj)
10. Lawrence Goive (Goroka)
2. John Poipoi (Minj)
11. John Selt (Banz)
3. Vincent Kiap (Banz)
12. Robert Dee (Minj)
4. Philemon Kumi (Minj)

13. Auta Kamen (Kundiawa)
5. Benjamin Keloka (Goroka)
14. Okun Tumun (Minj)
6. Kairo Mekeso (Goroka)
15. Konts Nants (Banz)
7. Vanuga Kila (Kundiawa)
16. Matthew Waingaid (Kundiawa)
8. Ding Wii Banz)
17. Jimmy Maima (Goroka)
9. Tom Tiro (Kundiawa)
- Andy Brum - Kosa na Trena
- Jacob Aeno - Tim menesa

### Hagen Eagles laik ron long balus long pilai

HEVI long rot i no bin stopim Hagen Eagles long winim Inta Siti ragbi salens long las wiken egens Rabaul Guria. Eagles lusim tingting long hevi na mekim Rabaul Guria 50-18 long fultaim.

Long Sarere nait ol boi bilong Hagen Eagles i bungim hevi long rot taim bas bilong ol bam wantaim wanpela ka long Kainantu. Ol pilaia bin ron long rot i go long Lae long pilai wantaim Rabaul Guria.

Insait long dispela biura bilong ka, 6-pela man i bin bungim hevi long bodi bilong ol. Ol dispela pilaia em Michael Angra husait i pilai long fowet lok, Max Tiri seta rait, Thomas Tumbo kepten, Mathew Makabe Michael Kiap, Simon Moi kosa na draiva Ken Niutipia. Olgeta lain i gat sua na bagarap long bodi bilong ol. Peter Dun i no moa wokabaut gut.

Wantok i bungim ol pilaia bilong Hagen Eagles long Sande moning na askim ol sapos ol i no inap pilai. Tasol kosa Simon Moi i tok ol boi bilong em bai go-het na pilai bikos nogut ol i luskim pilai na Rabaul Guria i apil long kot. Simon i tok tu olsem bikos Hagen Eagles i stap antap long lata bilong Inta Siti salens ol i ken pilai tasol long wanem strong ol i gat na sapos ol i win o lus em nogat bikipela hevi tumas long dispela.

Simon i tok tu olsem taim i sot long kisim moa pilaia long Hagen i kam long Lae long sevisim ol lain i kisim bagarap sapos ol i ron long Lae long balus em orait, tasol sapos ol i ron long haiwe rot bai i nogat taim.

Kosa bilong Hagen Eagles i tok ron long rot long bus o PMV i nogutpela. Bikos birua i ken kamap long rot. Olsem na em i askim ol ogenaia bilong Inta Siti salens long salim ol pilaia long balus i go long wanem hap taun o senta bai pilai i kamap long en.

Em i tok planti pilaia i gat meri pikinini na i no gutpela long ol i bagarapim laip bilong ol long pilai.

Em i tok moa olsem kampani husat i sponarim dispela ragbi resis na PNGRFL i tingting tasol long wokim mani tasol laip bilong pilaia i mas go pas.

- YAKAM KELO I RAITIM



*Bamim em i go* • Pilaia bilong Paga Panthers i panim rot long ron taim ol i pilaia Air Niugini Souths long las wiken long Mosbi. Souths winim dispela pilai.

### Tigers bai pretim Royals long Bulolo Lig

TUPELA ragbi tim bilong Wau/Bulolo ragbi lig Waliwei Tigers na Hidden Veli Royals i redi na Sambai long bungim gen bes insait long wanpela pilai bilong ol long dispela wiken.

Ragbi pil bilong Wau bai guria na aois nabaut taim tupela i bung, bikos tupela wantaim papa giraon na pil bai i painim hat ru long stap long sait bilong husait.

Tupela tu bai i mekim na ol sapotas bai i kirapim ol singsing tumbuna tu long ol sait bilong ol na ol sapotas bai igat tupela show long dispela wiken em long lukim ol Saliwei Tigers wantaim Hidden Veli Gold Royals i pilai ragbi na ol sapotas i putim kamap tu singsing bilon gol.

Long liklik bilong sampela pilai i go pinis ol Waliwei Tigers i lusim tupela pilai bilong ol pinis long ol Bulolo cowboys na ol Blue Souths na dispela i kamapim bikipela sori tru bikos ol Hidden Veli Royals nau ino pilai wanpela pilai bilong ol yet na ol i gat bikipela strong tru wet yet bilong soim ol Tigers.

Ol i bin forfiet long wanpela pilai bilong ol na ol bin bye long las wiken na bikipela tinting nau em bilong pinisim olgeta strong bilong ol long ol tigers.

Olsem na long lukluk bilong pilai long dispela wiken, Royals igat bikipela pawa na strong het tasol ol Tigers nao bai igat tupela tingting taim ol i sikan wantaim ol boi bilong Royals pastaim long pilai.

Long lukluk raon bilong Wantok Nius long tupela treinin kemp, Tigers nau i wok igat sik long kamap bilong ol long taim bilong treinin na dispela nau i givim bikipela hevi tru nau sapos ol i laik tru long winim ol Royals. Tasol

ol Royals tu i laik soim tru kala bilong ol na ol i wok long stap insait long strongpela treinin tru aninit long wokout bilong Kosa bilong ol. Dispela i soim tru olsem ol Royals igat 100% long stap insait long pil na bung wantaim ol Tigers.

Tigers nau bai i mas lukluk na was gut lig ol boi bilong ol olsem speed man Jerry Song, husait igat moa speed na Donatus Nohu husait igat ol kain sait step. Martin Manu na Tawa Asa bai i traim tu long wokim ol bek up na Bact Hanis wantaim, Petrus Eddison, Wilson Kindah, Kirimba Naptuaplie bai i traim long paid wantaim ol forwards bilong ol Tigers, olsem Alex Waikaidi, Paul Maima, Paul George, Wiru Mambo long kamapim ol spes bilong ol long putim ol trai.

Sapos Harrey Banabas inap long proman gut wantaim Max Ina na Giyu Mugau ol inap kamapim sampela gutpela stori bilong Tigers, Max Alorp bao o wpl jat tru olsem half bek bilong movim na ron insait long ol gaps em ol ol Royals 18 Ave kamapim.

Hooker Paul George bai traim hat tu long pilai long sait bilong em long setim wanwok Mugau na Ina long putim ol trai bilong Tigers. Giyu Mugau long narapela sait bai i traim long kamapim ol Buldozer stail taim ol i setim em klostu long train lain. Na sapos ol Royals ino inap holim en gut, ol bai kisim hevi tru. Wanwok Nius i bin kisim tingting bilong Banabas na em itok, ol pilaias bilong em na bai i kamap olsem ol bun wei ol dok i was gut long kaikai. Dispela bikos ol Royals nao i wok long sindaun na galusim husait ol Tigers pilaias bilong holim pas long taim bilong pilai.

# Tabubil winim Morrie Stuart Sil

IAN KAKARERE i raitim

LONG las Sande Kiunga Catfish na Tabubil i bung long Tabubil spots oval long Morrie Stuart sil resis.

Tabubil i winim Kiunga 10-8 long Morrie Start sil kompetisen we i save kamap long Kwins Betde holde wiken long olgeta yia. Dispela resis kamap long testim strong long ragbi lig long tupela Westen provins taun, Kiunga na Tabubil.

Morrie Stuart sil kompetisen i bin stat long yia 1993.

Long taim ol go aut long oval i luk olsem Tabubi tim bai hamarim ol manki Kiunga.

Ol pilaia long Tabubil i save kaikaim gutpela kaikai long Ok Tedi Maining mess. Olgeta Tabubil pilaia gat draipela skin.

Ol Kiunga pilai ol i liklik na bun nating manki. Luk olsem ol i save kaikai saksak nating.

Tabubil em i ples bilong ren, na graun bilong ragbi oval em i malu malu nogut tru olsem ples saksak.

Insait long six-pela minit long kik ol i luk olsem Tabubil bai memeim Kiunga.

Tabubil fulbek Rex Apa i

## Ol pipel i no wari long ren na pulapim pilai giraun long lukim Tabubil na Kiunga brukim bun

skoairm wanepla trai klostu long gol pos, na i no hatwok aut sait senta Peter Akipe long konvetim.

Tasol ol Kiunga fowat i stat long faia nau, na ol takolim strong ol Tabubil fowat.

Ol Tabubil kisim pen nogut tru na ol i pret long ron klostu long rak eria.

Ol Tabubil laik tromowe bal long bak lain. Tasol ren i mekim bal i go wel, na ol Tabubil baklain pilaia lusim bal planti taim long noken.

Ol Tabubil pilaia belhat liklik, na ol i givim sens long Kiunga golkika na lep winga Jeff Jakis long kikim tupela penalti gol.

Long haftaim, Tabubil i lid 6-4. Long seken haf draipela ren i pundaun na bagarapim liklik.

Bal kontrol long pilaia long tupela rim i paul, na planti skram i kamap.

Tasol Kiunga bak lain brukim Tabubil defens lain long tripela

taim, taso referi Jack Deup tok olsem ol Kiunga pilaia ol i no daunim bal gut long trai eria.

Tabubil bak lain i kisim wnaepla gutpla sens logn taim insait senta Pius Tende i skoairm wanpela trai long kona. Konvesen kik long Peter Akipe i popaia.

Long las tu minit, Kiunga aut-sait senta mara Kubu skorarim wanpela trai.

Skoa man Kiunga 8 na Tabubil 10.

Na Kiunga i gat sens long droim gem long konvesen kik. Tasol konvesen kik long jakis i abrus, na Tabubil winim gem long tupela poin.

Ok gutpela pilaia long Tabubil trai em seken rowa Jack Lapulu, halbek Bob Kain, faive-et Eric Yawas na ful bek Rex Apa.

Ol gutpela pilaia long Kiunga em hal bek Charlie Nago, fulbek Jason Mamaea, seken rowa Jimmy Bula na tupela prop Dick Katafa na Mark Milowa.

# NEW technology to serve you better



**IDD  
to the World**

For all telecommunication needs in Papua New Guinea, Telikom gives you world class quality with the newest and best technologies available.

You simply can't get better anywhere.

Think of it, International Direct Dialling to the world gives business immediate access to international markets, and friends can be in touch immediately – distance no problem.

Our upgraded digital exchanges mean that voice calls and computer links get through quickly, accurately and with more clarity than ever before plus all the convenient extras like call forwarding, ring back information, wake up calls, and abbreviated dialling.


We are now on the brink of the cellular phone revolution. A phone you can carry anywhere and use on the move. Imagine the convenience of immediate access to customers and contact with friends anywhere, anytime.

All part of the new technology brought to you by the new Telikom because now we're really talking.



**DIGITAL  
Clarity and Speed**

**MOBILE PHONES  
calls on the move**



THE NEW




# TELIKOM

*Now we're really talking!*




• Ol Muruks i bung wantaim bibihain long disepla pait tupela wik i go pinis. Mendi i win 20-17



• Junia ragbi lig eksen long Goroka.




• dispela kain strongpela takel bilong ol Lahanis i mekim na ol i wanpela strongpela tim long dispela Inta Siti resis.




• Wanpela pilaia bilong Mendi Muruks i laik abrusim fulbak bilong Lahanis, David Buko.




• Mendi Muruks fowat i painim ples bilong ron egensim ol Lahanis.



• Koairi Ragbi lig eksen long sogeri long las wiken long Mosbi.



# PEARL or BUST!



• Willie Carne ... traim hat tru las Sande. Poto long insait: Steve Renouf.

Dispela kros toktok bilong baim ol pilaia nau yet i wok long kamap i wok long bagarapim pilai ya na i luk olsem mani ol bai lusim i go inap K100 milien biahin long 12-pela mun.

Dispela samting i kamaut stret long man husat i stap namel long wok bilong ragbi lig long maketim na salim Richard Winten i tok.

Winten, husat i menesing dairekta bilong Spots Daireksen, mesendaising na promosen bilong ARL(ol i wok tu wantaim ol Crushers na QRL) i penim piksa bilong Ragbi Lig wantaim blek pen na lukim dispela pait wantaim News Limited na Supa Lig i bagarapim tru dispela gutpela pilai.

Ol namba Winten i soim i lukim olsem Ragbi Lig pilai tru long sait bilong msendaising, maketing na promosen i bagarap olgeta.

Tupela mun i go insait long dispela pait bilong Supa Lig, mak bilong mani em samting olsem K50 milien em mani ol i save kisim bek long sait bilong ol posat na ol narapela samting tasol dispela i luk olsem bai pundaun olgeta i go daun.inap long 50 pe sen. Winten i tok olsem ol man i wok long lusim wok bilong ol long ragbi lig em wanpela samting we i bagarapim bilip bilong ol manmeri long dis-

STEVE RENOUF bai ino nap sevim ol Broncos. Ino nap long em wanpela tasol i helpim.

Renouf bai soim pes gen long Broncos neks wiken taim ol i pilaim ol Illawara tasol kosa Wayne Bennett i tok olsem em i no nap lukluk long Renouf olsem man bilong sevim ol.

Long Bennett yet, ol Broncos i mas stat wok olsem wanpela tim sapos ol i laik mekim ol man i bilip long ol olsem ol bai i ken stap insait long primiasip resis.

Sans bilong Brisbane i pundaun liklik i go daun long 5-2 long Winfield Cup bet bihain long ol i lus long Manly long 23-4 na planti i amamas long kambek bilong Renouf.

Tasol Bennett i lap long dispela singaut long wanem samting Renouf bai mekim. Em i tok olsem dispela namba wan senta i no nap helpim wanpela samting liklik sapos em i stap long dispela pilai tu.

"Em i wanpela gutpela pilai tasol em i save strong sapos mipela i holim bal inap long 6-pela takel olgeta," Bennett i tok.

"Mipela i no mekim dispela kain egen-sim Manly. Mi save wanem samting yu mas gat long winim primiasip na em i no wanpela man tasol-maski sapos dispela man em Steve Renouf."

Tasol Bennett i tok olsem bai i nogat bikpela senis long kem bilong ol Broncos bihainim dispela lus bilong ol long Manly

na Renou tu bai stap insait long namba wan 17 man sapos ol i tok orait long em long pilai. Renouf i no bin pilai inap tupela mun olgeta bihain long ol i stretim wanpela pinga bilong em i bagarap.

"Mipela i pilai orait long 9-pela win na tupela lus-i gat planti tim husat i stap bak-sait yet long mipela," Bennett i tok.

"Mi bai tokaut olsem hatwok bilong wanwan man i ken putim mipela long gutpela hap na kain man olsem Langer na Lazarus i helpim mipela planti taim tru pinis."

"Tasol mi amamas long wanem hap mipela i sanap na mipela i mas surik i go antap yet. Tingim dispela em raun 11 na ino 22."

Long sait bilong atek, Broncos i no mekim wanpela samting olgeta long ol 6-pela takel ol i kisim. Long sait bilong Manly, ol i mekim planti takel tru we i brukim rekot.

Tasol Bennett i tok ol Broncos i pilai gut tru moa long dispela pilaia bilong ol egen-sim Raiders we ol i lus 26-0.

"Maski long skoa, mi no amamas tumas long skoa bilong mipela las wiken tasol we mipela pilai i moa gutpela egen-sim Canberra."

Ol Broncos i bin opim sisen gut tru long 7-2 bihain long feveret Canberra(3-1) na bihain sotim i go daunt long 7-4 bihain long 6-pela win bilong ol.

## Hol bilong mani

### Ol kampani baim ol plaia tasol gem i drai

pela pilai.

"Ol wokman em mipela i putim ol long sait long ol stoa na ol liklik hap nambaut," Whiten i tok. "Na yu ken lukim olsem wankain samting i wok long kamap long ples bilong salim dispela pilai."

Winten i tok olsem bipo long mun Mei na Epril long dispela yia, Ragbi Lig i wanpela namba wan spot insait long Australia we i save mekim bikpela mani tru.

"Nau yet wanem samting i wok long kamap long ragbi lig i wok long mekim i go na i luk olsem bai kamap long K100 milien mak olgeta."

Na tu ol klab na ol narapela kampani i save pas wantaim ol klab na ragbi lig tu bai painim moa hevi long dispela.

Planti bilong ol kampani long Australia husat i save pas wantaim

Ragbi Lig i save mekim ol baset bilong ol long 1 mun stat long mun Mas i go inap long Jun bilong narapela yia. Planti ol maketing mensesa i save traim long pasim toktok wantaim ol kampani long pas yet wantaim ragbi lig maski wanem kain hevi i wok long kamap nau.

Winten i tok olsem nau yet planti ol kampani i wok long sanap tasol long wanem "ol i no save long wanem samting bilong mekim.

"Ol kampani ya i gat tupela tingting," em i tok. "Long go aut long lig-o sapos ol klab i laki long kamap wantaim sampela kain samting, em bai ol i gen go insait gen wantaim ol long wok bilong ragbi lig sapos olgeta samting i stret."

Wanem samting i wok long hait em i dispela supa lig i wok long

bagarapim olgeta samting bilong ragbi lig.

Olsem Winten i tokaut pinis dispela pait i wok long mekim dispela gutpela prodak bilong ragbi lig i pundaun olgeta long prais bilong em.

"Pilai ya i no wankaim olsem pilai long tupela mun i go pinis."

Pen bilong ragbi lig i stap long long kain kain rot:

•Ol manmeri i save go lukim pilai i no wankaim moa olsem bipo na Sidni em wanpela hap i bikpela tru. Ol man husat i surik i go long ol narapela pilai olsem wanpela biknem lig man Bob McCarthy. I no amamas long wanem samting i kamap long ragbi lig, McCarthy i save go lukim Randwick Ragbi Yunien tim long Sarere na go daun long lukim ol junia long Sande. I luk olsem planti tausen manmeri

moa i wok long mekim dispela kain pasim.

•Long namba wan hap bilong ol redio i soim olsem ol man husat i save harim futbol long redi i pundaun long 25 pe sen. Dispela i soim 50,000 long wanpela dei. Ray Hadley i tok olsem long 2UE em i pilim olsem ol namba bilong ol telipon kol i wok long pundaun.

•Long TV tu i wankain. Long Sidni Stet ov Origin pilai namba tu i pundaun long 35 pe sen long wankain pilai long la yia. Long ol narapela stet i prait.

Tru tekyu long supa lig long kamapim dispela samting long ragbi lig-tasol lukluk bek, em i wok long brukim daun dispela pilai taim ol bikman i wok long bung long ol rum na lukluk long wanem samting ol bai mekim bihain.

-RUGBY LAEGUE WEEK

# Vautin bilip long Manly long winim olgeta pilai bilong ol

## EAGLES BAI WOKIM HISTORI

DISPELA KOSA husat i no nap mekim wanpela rong long nau yet-Kwinslen Paul Vautin i tok maroon bai win gen long gren fainel dei long mun Sepetemba taim Manly i apim namba wan primiasip tropi bihain long 1987.

Narapela samting moa, man husat i keptenim ol Manly long 1987 egensim ol Canberra long SCG i tok olsem dispela primia tim nau yet bai mekim stori gen olsem long 1959 we ol i no lusim wanpela pilai bilong ol na go olgeta long gren fainel.

Ol lain St George em wanpela tim husat i mekim rekot long go long wanpela sisen we ol i no lusim wanpela pilai. Dispela taitel bilong ol long 1959 em namba 4 insait long 11-pela na tu long dispela yia 1959-ol i bin gat wanpela dro tasol long raun namba 11.

Bikpela amamas bilong em tru long taim ol i winim Broncos 23- Vautin i save pinis olsem Manly em wanpela namba wan tim aninit long Bob Fulton.

"Mi yet mi pilim olsem Manly i gat bikpela sans na bilip olsem ol bai go tru long dispela sisen na i no nap lusim wanpela pilai bilong ol."

"Mi no tok olsem ol bai winim Broncos. Mi bin save pinis long dispela tupela wik i go pinis taim ol i winim ol Canberra."

"Na ol i bagarapim stret sindaun bilong Norths na Canterbury longwe long as graun bilong ol long Brookie na dispela tupela sait i bin wanpela strongpela tim tru long bipo long winim."

"Mi lukluk long ol dro bilong ol pinis na wanpela strongpela tim tasol i stap long rot bilong ol em New Castle tasol dispela i liklik samting long wanem olgeta rep pilai bai pinis."

Maski long gutpela difen bilong ol we ol i winim ol pilai bilong ol egensim Canberra na Brisbane long tupela wik i go pinis i winim planti leva bilong ol manmeri tru.

"Long tupela pilai wantaim, ol i gat ol pilaia husat i mas pilai



• Des Hasler ran i go bungim takel bilong sampela Broncos pilaia. Manly i winim gut tru Broncos long dispela gem, em i bin kamap long Brookvale.

long Stet Ov Origin pilai na dispela i no wanpela isi samting," Vautin i tok.

"Long win tupela taim egensim ol tupela strongpela tim i wanpela gutpela samting tru long soim strongpela spirit. Na i gat planti bilip long tingting bilong Manly long dispela yia."

Na tu Vautin i save long hevi

bilong Manly long ol semi fainel.

Bihain long gren fainel win bilong ol long 1987, Manly i bin pilai long 7-pela semi fainel na winim wanpela tasol.

"Rekot bilong ol long semi fainel i no gutpela tumas tasol long dispela yia ol i gat planti presa na ol i winim tru dispela

ol presa," Vautin i tok.

"I gat sampela gutpela samting long lainap bilong Manly na difens bilong ol i strongpela tru."

Bihain long 11-pela raun bilong resis, ol Sea Eagles i gat 92 poin we i 8-pesen bilong pilai. Difens rekot bilong ol i gutpela 23 long primia

Canberra na moa gutpela 84 long New Castle. Tupela sait y gat tupela p bihain long aninit long po lata.

Tasol difens bilong ol i no bikpela samting. Atek bilong ol i moa strong em wanem samting Fulton i save gat nem long em. Wantaim 325 poin long bot-samting olsem 30 pe sen, Sea Eagles i stap bak-sait long New Castle husat i gat 351 poin.

Long narapela pilai bilong ol Manly egensim Norths long dispela wik Sande, Manly bai tingting long mekim tupela rekot. Win bai givim ol 12 poin wankain olsem ol Souths long 1952. Na win tu bai givim ol 12 na i wankain olsem ron bilong ol long winim primiasip long 1987.

Biknem Australia pilai Johnny Raper husat i pilai long St George long 1959 taim ol i winim olgeta pilai bilong ol i tok olsem presa bilong ol narapela tim em bai wanpela bikpela samting.

"Presa bai bikpela tru i kam log ol sapota bilong ol, opisal na niuslain. Na sapos ol i ken mekim, em bai wanpela supa samting," Raper i tok.

Ol narapela tim husat i go tru na i no lusim wanpela pilai bilong ol bipo log St Georeg long 1959 em East long 1936 na 1937, Souths 1925, Norths 1921 na Balmain 1915.

-Rugby League Week





# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.